



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը


You are free to:

**Share** — copy and redistribute the material in any medium or format

**Adapt** — remix, transform, and build upon the material

1380

83  
L-41



83  
2-41  
uy

# ՆԱԹԱՆ ԻՄԱՍՏՈՒՆ

ԴՐԱՄԱՏԻԿԱԿԱՆ ԲԱՆԱՍՏԵՂԾՈՒԹԻՒՆ

ՀԻՆԳ ԳՈՐԾՈՂՈՒԹԵԱՄԲ

հեղինակուրիւն

## ԼԵՍՍԻՆԳԻ

LESSING'S  
**NATHAN DER WEISE.**

Թարգմանեց

ԳԼՈՐԴ ԲԱՐԽՈՒԴԱՐԵԱՆՑ

1878

Թ Ի Ս Ն Ի Ս

20 03

Հ. Լեֆիանանցի և Ընկ. տպարանում

Ե  
14-1

Дозволено цензурою. Тифлисъ, 3 ноября 1877 г.

95433-62



100054 P

LESSING'S  
NATHAN DER WÄISE  
ԼԷՍՍԻՆԳԻ  
ՆԱԹԱՆ ԻՄԱՍՏՏՈՒՆ

(ՆՈՒԷՐ Պ. ԿԱՐԱՊԵՏ ԵԶԵԱՆՑԻՆԻ)

LESSING'S  
NATHAN DER WEISE

ARMENISCHE UEBERSETZUNG

VON

GEORG BARCUDARIANZ

SEPARATABDRUCK AUS DER ZEITSCHRIFT «PORDZ»



ՆԱԹԱՆ ԻՄԱՍՏՈՒՆ

ԴՐԱՄԱՏԻԿԱԿԱՆ ԲԱՆԱՍՏԵՂԾՈՒԹԻՒՆ ՀԻՆԳ ԳՈՐԾՈՂՈՒԹԵԱՄԲ

ԼԷՍՍԻՆԳԻ

Introiate, nam et heic dii sunt!  
Apud Gellium.

Մտէք, և այստեղ կան աստուածներ:  
Գէլլիում:

(ՆՈՒԷՐ Պ. ԿԱՐԱՊԵՏ ԵԶԵԱՆԻՆ)

ԱՆՁԻՆՔ

ՍՈՒԼԹԱՆ ՍԱԼԱԳԻՆ:  
ՋԻՏՏԱ, նորա քոյրը:  
ՆԱԹԱՆ, մի հարուստ հրէայ Երուսաղէմում:  
ՐԷԽԱ, նորա որդեգիր դուստրը:  
ԴԱՅԱ, մի քրիստոնէայ կին, որ ապրում է հրէայի տանը իբրև ՐԷԽԱյի ընկեր:  
ՄԻ ԵՐԻՏԱՍԱՐԴ ՏԱՃԱՐԱԿԱՆ ԱՍՊԵՏ:  
ԳԷՐՎԻՇ:  
ԵՐՈՒՍԱՂԷՄԻ ՊԱՏՐԻԱՐԲԸ:  
ՄԻ ՎԱՆԱԿԱՆ ԵՂԲԱՅԵՐ:  
ԷՄԻՐ և Սալաղինի ՄԱՍԷԼԻԿՆԵՐ:  
Գործողութիւնը կատարուած է Երուսաղէմում:

# ԱՌԱՋԻՆ ԳՈՐԾՈՂՈՒԹԻՒՆ

## ԱՌԱՋԻՆ ԵՐԵՒՈՅԹ

### Ասրանի տան գաւիթը:

ՆԱԹԱՆ վերադառնալով ճանապարհորդութիւնից: ԴԱՅԱ զիմաւորում է նորան:

ԴԱՅԱ

Այս նա է: Նախնիս:—Գոհութիւն Աստուծոյ,  
Որ դուք վերջապէս վերադառնում էք:

ՆԱԹԱՆ

Այո՛, գոհութիւն Աստուծոյ, Գայա:  
Բայց էր վերջապէս: Մի՞թէ աւելի  
Շուտ էի ուզում ես վերադառնալ,  
Կամ կարող էի աւելի շուտ գալ:  
Բաբերն քաղաքն Երուսաղեմից  
Մօտ երկու հարիւր մղոն հեռու է,  
Երբ մարդ ստիպուած է իւր ճանապարհը  
Ծրուել երբեմն աջ և երբեմն ձախ.  
Այլ և հեշտ գործ չէ պարտքեր ժողովել,  
Եւ շուտ չէ լինում:

ԴԱՅԱ

Բայց այդ միջոցին

Որքան տարաբաղդ պիտի դառնայիք,

Նախնիս: Ձեր տունը....

ՆԱԹԱՆ

Սրբութեամբ էր: Արդէն



Ես այդ լսել եմ:—Աստուած տայ, որ ես  
Արդէն ամեն բան իմացած լինիմ:

ԴԱՅԱ

Կարող էր շատ հեշտ բոլորը այրուել:

ՆԱԹԱՆ

Այն ժամանակը մենք կը շինէինք,  
Գայա, մի նոր և յարմարաւոր տուն:

ԴԱՅԱ

Ճշմարիտ է:—Բայց Ռէխան մաղ պրծաւ,  
Որ մէջը այրուէր:

ՆԱԹԱՆ

Այրուէր: Ո՞վ, Ռէխաս:—

Ո՛չ, այդ չեմ լսել:—Այն ժամանակը  
Ել պէտք չէր ինձ տուն:—Մաղ պրծաւ, այրուէր:—  
Գուցէ և իրաւ արդէն այրուել է:  
Ուղեղը ասա:—Սպանի՛ր ինձ, միայն  
Երկար մի՛ տանջիր:—Այո՛ այրուել է:

ԴԱՅԱ

Թէ այրուած լինէր, մի՞թէ ինձանից  
Կըլտէիք այդ:

ՆԱԹԱՆ

Ուրեմն ինչե՞

Վախեցնում ես ինձ:—Ռէխա, իմ Ռէխա:

ԴԱՅԱ

Ձերը, ձեր Ռէխա:

ՆԱԹԱՆ

Ո՛հ, թէ ստիպուէի

Կրկին յետ սովորել նորան հարազատ  
Զաւակս անուանել:

ԴԱՅԱ

Մի՞թէ բոլորը,

Ինչ որ դուք ունիք, ձերն էք անուանում  
Նոյն իրաւունքով:

ՆԱԹԱՆ

Ոչինչ աւելի

Մեծ իրաւունքով: Բոլոր մնացածը  
Բնութեան ու բաղդի է պարզեւածը:  
Միայն այս մի հատ սեփականութիւնն  
Պարզեւել է ինձ առաքինութիւնն:

ԴԱՅԱ

Ո՛հ, որքան թանկ էք վճարել տալիս  
Ինձ ձեր բարութիւնն, եթէ բարութիւնն  
Այդ նպատակով գործած, կարող է  
Բարութիւն կոչուիլ:

ՆԱԹԱՆ

Այդ նպատակով:

Ի՞նչ նպատակով:

ԴԱՅԱ

Իմ խղճը....

ՆԱԹԱՆ

Դայա,

Թող առաջ պատմեմ....

ԴԱՅԱ

Խիղճս, ասում եմ....

ՆԱԹԱՆ

Ի՞նչ սիրուն կերպաս եմ գնել քեզ համար  
Ես Բաբելոնում. շքեղ, ճաշակով:  
Իէկայի համար անգամ չեմ բերել  
Նորանից լաւը:

ԴԱՅԱ

Ի՞նչ օգուտ: Խիղճս,

Ասում եմ ես ձեզ, էլ չէ հանդարտվում:

ՆԱԹԱՆ

Շատ ցանկանում եմ տեսնել, թէ արդեօք  
Կը հաւանի՞ս դու Դամասկոսումը  
Քեզ համար ընտրած մատանին, կինդեր,  
Կապերն ու շղթան:

ԴԱՅԱ

Դուք միշտ այդպէս էք:  
Միայն թէ ընծայէք, միայն ընծայէք:

ՆԱԹԱՆ

Ընդունիր ինձնից նոյն յօժարութեամբ,  
Ինչ յօժարութեամբ տալիս եմ ես քեզ —  
Եւ լռիր:

ԴԱՅԱ

Լռիր: Ո՞վ է կասկածում,  
Նախան, որ ազնիւ և վեհաձն էք դուք:  
Բայց սակայն....

ՆԱԹԱՆ

Սակայն ես մի հրէայ եմ:—  
Անպատճառ այս ես ուզում դու ասել:

ԴԱՅԱ

Դուք աւելի լաւ գիտէք, ինչ որ ես  
Ուզում եմ ասել:

ՆԱԹԱՆ

Ուրեմն լռիր:

ԴԱՅԱ

Ես լուռ եմ: Բայց թէ Ասածուն հակառակ  
Բան դուրս գայ սրանից, որ ես չեմ կարող  
Խախտնել, փոխել — թող գայ ձեր գլխին:

ՆԱԹԱՆ

Թող իմ գլխին գայ:— Բայց ո՛ւր է Իէկասն,  
Ինչի՞ չէ դալիս:— Դայա, մի՛ գուցէ  
Խաբուժես դու ինձ:— Արդեօք գիտէ՞նա,  
Որ ես եկել եմ:

ԴԱՅԱ

Այդ ձեզ եմ հարցնում:

Դեռ ես երկիւղից գողում եմ նորա  
Բոլոր ջղերը: Նորան ամեն տեղ  
Կրակ է երևում: Քրնի մէջ արթուն  
Եւ արթնութեան մէջ քնած է նրա հոգին.



Նա մէկ անդգայ է անասունից  
Եւ մէկ աւելի զգայուն քան հրեշտակ:

ՆԱԹԱՆ

Իմ խեղճ երեխայ: Այդ չե՞նք մենք մարդիկ:

ԴԱՅԱ

Նա այս առաւօտ երկար սպրկած էր  
Խրիած աչքերով, ինչպէս մի մեռել:  
Յանկարծ վեր թռաւ և աղաղակեց.  
«Լսիր, այ լսիր, ահա՛ գալիս են  
Իմ հօր ուղտերը, լսիր ահա և  
Նրա անոյշ ձայնը»—Յետոյ աչքերը  
Կրկին խառնուեցան և նորա գլուխը,  
Որին էլ նեցուկ չէր նորա ձեռը,  
Ընկաւ բարձի վրայ: — Ես դուրս եմ վազում,  
Եւ ինչ եմ տեսնում. իրաւ գալիս էք:  
Եւ ի՞նչ զարմանք: Նա բոլոր ժամանակ  
Հոգով ձեզ մօտ էր — և նորա մօտ էր: —

ՆԱԹԱՆ

Նորա մօտ: Ո՞ւմ մօտ:

ԴԱՅԱ

Նորա մօտ, որ նրան

Կրակից ազատեց:

ՆԱԹԱՆ

Այդ ո՞վ էր, ո՞վ էր: —

Ո՞ւր է: Ո՞վ փրկեց իմ Բէխային, ո՞վ:

ԴԱՅԱ

Մի երիտասարդ տաճարական է,  
Որ քանի մի օր սորանից առաջ  
Գերի բերուեցաւ, և որի կեանքը  
Խնայեց Սալադինն:

ՆԱԹԱՆ

Մի տաճարական,

Որին խընայեց սուլթան Սալադինն:

Մի պակաս հըրաշք չէր կարող փրկել  
Բէխայիս, Աստուած:

ԴԱՅԱ

Այո՛, կորած էր

Բէխան, եթէ նա իւր անակնկալ  
Ազատած կեանքը վստահ չենթարկէր  
Կրկին վըտանդի:

ՆԱԹԱՆ

Ո՞ւր է նա, ո՞ւր է

Այդ ազնիւ մարդը: Տար ինձ նրա ոտը: —  
Անշուշտ տուիք նորան ձեզ մօտ մընացած  
Գանձերից մի բան, բոլորը տուիք.  
Եւ դեռ աւելի ևս խօստացաք:

ԴԱՅԱ

Ի՞նչպէս պիտ' տայինք:

ՆԱԹԱՆ

Ո՞չ, ո՞չ. չըտուիք:

ԴԱՅԱ

Եկաւ, ի՞նչտեղից, ոչ որ չըզիտէ.  
Գընաց և ոչ որ չըզիտէ, թէ ո՞ւր: —  
Տունը անծանօթ, միայն հետևելով  
Մեր աղաղակին, վերարկուն ծածկած  
Աներկիւզ վաղեց ծուխ ու բոցի մէջ  
Դէպի այն ձայնը, որ մեզ օգնութեան  
Կանչում էր իւր մօտ: Արդէն ամենքիս  
Կորած էր թըռում, որ ծուխ ու բոցից  
Դուրս գալով, յանկարծ կանգնեց մեր առաջ,  
Հըզօր թևերի վերայ կըրելով  
Իւր ազատածին: Եւ մեր ցնծութեան,  
Շնորհակալութեան ուշ չըզարձնելով,  
Սառնութեամբ վայր զրից իւր կողպուեալ —  
Եւ անյայտացաւ նա ամբօխի մէջ:

ՆԱԹԱՆ

Սակայն յոյս ունիմ, որ ոչ յաւիտեան:

ԴԱՅԱ

Յետոյ առաջին օրերում տեսանք  
 Նորան ճեմելիս այն արմաւենի  
 Ծառերի տակը, որոնք կանգնած են  
 Յարուցեալն սուրբ գերեզմանի շուրջ:  
 Մօտեցայ նորան, շնորհակալութիւն  
 Արի, խնդրեցի և պահանջեցի,  
 Եւ աղերսեցի—էլ լի անգամ  
 Տեսնել այն անմեղ ու հեզ էակը,  
 Որ հանգստութիւն չունի, մինչև որ  
 Նորա առաջը ընկած չըլայտնէ  
 Լալով իւր սրտի շնորհակալութիւնն:

ՆԱԹԱՆ

Յետոյ:

ԴԱՅԱ

Ի զուր: Նա մեր աղաչանքին  
 Միշտ համր էր մընում. և դառը կատակ  
 Թափում էր նա միշտ, մանաւանդ ինձ վրայ...

ՆԱԹԱՆ

Մինչև այդպէսով նա ձեզ վախեցրեց....

ԴԱՅԱ

Ամենևին ոչ: Ամեն օր կրկին  
 Խնդրում էի ես, ամեն օր նորից  
 Ծաղրում էր նա ինձ: Ո՛րքան նեղութիւն  
 Կրեցի նորանից: Որքան նեղութեան  
 Ես էլ սիրով տանելու էի:—  
 Բայց վաղուց արդէն էլ չէ ճեմում նա  
 Այն արմաւենի ծառերի տակը,  
 Որոնք հովանի են մեր քրիստոսի  
 Սուրբ գերեզմանին. և մարդ չը գիտէ,  
 Թէ ինչտեղ է նա:— Ի՞նչ էք զարմանում:  
 Ի՞նչ էք մտածում:

ՆԱԹԱՆ

Ես մտածում եմ

Արդեօք ինչպիսի տպաւորութիւն  
 Պիտի ունենայ այդ Բէխայի պէս  
 Մէկի հոգու վրայ: Այդպէս անարգած  
 Տեսնել իւր անձը այն մարդուց, որին  
 Ստիպուած ես յարգել, և այդպէս մերժուիլ  
 Նորանից, որին ձգտում է սիրտը:—  
 Իրաւ որ այդտեղ պէտք է իրար հետ  
 Երկար մաքաւին զըլուխն ու սիրտը,  
 Ատելութիւնը արդեօք կը յաղթէ,  
 Թէ արտմութիւնը: Գուցէ ոչ մէկը.  
 Եւ այդ կուրի մէջ միջամտելով  
 Երեւակայութիւնն ծընում է ցնորքներ,  
 Երբ մէկ զըլուխն է սրտի տեղ ըզգում  
 Եւ մէկ զըլխի տեղ սիրտը մտածում:—  
 Վատ փոփոխութիւն:— Եւ, թէ չեմ սխալվում,  
 Բէխան այդ վերջին դրութեան մէջն է.  
 Նա երազում է:

ԴԱՅԱ

Բայց այնպէս պարկեշտ,  
 Այնպէս գեղեցիկ:

ՆԱԹԱՆ

Այո՛, բայց էլ

Երազում է նա:

ԴԱՅԱ

Մանաւանդ շատ թանկ  
 է նորա համար, եթէ ուզում էք—  
 Մի հաճոյք: Նա իւր տաճարականին  
 Չէ համարում մի հողեղէն էակ,  
 Այլ հրեշտակ, որի պահանջութեանը  
 Մանուկ օրերից սիրով յանձնել էր  
 Իւր փոքրիկ սիրտը, որ ամպով պատած  
 Շրջում էր հետը նաև կրակի մէջ,  
 Եւ յանկարծ իբրև մի տաճարական  
 Ասպետ յայտնուեցաւ:— Ոչ, մի՛ ծիծաղեք—  
 Ո՛վ գիտէ:— Գոնէ ժպտելով թողէք

Նորան մի ցընորք, որով իրար հետ  
Սերտ միացած են հրէան, քրիստոնէան  
եւ մուսուլմանը — մի քաղցր ցընորք:

ՆԱԹԱՆ

Այո՛, ինձ համար նոյնպէս շատ քաղցր:—  
Գնա՛, աղնիւ Դայա, տես ինչ է անում  
Բէխան. իմացիր արդեօք կարող եմ  
Նորա հետ խօսիլ:— Յետոյ կորոնեմ  
Ես այն վայրենի եւ ինքնահաճոյ  
Պաշտպան հրեշտակին: Թէ նա զեռ ևս  
Շըջում է մեր մէջ իբրև բիրտ ասպետ,  
Անշուշտ կը գտնեմ նորան և հետս  
Կը բերեմ այստեղ:

ԴԱՅԱ

Շատ էք խօստանում:

ՆԱԹԱՆ

Այն ժամանակ թող քաղցր ցընորքը  
Ցեղի տայ քաղցր ճշմարտութեանը:—  
Հաւատա՛, Դայա, որ մարդու համար  
Մարդը աւելի թանկ է հրեշտակից:—  
Ի հարկէ տժգոհ չես լինի ինձնից,  
Որ առողջանայ Բէխան այդ ցնորքից:

ԴԱՅԱ

Դուք շատ բարի էք և շատ էլ չար էք:  
Գընում եմ:— Ահա՛ ինքը գալիս է:

### ԵՐԿՐՈՐԻ ԵՐԵՒՈՅԹ

Ր Է Խ Ա Ն և Ա Ռ Ա Ջ Ի Ն Ն Ե Ր Ը

ՐԷԽԱ

Ուրեմն դ՞ուք էք, դուք, սիրելի՛ հայր:  
Ես կարծում էի, թէ միայն ձեր ձայնն էք  
Ուղարկել առաջ: Ո՛ւր էք: Ի՞նչ լեռներ,

Ի՞նչ անապատներ, էլ ի՞նչ գետեր  
Բաժանում են մեզ: Միայն մէկ պատ կայ  
Մեր երկուսի մէջ, և չէք շտապում ձեր  
Բէխային գրկել, այն խեղճ Բէխային,  
Որ փոքր մընաց այրուէր առանց ձեզ:—  
Դուք մի՛ սարսափիք — միայն փոքր մընաց:  
Ո՛հ, ինչ զգուելի մահ է այրուելը:

ՆԱԹԱՆ

Որդեակ, իմ որդեակ:

ՐԷԽԱ

Դուք պիտ' անցնէիք

Եփրատն ու Տիգրիս և Յորդանանը —  
Ո՞վ գիտէ էլ ինչ ուրիշ ինչ ջրեր:—  
Ինչպէս դողում էր սիրտս ձեզ համար,  
Քանի որ կրակը այնպէս մօտ չէր ինձ:  
Բայց այն օրից, երբ կրակն ինձ մօտեցաւ,  
Ձրի մէջ մեռնիլը ես համարում եմ  
Իբրև զովութիւն, իբրև քաղցրութիւն,  
Իբրև փրկութիւն:— Բայց դուք չէք խեղդուել,  
Ես էլ չեմ այրուել: Ուրեմն օրհնեք  
Աստուծոյ անունը և ուրախանա՛ք:  
Նա՛, Նա՛ անցկացրեց ձեզ ձեր նաւակով  
Այն նենգ գետերից իւր աներևոյթ  
Սուրբ հրեշտակների թւերի վերայ,  
Նա՛, Նա՛ պատուիրեց և իմ հրեշտակին,  
Որ տեսանելի կերպով իւր սպիտակ  
Թւերի վերայ հանէր ինձ կրակից:—

ՆԱԹԱՆ (ինքն իրան.)

Հը՛, սպիտակ թւեր: Տաճարականի  
Սպիտակ տարածած վերարկուն է այդ:

ՐԷԽԱ

Որ տեսանելի կերպով հանէր ինձ  
Նա կրակի միջից, իւր թւերովը  
Բոցը ձեզ դրելով:— Այսպէս ուրեմն

Ես հրեշտակ տեսայ երես առ երես,  
Եւ իմ հրեշտակին:

ՆԱԹԱՆ

Արժանի էիր,

Բէխա, այդ բանին. և դու նորա մէջ  
Տեսնելու չէիր ոչինչ աւելի  
Գեղեցիկ մի բան, քան թէ նա քո մէջ:

ԲԷԽԱ (ժպտելով)

Ո՛ւրեք էք դորանով շողոքորթում, հայր,  
Հրեշտակի՞ն, թէ ձեզ:

ՆԱԹԱՆ

Բայց եթէ մի մարդ,

Մի մարդ, ինչպիսի որ բընութիւնը  
Յոյց է տալիս մեզ իւրաքանչիւր օր,  
Արեւէ քեզ այդ ծառայութիւնը,  
Պէտք է քեզ համար մի հրեշտակ լինէր,  
Պէտք է լինէր և լինելու էլ էր:

ԲԷԽԱ

Ոչ թէ այդպիսի, այլ մի իսկական,  
Իրաւ իսկական մի հրեշտակ էր նա:—  
Չէ՞ որ, հայր, դուք ինձ սովորեցրել էք,  
Թէ կան հրեշտակներ, թէ Աստուած հրաշքներ  
Կարող է գործել այն անձանց համար,  
Որոնք սիրում են իրան: Եւ ես էլ  
Սիրում եմ նորան:

ՆԱԹԱՆ

Նա էլ սիրում է

Քեզ և ամեն ժամ հրաշքներ է գործում  
Քեզ համար և քեզ նմանների համար,  
Միշտ էլ գործել է աշխարհի սկզբից:

ԲԷԽԱ

Ինձ շատ ախորժ է լսել այդ բանը:

ՆԱԹԱՆ

Ի՞նչ: Որովհետեւ շատ բընական է,

Սովորական է, որ քեզ փրկել է  
Մի տաճարական, մի՞թէ այդպիսով  
Դա պակաս հրաշք է:— Մեծ հրաշքը այն է,  
Երբ որ ձգմարիտ, իսկական հրաշքը  
Այդպէս առօրեայ կարող է լինել,  
Եւ պէտք է լինի: Առանց հանրական  
Այդ հրաշքի դժուար թէ մի խոհական  
Անձն համարէր այն բանը հըրաշք,  
Ինչ որ մանուկներն են միայն հրաշք կանչում,  
Որոնց այն, ինչ որ միայն անսովոր է,  
Միայն ինչ որ նոր է, այն է զարմացնում:

ԴԱՅԱ

Ուզում էք դուք այդ նրբութիւններով  
Իսպառ խանգարել նորա ուղեղը,  
Որ առանց դորան արդէն խառնուած է:

ՆԱԹԱՆ

Թող, Դայա:— Մի՞թէ պակաս հըրաշք է  
Բէխայիս համար, որ նորան փրկեց  
Մի այնպիսի մարդ, որ ինքը նոյնպէս  
Նախ պիտի փրկուէր ոչ փոքր հրաշքով:  
Այո՞, մեծ հրաշք է: Որովհետեւ ո՞վ  
Արդեօք լսել է, որ Սալադինը  
Խընայած լինի երբէք կեանքը մի  
Տաճարականի, որ երբ և իցէ  
Մի տաճարական նրանից զթութիւն  
Պահանջած լինի, կամ սպասած լինի.  
Որ առաջարկել կարող չէ նորան  
Իւր ազատութեան համար ոչ ինչ բան,  
Բայց իւր մաշկէ գօտուց ու սրբից:

ԲԷԽԱ

Այդպէս է մտածում հայրս իմ մասին:—  
Այդ պատճառով իսկ նա մի ասպետ չէր,  
Այլ միայն այդպէս երևում էր մեզ:—  
Որ տաճարականն է գալիս այստեղ  
Ուրիշ կերպ, եթէ ոչ մահ ստանալու.

Ո՞րն է սոցանից Երուսաղէմում  
Ազատ պտտում. ուրեմն ի՞նչպէս  
Նոցանից մէկը գիշեր ժամանակ  
Ինքնակամ կարող էր զալ ինձ փրկել:

ՆԱԹԱՆ

Տես ինչ սրամիտ է: Այժմ դու խօսիր,  
Դայա, քեզանից լսեցի, որ նա  
Բերուել է այստեղ իբրև մի գերի:  
Անշուշտ աւելի բան կը գիտենաս:

ԴԱՅԱ

Այո՛—իհարկէ այդպէս են ասում:—  
Բայց նոյն ժամանակ այս էլ են ասում,  
Որ Սալադինը տաճարականի  
Կեանքը խնայել է, որովհետև նա  
Իբր նման է իւր եղբայրներից  
Մէկին, որ նորան շատ սիրելի էր:  
Բայց որովհետև քսան տարի շատ է,  
Ինչ որ մեռել է:—Ի՞նչ էր անունը,  
Ես այդ չըզգիտեմ, կամ ի՞նչ եղաւ նա—  
Այդ էլ չըզգիտեմ:—Եւ այդ բոլորը  
Թրվում է այնքան անհաւատալի,  
Որ գուցէ ոչ ինչ հիմնաւոր բան չէ:

ՆԱԹԱՆ

Դայա, ինչի՞ է անհաւատալի:  
Արդեօք պատճառը այն է—ինչպէս որ  
Դա պատահում է—որ մի աւելի  
Անհաւատալի բանին հաւատանք:—  
Ինչը չէր կարող Սալադինը, որ  
Այնպէս սիրում է առհասարակ իւր  
Բոլոր քոյրերին և եղբայրներին,  
Փոքր ժամանակ առանձին սիրել  
Իւր մէկ եղբորը:—Միթէ երկու դէմք  
Չեն կարող լինել իրարու նրման:—  
Միթէ ոչ ինչ հետք չէ թողնում մի հին  
Տպաւորութիւնն:—Ո՞ր օրից է, որ

Նոյնը չէ ազդում մի և նոյն բանը:—  
Ել ո՞ւր է այստեղ անհաւատալին:—  
Այո՛, իհարկէ, իմաստուն Դայա,  
Դու չես համարում այդ բանը հրաշք:  
Եւ քո հրաշքերը միայն կարօտ են....  
Ուզում եմ ասել, միայն արժանի են,  
Որ հրաշք համարուին:

ԴԱՅԱ

Դուք ծաղրում էք ինձ:

ՆԱԹԱՆ

Որովհետև դու էլ ինձ ես ծաղրում:—  
Բայց էլի, Ռէխա, քո փրկութիւնը  
Այնպիսի հրաշք է, որ հնարաւոր է  
Միմիայն նորան, որ արքաների  
Ամենասաստիկ որոշումները,  
Ամենամեղաւոր նախագիծները  
Կառավարում է բարակ թելերով,  
Խաղալով—գուցէ և կատակելով:

ՐԷԽԱ

Հայր, թէ սխալվում եմ, ապա դուք գիտէք,  
Որ ես ահամայ եմ միայն սխալվում:

ՆԱԹԱՆ

Ընդհակառակը, դու իմ խրատները  
Ուզում ես լսել:—Տես, ահա՛ ճակատ  
Այսպէս կամ այնպէս կամարած, մի քիթ  
Աւելի այսպէս, քան այնպէս ծռած,  
Յոնքեր, ոլորած մի սուր կամ թէ բուրթ  
Ոսկոռի վերայ, մի անկիւն, մի ծալ,  
Մի բերան, չնչին մի նշան կոպիտ  
Մի Եւրոպացու երեսի վերայ—  
Կրակից փրկում է քեզ Ասիայում:  
Միթէ սա հրաշք չէ, թերահաւատներ:  
Ել ի՞նչ էք ի գուր անհանգիստ անում  
Դուք հրեշտակներին:

ԴԱՅԱ

Վնասն ի՞նչ է. Նախան—  
 Եթէ իրաւունք կը տաք ինձ ասել—  
 Մեզ մի հրեշտակից փրկուած համարել,  
 Քան թէ մի մարդուց: Արդե՞օք այդպէսով  
 Աւելի մօտիկ չէ ըզգում իրան  
 Մարդ իւր փրկութեան անիմանալի  
 Սկզբնապատճառին:

ՆԱԹԱՆ

Մեծամտութիւն,

Մեծամտութիւն, աւելի ոչ ինչ:  
 Երկաթէ կաթսան ուզում է հանուել  
 Կրակից արծաթէ մի ունելըով,  
 Կարծելով այդպէս ինքն էլ կը դառնայ  
 Արծաթէ կաթսայ:—Վնասն ի՞նչ է. Դայա,  
 Հարցնում ես դու ինձ, փնասն ի՞նչ է: Ես էլ  
 Կարող եմ հարցնել, օգուտը ի՞նչ է:—  
 Որովհետեւ քո ասած խօսքերը.  
 «Այդպէս ըզգում է մարդ իրան Աստծուն  
 Աւելի մօտիկ,» անմտութիւն են  
 Կամ հայհոյութիւն:—Բայց և վընաս կայ,  
 Անշուշտ կայ վընաս:—Ահա՛ լսեցէք:—  
 Չէ՞ որ ուզում էք դուք այն էակին,  
 Որ քեզ ազատեց—հրեշտակ է, թէ մարդ—  
 Փոխարէնն անել աւելի մեծ մեծ  
 Ծառայութիւններ, մանաւանդ թէ դու:  
 —Բայց մի հրեշտակին, ասացէք, ի՞նչ մեծ  
 Ծառայութիւններ կարող էք անել:  
 Կարող էք նրանից շնորհակալ լինել,  
 Ուղարկել նորան ձեր հառաչանքը,  
 Աղօթել նորան, զմայլած արտասուք  
 Թափել առաջը, կարող էք նորա  
 Տօնին ծով պահել, ողորմութիւն տալ:—  
 Բայց այդ ոչինչ է:—Ես կարծում եմ, որ  
 Դորանով դուք և մարդիկ աւելի

Կօդտուիք, քան թէ նա: Ձեր ծով պահելով  
 Նա չի գերանայ, չի հարստանայ  
 Ձեր ողորմութեամբ, ձեր զմայլմամբ  
 Փառքը չի աւելանայ, ոչ էլ աւելի  
 Հըզօր կը դառնայ նա ձեր հաւատով:—  
 Այնպէս չէ:—Սակայն մի մարդ:

ԴԱՅԱ

Ի հարկէ,

Մարդը աւելի միջոց կը տար մեզ,  
 Որ փոխարէնը մենք էլ նրա համար  
 Մի բան անէինք: Եւ, գիտէ Աստուած,  
 Թէ ինչպէս սրտով ցանկանում էինք:  
 Բայց նա չէր ուզում, նա չէր կարօտում.  
 Նա այնպէս գոհ էր ինքը իրանով,  
 Ինչպէս մի հրեշտակ, ինչպէս կարող է  
 Լինել միայն հրեշտակ:

ԲԷԽԱ

Բայց երբ վերջապէս

Նա անյայտացաւ....

ՆԱԹԱՆ

Ի՞նչ, անյայտացա՞ւ—

Անյայտացա՞ւ նա:— Էլ չերևեցա՞ւ  
 Նա արմաւենի ծառերի տակը:—  
 Ի՞նչ, գուցէ ևս աւելի հեռու  
 Որոնել էք նրան:

ԴԱՅԱ

Ո՛չ, այդ չենք արել:

ՆԱԹԱՆ

Ո՛չ, Դայա: Ապա հիմա տես փնասը:—  
 Ո՛վ դուք քարասիրտ, ցնորասէր կանայք:  
 Եթէ որ հիմա ձեր այդ հրեշտակը  
 Հիւանդացած է.....

ԲԷԽԱ

Հիւանդացած է.



1000774

ԴԱՅԱ

Հիւանդացած է: Ո՛հ, այդ չե լինի:

ԲԷԽԱ

Ո՛հ, ինչ սարսուր է բռնում ինձ, Գայա —  
ձախատս միշտ տաք, կարծես թէ յանկարծ  
Սառուց փոխուեցաւ:

ՆԱԹԱՆ

Նա Ֆրանկ է, տեղիս  
Օղին անսովոր: Երիտասարդ է.  
Նա սովորած չէ ծանր աշխատանքին,  
Սովին, անքնութեան:

ԲԷԽԱ

Հիւանդ է, հիւանդ:

ԴԱՅԱ

Նաթանն ասում է, որ կարելի է:

ՆԱԹԱՆ

Հիմա պարկած է հիւանդ և չունի  
Նա ոչ բարեկամ և ոչ էլ դրամ,  
Որ բարեկամներ վարձէ իւր համար:

ԲԷԽԱ

Ո՛հ, հայր:

ՆԱԹԱՆ

Ընկած է, անխնամ, անհանգիստ  
Եւ անմխիթար, ցաւերով տանջուած  
Եւ մահուան աւար:

ԲԷԽԱ

Ի՞նչտեղ, այդ ի՞նչտեղ:

ՆԱԹԱՆ

Նա, որ քեզ համար, քեզ համար, որին  
Երբէք չէր տեսել — հերիք է ասել  
Մի մարդու համար — իրան կրակը ձգեց.....

ԴԱՅԱ

Նաթան, ինչպե՞ք:

ՆԱԹԱՆ

Որ իւր փրկածին  
Չուզեց աւելի մօտիկ ճանաչել,  
Չուզեց էլ տեսնել, որ չըլէր նրա  
Շնորհակալութիւնն....

ԴԱՅԱ

Ինչպե՞ք սորան:

ՆԱԹԱՆ

Եւ այսուհետեւ տեսնել չէ ուզում,  
Եթէ ոչ կրկին ազատել նորան —  
Որովհետեւ նա մի մարդ է....

ԴԱՅԱ

Նաթան,

չերիք է, տեսէք:

ՆԱԹԱՆ

Եւ նա մեռնելով  
Բընաւին չունի մխիթարութիւն,  
Բացի այդ գործի զիտակցութենից:

ԴԱՅԱ

Չերիք է, Նաթան, սպանում էք սորան:

ՆԱԹԱՆ

Եւ դու սպանեցիր նորան, այդպէսով  
Կը սպանէիք նրան: — Բէխա, տուածս  
Դեղ է և ոչ թոյն: Նա կենդանի է: —  
Ուշքի եկ, Բէխա: — Գուցէ հիւանդ չէ  
Նա մինչև անգամ:

ԲԷԽԱ

Իրաւ մեռած չէ: —

Իրաւ հիւանդ չէ:

ՆԱԹԱՆ

Անշուշտ մեռած չէ:

Աստուած վարձատրում է բարի գործը  
 Արդէն իսկ այստեղ:— Այժմ հասկանում ես,  
 Թէ որքան հեշտ է երկիւղած լինել,  
 Գան բարի գործ ել, թէ ինչպէս դանդաղ  
 Մարդը յօժար է երկիւղած լինել—  
 Երբեմն որոշ չը հասկանալով  
 Իւր նպատակը— որ կարողանայ  
 Բարի չը գործել:

ԻԷԽԱ

Ո՛հ, հայր, մի՛ թողնէք  
 Էլ այսուհետև Ռէխային մենակ:—  
 Գուցէ ուրիշ տեղ է գընացել նա:—

ՆԱԹԱՆ

Այո՛ — անկասկած:— Ահա տեսնում եմ  
 Հետաքրքրութեամբ դնում է այնտեղ  
 Մի մահաճգնական բարձած ուղտերս:  
 Ձը գիտէք, ո՞վ է:

ԴԱՅԱ

Ձեր դէրվելն է:

ՆԱԹԱՆ

Ո՞վ:

ԴԱՅԱ

Կա ձեր դէրվելն է, շախ խաղացողը:

ՆԱԹԱՆ

Ալ — Հա՛ջին, մի՞թէ:

ԴԱՅԱ

Այժմ Սուլթանի

Գանձապահն է նա:

ՆԱԹԱՆ

Ի՞նչպէս, Ալ — Հա՛ջին:

Մի՞ գուցէ կրկին երազում ես դու:—

Նա է — այո՛ նա — այստեղ է գտնու:—

Շուտ ներս գընացէք:— Ի՞նչ պիտի լսեմ:

### ԵՐՐՈՐԴ ԵՐԵՒՈՅԹ

ՆԱԹԱՆ և ԴԷՐՎԻՇ

ԴԷՐՎԻՇ

Դէ՛հ, լաւ բաց արէք դուք ձեր աչքերը,  
 Որքան կարող էք:

ՆԱԹԱՆ

Դո՛ւ ես, թէ դու չես:—

Դէրվել, ինչ շքեղ հանդերձ ես հագել....

ԴԷՐՎԻՇ

Հ՛ը, ի՞նչ է: Մի՞թէ դէրվելը ոչինչ  
 Բան չէ դառնալու:

ՆԱԹԱՆ

Ինչի չէ:— Միայն

Ես միշտ կարծում եմ, որ մի ճշմարիտ —  
 ճշմարիտ դէրվել — ինքն էլ չի ուզի,  
 Որ մի բան դառնայ:

ԴԷՐՎԻՇ

Մարգարէն վեկայ,

Գուցէ իրաւ է, որ իսկ դէրվել չեմ:—  
 Բայց երբ ստիպուած ես —

ՆԱԹԱՆ

Ստիպուած ես, դէրվել:

Դէրվելը ստիպուած: Ոչ որ ստիպուած չէ  
 Ստիպուած լինելու: Դէրվելը ստիպուած:  
 Բայց ի՞նչ բանի մէջ:

ԴԷՐՎԻՇ

Ինչ որ խնդրում են

Նորան և ինչ որ ինքը դէրվելը  
 Լաւ է համարում. այ ինչ բանի մէջ:

ՆԱԹԱՆ

Վրկայ է Աստուած, ուղիղ ես ասում:—



Մարդ, թող գրկեմ քեզ:— Ի հարկէ դու դեռ  
Իմ բարեկամն ես:

ԳԻՐՎԻՇ

Բայց դեռ չէք հարցնում,

Թէ ի՞նչ եմ դառել:

ՆԱԹԱՆ

Ինձ համար մէկ է,

Թէ ինչ ես դառել:

ԳԻՐՎԻՇ

Մի՞թէ չէի կարող

Ստանալ այնպիսի մի պաշտօն, որ իմ  
Բարեկամութիւնը յարմար չէ ձեզ:

ՆԱԹԱՆ

Թէ քո սիրտը դեռ դէրվելն սիրա է,

Կը վստահանամ բարեկամանալ:

Ի՞նչ է պաշտօնդ, հազից հանդերձը:

ԳԻՐՎԻՇ

Հանդերձին նոյնպէս պէտք է պատիւ տալ:—

Ասացէք տեսնեմ, ի՞նչ կարող էի

Ես ձեր կարծիքով լինել ձեր տանը:

ՆԱԹԱՆ

Աւելի ոչինչ, այլ միայն դէրվել:

Եւ նոյն ժամանակ գուցէ — խոհարար:

ԳԻՐՎԻՇ

Հա՛, որ կորցնեմ արհեստս ձեզ մօտ:—

Խոհարար:— Այո՛: Գուցէ և ծառայ:—

Խոստովանեցէք, Սալադինը ինձ

Աւելի լաւ է ճանաչում ձեզնից:—

Այժմ նորա մօտ գանձապահ եմ ես:

ՆԱԹԱՆ

Դո՛ւ — նորա մօտ ես:

ԳԻՐՎԻՇ

Հասկացէք, միայն

Փոքր գանձինը, տընականինը,  
Որովհետեւ մեծ գանձը դեռ ևս  
Կառավարում է սուլթանի հայրը:

ՆԱԹԱՆ

Նրա տունը մեծ է:

ԳԻՐՎԻՇ

Աւելի մեծ է,

Քան թէ կարծում էք: Ամեն աղքատ էլ

Նորա տանից է:

ՆԱԹԱՆ

Բայց Սալադինը

Այնպէս թշնամի է աղքատներին:—

ԳԻՐՎԻՇ

Որ կամենում է բոլորին ջնջել,—

Թէև այդպէսով ինքն աղքատանար:

ՆԱԹԱՆ

Շատ լաւ է: Ես էլ այդպէս եմ մտածում:

ԳԻՐՎԻՇ

Առանց դորան էլ նա մի աղքատ է:—

Ամեն երեկոյ նրա գանձարանը

Աւելի դատարկ է, քան դատարկը:

Մակընթացութիւնը առաւօտը

Որքան և բարձր է, կէսօրին արդէն

Իսպառ իջել է:—

ՆԱԹԱՆ

Մեծ մասը գնում է

Խողովակներով, որոնց — հընար չէ

Լցնել, կամ փակել:

ԳԻՐՎԻՇ

Այդպէս է:

ՆԱԹԱՆ

Գիտեմ:

ԳԵՐՎԻՇ

Ի հարկէ վատ է, երբ իշխանները  
Անգղեր են և շուրջ նոցա գեշեր են.  
Բայց երբ իրանք են գեշեր անգղերով  
Պատած, տասն անգամ աւելի վատ է:

ՆԱԹԱՆ

Ո՛հ, ո՛չ, ո՛չ, դէրվել:

ԳԵՐՎԻՇ

Շատ լաւ էք խօսում:—  
Կուզէք, ի՞նչ կը տաք, ձեզ տամ իմ տեղը:

ՆԱԹԱՆ

Քեզ ի՞նչ է տալիս, դէրվել, քո տեղը:

ԳԵՐՎԻՇ

Ի՞նչ: Շատ չէ: Բայց ձեզ, ձեզ մեծ օգուտներ  
Կարող է բերել: Երբ դանձարանում  
Տեղատուութիւն է — և այդ բանը շատ  
Շուտ շուտ է լինում — ապա բաց կանէք  
Ձեր փականքները. փոխ կը տաք, կաննէք  
Ուզած տոկոսը:

ՆԱԹԱՆ

Յետոյ տոկոսի

Տոկոսը:

ԳԵՐՎԻՇ

Անշուշտ:

ՆԱԹԱՆ

Մինչև զուժարըս

Տոկոսի փոխուի:

ԳԵՐՎԻՇ

Այդ ձեզ չէ գրաւում:

Ուրեմն խիոյն վերջ տանք փոխադարձ  
Բարեկամութեան: Իրաւ, ես մեծ յոյս  
Ունէի ձեզ վրայ:

ՆԱԹԱՆ

Իրաւ: Այդ ի՞նչպէս:

ԳԵՐՎԻՇ

Որ դուք կօզնէք ինձ պատուով կատարել  
Պաշտօնս, որ միշտ բաց է լինելու  
Ձեր արկղն ինձ համար: — Տարակուսում էք:

ՆԱԹԱՆ

Հասկանանք միմեանց: Պէտք է որոշել:—  
Դու, դու կարող ես: Դէրվել Ալ-Հաֆին  
Կարող է ինձ վրայ միշտ վտահ լինել:—  
Սակայն սուլթանի դանձապահ Հաֆին,  
Որ—որի համար:

ԳԵՐՎԻՇ

Չիմացայ արդեօք:

Դուք միշտ բարի էք, որքան և խելօք.  
Դուք միշտ խելօք էք, որքան իմաստուն:  
Բայց համբերութիւն: Այն, ինչով Հաֆին  
Չանազանվում է, շուտով չի լինի:—  
Տեսէք այս զգեստը, որ պարզեւել է  
Ինձ Սալադինը: Առաջ քան թէ սա  
Գոյնը կը փոխէ և կը հընանայ,  
Ինչպէս վայելուչ է մի դէրվելին,  
Կը կախուի դամբը երուսաղէմում,  
Եւ ես կը լինիմ Գանդէսի ափին,  
Ուր բոբիկ ոտով տաք աւազի վրայ  
Ուսուցիչներին հետ կը թափառեմ:

ՆԱԹԱՆ

Այդ քեզ յարմար է:

ԳԵՐՎԻՇ

Եւ շախ կը խաղամ:

ՆԱԹԱՆ

Քո ամենամեծ հարստութիւնն է:

ԳԵՐՎԻՇ

Տեսէք թէ ինչով հրապուրեցին ինձ:—

Որ հնար ունենամ ես էլ չը մուրալ,  
Հարուստ երեկիլ աղքատների մօտ,  
Մի ակնթարթում հարուստ աղքատին  
Ամենաաղքատ հարստի փոխել:

ՆԱԹԱՆ

Մի՞թէ զորանով:—

ԴԷՐՎԻՇ

Աւելի ևս

Մի անհամ բանով: Առաջին անգամ  
Ազդեց ինձ վերայ շողքորթութիւնն:  
Ինձ շողքորթեց Սալադինը իւր  
Բարեսիրտ ցնորքով:—

ՆԱԹԱՆ

Ա՞յն է:

ԴԷՐՎԻՇ

«Աղքատը

- « Միայն զիտէ, ինչ է աղքատութիւնը,
  - « Աղքատը զիտէ աղքատին տալու
  - « Լաւ եղանակը: Նախորդը, ասաց,
  - « Հետս անչափ կոշտ ու սառն էր վարվում.
  - « Տալիս էր, սակայն այնպէս ակամայ.
  - « Այնպէս խստութեամբ հարց ու փորձ անում
  - « Ստացողի մասին. բաւական չէ, որ
  - « Ծանօթանում էր կարօտութեան հետ,
  - « Ուզում էր նաև պատճառն իմանալ,
  - « Որ այդ պատճառին համեմատ կընէր
  - « Ողորմութիւնը: Այդպէս չի լինի
  - « Այլ - Հաջին: Այդպէս անգութ զթասիրտ
  - « Չի ներկայացնի նա Սալադինին:
  - « Այլ - Հաջին նրման չէ կեղտով լցուած
  - « Խողովակներին, որոնք ընդունած
  - « Պարզ ջուրը պղտոր վերադարձնում են:
  - « Այլ - Հաջին ևս ինձ պէս է ըզգում,
  - « Այլ - Հաջին ևս ինձ պէս մրտաճում:»—
- Այնպէս անոյշ էր սալում որսորդը,

Մինչև թռչունը ընկաւ ցանցի մէջ:—  
Ո՛հ, ես խեղկատակ:— Մի խեղկատակի  
Խեղկատակն եմ ես:

ՆԱԹԱՆ

Հանդարտ, իմ դէրվիշ

Հանդարտ:

ԴԷՐՎԻՇ

Ի՞նչ:— Մի՞թէ խեղկատակութիւն.

Չէ հազարաւոր մարդկանց նեղացնել  
Գրիեկ, կողոպտել, տանջել ու խեղդել  
Եւ մի քանիսի համար մարդասեր  
Երեկիլ ուղել: Խեղկատակութիւն  
Չէ, ապա ի՞նչ է Աստուած ձեռնալ,  
Որի զթութիւնն առանց խարութեան  
Թէ չար, թէ բարի արարածներին,  
Թէ կանաչ դաշտին, թէ անապատին  
Տալիս է անձրև ու պայծառ արև—  
Երբ չունիս նորա անսպառ ձեռք:  
Խեղկատակութիւն չէ, հարցնում եմ ձեզ ....

ՆԱԹԱՆ

Լա՛ւ, բաւական է:

ԴԷՐՎԻՇ

Ո՛չ, թողէք յիշեմ

Նմանապէս և իմ խեղկատակութիւնն:—  
Խեղկատակութիւն չէ, այդ բանի մէջ  
Լաւ կողմը տեսնել, և այդ պատճառով  
Մասնակից լինել: Հ՞ը, ի՞նչ էք ասում:

ՆԱԹԱՆ

Այլ - Հաջի, շտապիր շուտով հեռանալ  
Քո անապատը: Ես վախենում եմ,  
Որ դու մարդկանց մէջ գուցէ մոռանաս  
Քո մարդ լինելը:

ԴԷՐՎԻՇ

Ուղեղ է: Ինքս էլ

Վախենումեմ ես: Մընացէք բարով:

ՆԱԹԱՆ

Կաց, ի՞նչ ես շտապում:—Մի՞թէ կը փախչի

Քո անապատը:—Այ - Հա՛ջի, սպասի՛ր:

Չէ լսում—Քընաց: Ուզում էի մեր

Տաճարականի մասին բան հարցնել:

Անշուշտ ճանաչում կը լինի նորան:

### ԶՈՐՐՈՐԴ ԵՐԵՒՈՅԹ

ԴԱՅԱ շտապով ներս մտնելով, ՆԱԹԱՆ:

ԴԱՅԱ

Նաթան, նաթան:

ՆԱԹԱՆ

Հ՞ր: Ի՞նչ է պատահել:

ԴԱՅԱ

Ահա նա էլի երեւեցաւ մեզ:

ՆԱԹԱՆ

Այդ ո՞վ, Դայա, ո՞վ:

ԴԱՅԱ

Նա ինքը:

ՆԱԹԱՆ

Նա՞, նա՞:

Ո՞վ չէր երեւում:—Այո՛, հասկացայ:—

Ոչ, նա չըպէտք է երեւեր, թէև

Հրեշտակ իսկ լինէր:

ԴԱՅԱ

Ելի ճեմում է

Նա արմաւենի ծառերի տակը:

Արմաւ է քաղում:

ՆԱԹԱՆ

Եւ ուտում—ինչպէս

Մի տաճարական:

ԴԱՅԱ

Ի՞նչ էք տանջում ինձ:—

Արդէն ճանաչեց նորան Ռէխայի

Ազահ հայեացքը խիտ ծառերի մէջ,

Եւ հետևում է նորան անդադար:

Նա ձեզ խնդրում է, աղաչում է ձեզ,

Որ իսկոյն, իսկոյն զընաք նորա մօտ:

Նա պատուհանից նշան կըտայ ձեզ,

Թէ որ կողմը գնաց: Ո՛հ, շուտ, շտապեցէք:

ՆԱԹԱՆ

Նոր ուղտից իջած:—Արդեօք յարմար է:—

Շուտ, ինքզ զընա և յայտնիր նորան

Իմ վերադարձը: Կըտեսնես, որ այն

Ազնիւ տղամարդը չէր ուզում մտնել

Իմ տունը, մինչդեռ բացակայ էի,

Եւ ուրախութեամբ կըզայ, երբ հայրը

Խնդրում է նորան: Գնա՛, ասա նորան,

Որ ես խնդրումեմ, սրտանց խնդրումեմ:....

ԴԱՅԱ

Բողոքն ի զուր է: Նա չի գայ ձեզ մօտ:—

Կարձ ասեմ, չի գայ նա հրէայի մօտ:

ՆԱԹԱՆ

Ուրեմն զընա, զընա գոնեա,

Որ պահես նորան, որ գոնեա աչքով

չետես նորան:—Ես էլ շուտ կըզամ:

(Նաթանը մտնում է տուն, Դայան հեռանում է:)

### ՀԻՆԳԵՐՈՐԴ ԵՐԵՒՈՅԹ

մի հրապարակ արմաւենիներով,

որոնց տակը ման է գալիս ՏԱՃԱՐԱԿԱՆԸ: ՄԻ ՎԱՆԱԿԱՆ ԵՂ-  
ԲԱՅՐ, կողքից նետում է նորան փոքր ինչ հեռու, կարծես ուզում է  
բան ասել նորան:

ՏԱՃԱՐԱԿԱՆ

Նա չէ հետևում ինձ աննպատակ:—

Ինչպէս շում է ձիաներիս կողմը

Նա իւր աչքերը:— Ո՛վ բարի եղբայր...  
Գուցէ կարող եմ և հայր կանչել ձեզ:

ՎԱՆԱԿԱՆ

Ո՛չ, միայն եղբայր, վանական եղբայր:

ՏԱՃԱՐԱԿԱՆ

Ո՛վ բարի եղբայր, եթէ ես ինքս

Բան ունենայի: Վկայ է Աստուած,

Որ ոչ ինչ չունիմ:—

ՎԱՆԱԿԱՆ

Շատ շնորհակալ եմ:

Հազարապատիկ թող տայ ձեզ Աստուած,

Ինչ որ դուք ինձ տալ կամենում էիք:

Կամքը, ոչ թէ սուրբն է ողորմութիւն:—

Այլ և ուղարկուած չեմ պարոնի մօտ,

Որ ողորմութիւն խնդրեմ նորանից:

ՏԱՃԱՐԱԿԱՆ

Բայց ուղարկուած էք:

ՎԱՆԱԿԱՆ

Այո՛, մեր վանքից:

ՏԱՃԱՐԱԿԱՆ

Ուր իսկոյն ահա՛ յոյս ունէի ես

Կերակուր դանել:

ՎԱՆԱԿԱՆ

Սեղանների շուրջ

Ազատ տեղ չըկար:— Բայց եթէ, պարոն,

Կրճաք դուք ինձ հետ:

ՏԱՃԱՐԱԿԱՆ

Ի՞նչ հարկաւոր է:

Վաղուց է, ինչ որ էլ միս չեմ կերել,

Եւ արմանները արդէն հասել են:

ՎԱՆԱԿԱՆ

Պէտք է զգուշանաք, պարոն, այդ պտղից:

Շատ ուտել ֆեսաս է. դա պղտորում է

Մարդու արիւնը և մեղամաղձոտ

է անում նորան:

ՏԱՃԱՐԱԿԱՆ

Իսկ եթէ ի՞նքս

Ուզում եմ լինել ես մեղամաղձոտ:

Ինձ զգուշացնելու համար չէր անշուշտ,

Որ իմ ևսեկից ուղարկեցին ձեզ:

ՎԱՆԱԿԱՆ

Ո՛չ:— Ուղարկած եմ, որ ձեզ ճանաչեմ,

Ձեր համը առնեմ:—

ՏԱՃԱՐԱԿԱՆ

Եւ այդպէս ուղիղ

Ասում էք ինձ այդ:

ՎԱՆԱԿԱՆ

Ի՞նչ է, ինչի՞ չէ:

ՏԱՃԱՐԱԿԱՆ (ինքն իրան.)

Խորամանկ եղբայր:—

(Վանականին.)

Շատ կան ձեր վանքում

Ձեր նմանները:

ՎԱՆԱԿԱՆ

Չըզիտեմ: Ես միայն

Պէտք է հնազանդիմ:

ՏԱՃԱՐԱԿԱՆ

Եւ հնազանդում էք,

Ի հարկէ, առանց երկար քննելու:

ՎԱՆԱԿԱՆ

Ի հարկէ, թէ չէ ի՞նչ հնազանդութիւն:

ՏԱՃԱՐԱԿԱՆ (ինքն իրան.)

Միշտ այսպէս ահա արդարանում է

Պարզմտութիւնը:—

(Վանականին.)

Բայց դուք ի հարկէ

Կարող էք ասել, թէ ո՞վ է ուզում

Ինձ լաւ ճանաչել:— Պատրաստ եմ երդուել

Ես, որ այդ դուք չէք:

ՎԱՆԱԿԱՆ

ինձ ի՞նչ վայել է.

ի՞նչ օգուտ է ինձ:

ՏԱՃԱՐԱԿԱՆ

Բայց ումն է օգուտ,

Որ այդպէս ինձնով հետաքրքրվում է:

ՎԱՆԱԿԱՆ

Պէտք է կարծել, որ պատրիարք հօրը,  
Որովհետեւ նա է ինձ ուղարկել:

ՏԱՃԱՐԱԿԱՆ

Պատրիարք հայրը: Բայց մի՞թէ նորան  
Ծանօթ չէ կարմիր խաչը այս սպիտակ  
Վերարկուի վրայ:

ՎԱՆԱԿԱՆ

ինձ էլ ծանօթ է:

ՏԱՃԱՐԱԿԱՆ

Ուրեմն, եղբայր, ուրեմն:— Ես մի  
Տաճարական եմ, գերի եմ այստեղ:—  
Եւ աւելցնում եմ, որ գերի ընկայ  
Տէրնին բերդի մօտ, որ, երբ վերջացաւ  
Զինադադարը, ուզեցինք առնել,  
Յետոյ Սիդօնի վրայ յարձակուելու  
Դիտաւորութեամբ — աւելցնում եմ, որ  
Քսանս բռնուեցանք, և Սալադինը  
Միայն ինձ խընայեց: Ահա՛ բոլորը,  
Ինչ որ հարկաւոր է պատրիարքին  
Իմանալ, այո՛, աւելի, քան թէ  
Պէտք է իմանալ:—

ՎԱՆԱԿԱՆ

Դժուար թէ աւելի,

Քան թէ որքան որ արդէն գիտէ նա:—  
Նա ցանկանում է իմանալ, արդե՞օք  
Ինչի միայն ձեզ խնայեց սուլթանը:

ՏԱՃԱՐԱԿԱՆ

Ես ինքս գիտեմ:— Պարանոցս բաց  
Արդէն ծուր գրի վերարկուիս վրայ  
Եւ սպասում էի այդպէս հարուածին,  
Որ Սալադինը ինձ լաւ նայելով  
Շուտ մօտ է վազում և նշան տալիս:  
Ինձ բարձրացնում են և արձակում են  
Իմ կապանքները: Ուզում եմ նորան  
Շնորհակալ լինել. տեսնում եմ նորա  
Աչքերը լցուած են արտասուքով.  
Նա լուռ է, և ես, գընաց, ես մնացի:—  
Թէ ինչպէս եղաւ, թող պատրիարքը  
Ինքը բացատրէ:

ՎԱՆԱԿԱՆ

Դորանից նա այս  
է եզրակացնում, որ ձեզ պահպանեց  
Աստուած մեծամեծ գործերի համար:

ՏԱՃԱՐԱԿԱՆ

Այո՛, անչափ մեծ: Որ հրէայ աղջկան  
Ազատեմ կրակից, որ առաջնորդեմ  
Ուխտաւորներին Սինայի վերայ,  
Եւ էլն ուրիշ այդպիսի գործեր:

ՎԱՆԱԿԱՆ

Ուրիշ էլ կլինին:— Առ այժմ վատ չէ:  
Գուցէ պատրիարքը պատրաստ ունի  
Արդէն ձեզ համար դրանից աւելի  
Նշանաւոր գործ:

ՏԱՃԱՐԱԿԱՆ

Իրա՛ւ, կարծում էք:—

Գուցէ և արդէն ակնարկել է ձեզ:

ՎԱՆԱԿԱՆ

Այո՛, ի հարկէ:— Բայց նախ պէտք է ձեզ  
Ես լաւ ծանաչեմ. արդեօք յարմար էք  
Այն գործի համար:

ՏԱՃԱՐԱԿԱՆ

լաւ, ճանաչեցէք:

(Ինքն իրան)

Տեսնեմ, թէ ինչպէս պիտի ճանաչի:

ՎԱՆԱԿԱՆ

Ամենից լաւն է ուղղակի յայտնեմ  
Ձեզ մեր պատրիարք հօր ցանկութիւնը:

ՏԱՃԱՐԱԿԱՆ

Այո՛, ի հարկէ:

ՎԱՆԱԿԱՆ

Նա ուզում է ձեզ

Մի նամակ յանձնել:

ՏԱՃԱՐԱԿԱՆ

Ինձ նամակ յանձնել:

Ես սուրհանդակ չեմ: — Ս,յդ է այն դործը,  
Որ ձեր ասելով շատ փառաւոր է,  
Քան կրակից հանել մի հրէայ աղջիկ:

ՎԱՆԱԿԱՆ

Այդպէս եմ կարծում ես: Որովհետեւ —  
Ինչպէս ասում է պատրիարք հայրը —  
Այդ նամակը մեծ օգուտ կը բերէ  
Քրիստոնէութեան: Եւ — ասում է նա —  
Ով այն նամակը տեղը կը հասցնէ,  
Մի բոլորովին առանձին պսակ  
Պարգև կը ստանայ Աստուծոց երկնքում:  
Եւ այդ պըսակին — պատրիարք հայրը  
Այդպէս է ասում — ձեզնից աւելի  
Արժանին չըկայ:

ՏԱՃԱՐԱԿԱՆ

Ձը կայ:

ՎԱՆԱԿԱՆ

Այդ պսակը

Ստանալու համար — ինչպէս ասում է

Պատրիարք հայրը — դժուար թէ մէկը  
Յաջողակ լինի այնպէս, ինչպէս դուք:

ՏԱՃԱՐԱԿԱՆ

Այնպէս, ինչպէս ես:

ՎԱՆԱԿԱՆ

Դուք բոլորովին

Ազատ էք այստեղ, կարող էք այստեղ  
Ամեն բան տեսնել, զիտեք — ասում է  
Պատրիարք հայրը — թէ ինչպէս պէտք է  
Քաղաքի վերայ յարձակուիլ, ինչպէս  
Պէտք է պաշտպանել: Դուք աւելի լաւ  
կարող էք դատել, թէ որքան ամուր,  
կամ որքան թոյլ է Սալադինի նոր  
Շինած պարիսպը, և աւելի ճիշտ  
Դըրել բոլորը մեր սուրբ հաւատի  
Ախոյեաներին — ինչպէս ասում է  
Մեր պատրիարքը: —

ՏԱՃԱՐԱԿԱՆ

Արդեօք կարող էք

Նղբայր, ասել ինձ, ի՛նչ է նամակի  
Բովանդակութիւնն:

ՎԱՆԱԿԱՆ

Այո՛, ինչի չէ: —

Բայց ես այդ բանին մօտիկ տեղեակ չեմ:  
Միայն այսքան զիտեմ, որ դա Ֆիլիպպոս  
Արքային է գրած: Մեր պատրիարքը...  
Ջարմանում եմ ես — նրա պէս մի սուրբ մարդ,  
Որ միշտ երկնքումն է ասրում հոգով,  
Ինչպէս կարող է այնքան խոնարհիլ,  
Որ աշխարհային բաներին այնպէս  
Լաւ տեղեկանայ: Շատ դժուար բան է:

ՏԱՃԱՐԱԿԱՆ

Դէ՛հ, պատրիարքը:

ՎԱՆԱԿԱՆ

Բոլորը զիտէ

ձիշտ ու հիմնաւոր, ինչպէս և ինչտեղ,  
Որքան զօրութեամբ և թէ որ կողմից  
Պիտի յարձակուի Սալադինն, եթէ  
Յանկարծ պատերազմն էլն նորոգուի:

ՏԱՃԱՐԱԿԱՆ

Գիտէ՞ բոլորը:

ՎԱՆԱԿԱՆ

Այո՛, զիտէ և

Ուզում է յայտնել Փիլիպ արքային,  
Որ կարողանայ նա կռուել, արդեօք  
ձշմարիտ այնքան մեծ է վտանգը,  
Որ մի հընարքով կրկին նորոգէ  
Սալադինի հետ զինադադարը,  
Որ արդէն այնպէս քաջասրտութեամբ  
Քանդեց ձեր կարգը:

ՏԱՃԱՐԱԿԱՆ

Ի՞նչ պատրիարք է:—

Ուրեմն այն քաջ, սիրելի մարդը  
Կամենում է, որ լինիմ ես ոչ թէ  
Հասարակ լրարեր, այլ թէ — մի լրտես:—  
Ասացէք, եղբայր, ձեր պատրիարքին,  
Որքան ճանաչել կարողացաք ինձ,  
Այդ իմ գործը չէ: Ես դեռ պէտք է ինձ  
Գերի համարեմ: Տաճարականի  
Միակ կոչումն է զէնքով կռուելը  
Ոչ թէ լրտեսել:

ՎԱՆԱԿԱՆ

Ես այդ զիտէի:—

Բայց մի՛ նեղանաք, պարոն, ինձանից,  
Թէև դեռ լաւը յետոյ է գալու:—  
Պատրիարք հայրը տեղեկացել է,  
Ինչպէս է կոչվում և ինչտեղ զանվում  
Վիբանանի վրայ այն բերդը, ինչտեղ  
Ահագին զուժար արծաթ կայ պահած,

Որից Սալադինի հեռատես հայրը  
Տալիս է զօրքին ոռձիկ և ուրիշ  
Պատերազմական ծախսերը անում:  
Եւ Սալադինը երբեմն զնում է  
Այն բերդը ծածուկ ճանապարհներով,  
Համարեա առանց ուղեկիցների:—  
Հասկանո՞ւմ էք ինձ:

ՏԱՃԱՐԱԿԱՆ

Ամենևին ոչ:

ՎԱՆԱԿԱՆ

Շատ հեշտ է այնտեղ բռնել սուլթանին  
Եւ մի անգամից վերջացնել բանը:—  
Դուք սարսափո՞ւմ էք:— Երկու բարեպաշտ  
Մարօնիտ արդէն յայտնել են իրանց  
Յօժարութիւնը յանձն առնել գործը,  
Թէ կառաջնորդէ նոցա մի քաջ մարդ:

ՏԱՃԱՐԱԿԱՆ

Եւ այդ քաջ մարդուն իմ մէջ է տեսնում.  
Զեր պատրիարքը:

ՎԱՆԱԿԱՆ

Նա կարծում է, որ

Շատ հեշտ կարող է օգնել այդ գործում  
Փիլիպպոս արքան մեզ Պաօլոմէից:

ՏԱՃԱՐԱԿԱՆ

Ի՞նձ, ի՞նձ, եղբայր, ի՞նձ: Մի՞թէ ինձանից  
Նոր չը լսեցիք, թէ Սալադինին  
Ինչեմ պարտական:

ՎԱՆԱԿԱՆ

Այո՛, լսեցի:

ՏԱՃԱՐԱԿԱՆ

Բայց էլի—

ՎԱՆԱԿԱՆ

Այո՛, —պատրիարք հայրն էլ  
Կարծում է, որ այդ գեղեցիկ բան է:—



Բայց Աստուած, կարող...  
ՏԱՃԱՐԱԿԱՆ

Գործը չեն փոխում:  
Ձեն պատուիրում ինձ աւազակութիւն:

ՎԱՆԱԿԱՆ  
Ի հարկէ, որ ոչ: Միայն — կարծում է  
Պատրիարք հայրը — Աստուծոյ առաջ  
Աւազակութիւն չէ, ինչ որ մարդիկ  
Այդպէս են կանչում:

ՏԱՃԱՐԱԿԱՆ  
Ես Սալադինին  
Պարտական եմ իմ կեանքը, և պէտք է  
Նորանը խլեմ:

ՎԱՆԱԿԱՆ  
Ո՛չ, ո՛վ է ասում:—  
Սակայն — կարծում է պատրիարք հայրը —  
Սալադինն էլ մի թշնամի է  
Քրիստոնէութեան, և այդ պատճառով  
Նա ձեզ բարեկամ լինելու ոչինչ  
Իրաւունք չունի:

ՏԱՃԱՐԱԿԱՆ  
Բարեկամ: Ոչ ես  
Միայն չեմ ուզում լինել անպիտան  
Եւ ապերախ մարդ:

ՎԱՆԱԿԱՆ  
Ի հարկէ, որ ոչ:  
Միայն — կարծում է պատրիարք հայրը —  
Մենք պարտական չենք շնորհակալութիւն  
Ոչ Աստուծոյ և ոչ մարդկանց առաջ,  
Երբ մեզ չեն անում մի ծառայութիւն  
Մեր անձի համար: Այլ — ասում է —  
Պատրիարք հայրը — ամենքը զիտնու  
Թէ Սալադինը միայն այն պատճառով  
Խնայեց ձեր կեանքը, որ ձեր պատկերը

Ձեր կերպարանքը նրմանեցրել է  
Նա իւր եղբորը:

ՏԱՃԱՐԱԿԱՆ  
Այդ էլ յայտնի է  
Ձեր պատրիարքին, և էլ — Ո՛հ թէ  
Ճշմարտ լինի: — Ահ Սալադին — ինչ:  
Եթէ բնութիւնը իրաւ տուել է ինձ  
Գոնեա մի զիծ քո եղբոր դէմքից,  
Ինչի չպէտք է նորան ոչնչով  
Համապատասխան լինի իմ հոգին:  
Եւ եթէ լինի, մի՞թէ պիտ' ճնշեմ,  
Որ հաճոյանամ մի պատրիարքին:  
Բնութիւն, չես կարող դու այդպէս ստել,  
Այդպէս կարող չէ երբէք ինքն իրան  
Աստուած հակասել իւր գործերի մէջ:  
Գնացէք, իմ եղբայր — մաղձս մի խառնէք —  
Գնացէք, դէհ գնացէք:

ՎԱՆԱԿԱՆ  
Ահա դընում եմ  
Աւելի ուրախ, քան թէ երբ եկայ:  
Ներեցէք, պարոն: Վանականներս  
Պարտաւոր ենք մեր մեծին հնազանդիլ:

### ՎԵՑԵՐՈՐԴ ԵՐԵՒՈՅԹ

ՏԱՃԱՐԱԿԱՆԸ և ԴԱՅԱՆ, որ արդէն բաւական ժամանակ նայում  
էր հեռուից, հիմա մտնենում է նորան:

ԴԱՅԱ  
Ինչպէս երևում է վանականը  
Բարկացրել է նրան: — Բայց ինչ և իցէ,  
Պէտք է սիրտ անում:

ՏԱՃԱՐԱԿԱՆ  
Ահա, ինչ լաւ է: —  
Սուտ չէ առածը. կրօնաւոր ու կին,

Կին ու կրօնաւոր են սատանայի  
Աջ ու ձախ թաթը. եւ նա ինձ այսօր  
Ահա ձգում է մէկից միւսը:

ԴԱՅԱ

Այս ո՛ւրեք եմ տեսնում:— Ձեզ, ազնիւ ասպետ:  
Գոհութիւն Աստուծոյ, հազար գոհութիւն:—  
Այս ո՛ւր էիք դուք այսքան ժամանակ:  
Յուսով եմ, որ դուք հիւանդ չէիք:

ՏԱՃԱՐԱԿԱՆ

Ո՛չ:

ԴԱՅԱ

Առողջ էք:

ՏԱՃԱՐԱԿԱՆ

Այո՛:

ԴԱՅԱ

Բայց, հաւատացէք,  
Մենք շատ անհանգիստ էինք ձեր մասին:

ՏԱՃԱՐԱԿԱՆ

Իրա՛ւ:

ԴԱՅԱ

Անկասկած տեղ էիք գնացել:

ՏԱՃԱՐԱԿԱՆ

Այո՛:

ԴԱՅԱ

Եւ այսօր միայն վերադարձաք

ՏԱՃԱՐԱԿԱՆ

Ո՛չ, երէկ:

ԴԱՅԱ

Այսօր Բէխայի հայրն էլ

Եկաւ: Ուրեմն հիմա Բէխային

Կարող եմ յոյս տալ:

ՏԱՃԱՐԱԿԱՆ

Ի՞նչ բանի մասին:

ԴԱՅԱ

Որի մասին որ արդէն շատ անգամ  
Խնդրել է նա ձեզ: Նորա հայրն ինքը  
Խկոյն գալու է, որ ձեզ հրաւիրէ:  
Այժմ՝ գալիս է նա Բաբելոնից  
Քրտան ապրանքով բարձած ուղտերով.  
Ինչ ասես չըկայ, թէ անուշահոտ  
Խոտեր, թէ ակներ, պէս պէս կերպասներ,  
Մի խօսքով ինչով միայն հարուստ են,  
Թէ Հնգկաստանը, թէ Պարսկաստանը,  
Թէ Ասորիքը, թէ Չինաստանը:

ՏԱՃԱՐԱԿԱՆ

Ոչինչ չեմ առնի:

ԴԱՅԱ

Իւր ժողովուրդը

Պատուում է նորան իբրև իշխանին,  
Միայն շատ անգամ զարմացել եմ ես,  
Ինչի՞ իմաստուն Նաթան է կանչում  
Եւ ոչ թէ հարուստ:

ՏԱՃԱՐԱԿԱՆ

Գուցէ երկուսն էլ

Մէկ է համարում նրա ժողովուրդը:

ԴԱՅԱ

Բայց ես իմ կողմից ամենից առաջ  
Բարի անունը կըտայի նորան:  
Երևակայել անգամ չէք կարող,  
Պարոն, թէ որքան բարի մարդ է նա:  
Երբ իմացաւ, որ Բէխան ձեզ այնքան  
Երախտապարտ է, ինչ ասես չէր տայ  
Ձեզ այն բոպէին:

ՏԱՃԱՐԱԿԱՆ

Իրա՛ւ:

ԴԱՅԱ

Փորձեցէք,

Եկէք ու տեսէք:

ՏԱՃԱՐԱԿԱՆ

Յեռոյ, երբ որ այդ

Բոպէն անցկացաւ:

ԴԱՅԱ

Մի՞թէ նորա մօտ

Կըմընայի ես այսքան ժամանակի,  
Եթէ չըլինէր նա այնպէս բարի—  
Մի՞թէ կարծում էք, թէ չեմ ճանաչում  
Իբրև քրիստոնէայ ես իմ արժէքը:  
Ինձ էլ չէր երգուած օրօրոցիս վըայ,  
Որ ամուսնու հետ պիտի դայի ես  
Դէպի Հրէաստան, որ մի հրէայի  
Աղջիկ մեծացնեմ: Ողորմած հողի  
Իմ ամուսինը մի ձիապան էր  
Ֆրիզրիկոս կայսրի հեծելազօրքում:

ՏԱՃԱՐԱԿԱՆ

Մի Շվէյյարացի, որ բաղդ ու պատուին  
Արժանի եղաւ նորին կայսրական  
Մեծութեան հետ մի դետի մէջ խեղդուիլ:—  
Կին, քանի անգամ արդէն պատմել էք,  
Դուք ինձ այդ բանը: Ե՛րբ կը դադարէք  
Ինձ հալածելուց:

ԴԱՅԱ

Տէր Աստուած, մի՞թէ

Հալածում եմ ձեզ:

ՏԱՃԱՐԱԿԱՆ

Այո՛, ի հարկէ

Հալածում էք ինձ: Այսուհետեւ ես  
Զեմ կամենում ձեզ տեսնել ու լսել:  
Ես չեմ կամենում, որ դուք անդադար,  
Միշտ յիշեցնէք ինձ այն գործի մասին,  
Որի մասին ես չեմ էլ մտածել,  
Որ ինձ համար էլ անմեկնելի է,  
Երբ մըտածում եմ: Թեպէտ չեմ զղջում  
Արածիս վերայ. բայց տեսէք, եթէ  
Մէկ էլ պատահի այնպիսի զիպուած,

Դուք էք մեղաւոր, եթէ էլ այնպէս  
Շուտ չընկերործեմ, եթէ առաջուց  
Հարց ու փորձ անեմ— Ե կրակում թողնեմ,  
Ինչ որ այրվում է:—

ԴԱՅԱ

Աստուած ո՛չ անէ:

ՏԱՃԱՐԱԿԱՆ

Այսօրից դոնեւ, խնդրում եմ ես ձեզ,  
Ել այսուհետեւ ինձ մի ճանաչէք:  
Յաստուկ խնդրում եմ: Այդ հօրից նոյնպէս  
Ազատեցէք ինձ: Հրէան հրէայ է:  
Ես կոպիտ Շվաբ եմ: Եթէ երբեմն  
Աղջկայ պատկերը կար իմ հողու մէջ,  
Վաղուց էլ չըկայ:

ԴԱՅԱ

Բայց ձերը դեռ կայ

Նորա հողու մէջ:

ՏԱՃԱՐԱԿԱՆ

Ի՞նչ անեմ որ կայ:

ԴԱՅԱ

Ո՞վ զիտէ:— Մարդիկ միշտ այն չեն ինչ որ  
Երևում են մեզ:

ՏԱՃԱՐԱԿԱՆ

Բայց լաւ, շատ հազիւ:

(Գնում է.)

ԴԱՅԱ

Ո՛ւր. ի՞նչ էք շտապում:

ՏԱՃԱՐԱԿԱՆ

Կին, մի՛ զզուեցնէք

Ինձ այս ծառերից, որոնց ստուերի տակ  
Սիրում եմ ճեմել:

ԴԱՅԱ

Ուրեմն զընա՛,

Գերմանական արջ, զընա՛:— Բայց պէտք է  
Հետքը չը կորցնեմ ես այս զազանի:

(Դայան հեռուից հետևում է նորան.)

# ԵՐԿՐՈՐԴ ԳՈՐԾՈՂՈՒԹԻՒՆ

## ԱՌԱՋԻՆ ԵՐԵՒՈՅԹ

### Ս ա շ ա դ ի ն ի պ ա շ ա տ ր :

ՍԱԼԱԴԻՆ և ՋԻՏՏԱ շախ են խաղում:

ՋԻՏՏԱ

Ո՛ւր ես, Սալադին: Ի՞նչպէս ես խաղում  
Այսօր:

ՍԱԼԱԴԻՆ

Մի՛թէ վատ: Ես կարծում էի:

ՋԻՏՏԱ

Ինձ համար զոնէ անտանելի է:  
Յետ տար այս քարը:

ՍԱԼԱԴԻՆ

Բայց ինչի՞, Չիտտա,

ՋԻՏՏԱ

Ձին անպաշտպան է:

ՍԱԼԱԴԻՆ

Իրաւ է: Ա՛յսպէս:

ՋԻՏՏԱ

Փիղը կրելում:

ՍԱԼԱԴԻՆ

Դարձեալ իրաւ է:—

Դէհ, շախ ուրեմն:

ՋԻՏՏԱ

Այդ քեզ ի՞նչ օգուտ:  
Ես առաջ կըգամ, և դու կըլինիս,  
Ինչպէս որ էիր:

ՍԱԼԱԴԻՆ

Այո՛, տեսնում եմ,  
Առանց կորուստի ազատուելու չեմ:  
Ուրեմն առ ձին:

ՋԻՏՏԱ

Ո՛ւր, հարկաւոր չէ:  
Ես առաջ եմ գնում:

ՍԱԼԱԴԻՆ

Դու ինձ դորանով  
Բան չես ընծայում: Այդ տեղը ձիւնց  
Թանկ է քեզ համար:

ՋԻՏՏԱ

Շատ կարելի է:

ՍԱԼԱԴԻՆ

Շատ մի պարծենար: Դէհ, տես: Գրազ կըգամ,  
Որ չէիր սպասում երբէք այս բանը:

ՋԻՏՏԱ

Այո՛, այդպէս է: Ինչ իմանայի,  
Թէ ձանձրացել ես դու քո թագուհուց:

ՍԱԼԱԴԻՆ

Ես իմ թագուհուց:

ՋԻՏՏԱ

Տեսնում եմ, արդէն,  
Հազար զինարից աւելի ոչինչ  
Չեմ տանի այսօր:

ՍԱԼԱԴԻՆ

Այդ ի՞նչպէս, Չիտտա:

ՋԻՏՏԱ

Դու դեռ հարցնում ես:— Որովհետեւ դու

Աշխատում ես, որ անպատճառ տարուիս:—

Բայց այդ բանի մէջ ես օդուտ չունիմ:

Բացի նորանից, որ չէ զբաւում ինձ

Այսպիսի խաղը, մի՞թէ աւելի

Շատ չեմ տանում ես, երբ որ տարվում եմ:

Երբ որ տարուել եմ, դու միշտ կրկինը

Չնձայել ես ինձ, որ միսիթարես:

ՍԱԼԱԴԻՆ

Է՛յ, քոյր, ուրեմն դու միշտ զխտութեամբ

Տարվում էիր ինձ:

ՁԻՏՏԱ

Շատ կարելի է,

Սիրելի եղբայր, քո առատ ձեռք

Լինի մեղաւոր, որ աւելի լաւ

Խաղալ չեմ սովորում:

ՍԱԼԱԴԻՆ

Խաղից հեռացանք:

Դէհ շուտ, վերջացրու:

ՁԻՏՏԱ

Այդպէս ես թողնում:

Դէհ, ուրեմն շնիս, կրկին անգամ շնիս:

ՍԱԼԱԴԻՆ

Ես այդ չըտեսայ: Ի՞նչ անեմ, պէտք է

Ձրկուիմ թագուհուց:

ՁԻՏՏԱ

Բայց տեսնե՞ք, արդե՞ք

չընար էր օգնել:

ՍԱԼԱԴԻՆ

Ո՛չ, տար թագուհին:

Երբէք բաղդաւոր չէի այդ քարով:

ՁԻՏՏԱ

Միայն այս քարով

ՍԱԼԱԴԻՆ

Տար, — վընաս չունի:

Տես, ահա նորից լաւ է իմ բանը:

ՁԻՏՏԱ

Իմ եղբորիցն եմ սովորել լինել

Թագուհիներին հետ մարդավարի:

(Թողնում է քարը:)

ՍԱԼԱԴԻՆ

Տար, կամ մի տանիր. դա էլ իմը չէ:

ՁԻՏՏԱ

Ինչի՞ եմ տանում: Շախ — շնիս:

ՍԱԼԱԴԻՆ

Դէհ, յետո՛յ:

ՁԻՏՏԱ

Շնիս և շնիս:

ՍԱԼԱԴԻՆ

Եւ մնա:

ՁԻՏՏԱ

Ո՛չ բողբոջին:

Դու դու կարող ես ձին մէջ անդ բերել,

կամ ինչպէս կուզես, բողբոջ մէկ է:

ՍԱԼԱԴԻՆ

Այո՛, այդպէս է:— Տարար, և փողը

կըտայ Ալ - Հաֆին: Թող կանչեն նորան:—

Ճշմարիտ էիր ասում դու, Ձիտտա,

Ուշքս խաղի վրայ չէր բողբոջին,

Միտքս ցրուած էր: Այլ և ով կըտայ

Մեզ միշտ հարթ քարեր, որոնք ոչինչ ձե

Չեն ներկայացնում: Մի՞թէ խաղացի

Ես իմամի հետ:— Բայց ի՞նչ եմ ասում:

Պէտք է տարվելուն մի պատճառ գտնել.

Հարթ քարերը չեն պատճառը, Ձիտտա,

Որ ես տարուեցայ, այլ քո արհեստը

Եւ քո սրբատես հանդարտ հայեացքը:

ՁԻՏՏԱ

Այդպէս ուզում ես միայն բըրթայնել

կորուստիս խայթը: Լաւ, համաձայն եմ.  
Քո միտքն աւելի ցրուած էր իմից:

ՍԱԼԱԴԻՆ

Քոնից աւելի: Քոնն ի՞նչն է ցրվում:

ՁԻՏՏԱ

Ի հարկէ այն չէ, ինչ որ քո միտքը:  
Սալադին, էլ երբ կրկին կըխաղանք:

ՍԱԼԱԴԻՆ

Այսպէս աւելի կրքով ենք խաղում:—  
Ա՛խ, հա՛, հասկացայ, որ պատերազմը  
Նորից սկսվում է:—Շատ լաւ է:—Թող գան:—  
Ես չեմ սկսողը: Ես յօժար էի  
կրկին նորոգել զինադադարը.  
Ես ուզում էի մի լաւ մարդ ձարել  
Ձիտտաիս համար: Խօսքս Ռիչարդի  
եղբոր մասին է: Մի՞թէ Ռիչարդի  
եղբայրը չէ նա:

ՁԻՏՏԱ

Եթէ միայն դու  
կարող ես գովել քո այդ Ռիչարդին:

ՍԱԼԱԴԻՆ

Եւ եթէ յետոյ Ռիչարդի քրոջը  
Մեր Մէլէք եղբոր համար առնէինք:  
Ի՛նչ տուն կըզառնար: Բոլոր աշխարհում  
Դա առաջինը և ամենալաւ  
Տունը կըլինէր:—Տեսնում ես ծոյլ չեմ  
ինձ էլ գովելու: Կարծում եմ, ես էլ  
Արժանի եմ իմ բարեկամներին:—  
Ի՛նչ մարդիկ այդպէս առաջ կըգային  
Ի՛նչ մարդիկ:

ՁԻՏՏԱ

Մի՞թէ ինձ սկզբից արդէն  
Մաղապի չէր այդ գեղեցիկ ցնորքը:  
Դու չես ճանաչում քրիստոնեաներին,

Ոչ էլ ուզում ես ճանաչել նոցա:  
Նոցա պարծանքն է քրիստոնեայ լինել,  
Ոչ թէ մարդ լինել: Այլ և այն, ինչ որ  
Քրիստոսից դեռ ևս մարդկային մի բան  
Պահել է նոցա թերհաւատութիւնն,  
Նոքա այդ բանը սիրում են, ոչ թէ  
Որ մարդկային է, այլ որ Քրիստոսը  
Այդպէս է արել, այդպէս սովորեցրել:—  
Երանի նոցա, որ նա այդպիսի  
Մի բարի մարդ էր: Երանի նոցա,  
Որ նոքա նորա առաքինութիւնն  
Կարող են իբրև հաւատ ընդունել:—  
Բայց ի՛նչ եմ ասում: Առաքինութիւն:—  
Ո՛չ, ո՛չ թէ նորա առաքինութիւնն,  
Նորա անունը պէտք է ամեն տեղ  
Տարածուի, պէտք է ջնջէ, անարգէ  
Բոլոր այլ բարի մարդկանց անուններն:  
Միայն անուան համար, անուան համար են  
Նոքա աշխատում:

ՍԱԼԱԴԻՆ

Դու մտածում ես.

Ինչի՞ պիտ' նոքա պահանջեն, որ դուք  
Քրիստոնեայ կոչուիք, դու և Մէլէքը,  
Առաջ քան թէ դուք իբր ամուսիններ  
Սիրելու էիք քրիստոնեաներին:

ՁԻՏՏԱ

Ի հարկէ: Կարծես քրիստոնեաները  
Քրիստոնեաներից միայն կարող են  
Սպասել այն սէրը, որով Ստեղծողը  
Մատակարարել է կնոջն ու մարդուն:

ՍԱԼԱԴԻՆ

Քրիստոնեաները հաւատում են շատ  
Դատարկ բաներին, որ այդ բանին էլ  
Չըհաւատային:—Բայց դու սխալվում ես:—  
Տաճարականներն են մեղաւորը,

Եւ մեղաւոր են նոքա ոչ իբրև  
 Քրիստոնեաներ, այլ միայն իբրև  
 Տաճարականներ: Նոքա են միայն  
 Պատճառը, որ չէ յաջողում գործը:  
 Նոքա չեն ուզում ձեռիցը թողնել  
 Ակկան, որ իբրև օժիտ պիտ' բերէր  
 Բիշարդի քոյրը մեր Մէլէք եղբոր:  
 Որ ասպետութեան վընաս չըհասնի,  
 Կրօնաւորներ են ձեռնում նոքա,  
 Յիմար կրօնաւոր: Յուսալով, գուցէ  
 Հարուածն յաջողի, հազիւ սպասեցին  
 Մինչև վերջանար զինադադարը:—  
 Շատ լաւ է, շատ լաւ: Շարունակեցէք:  
 Պարոններ, միայն շարունակեցէք:—  
 Ես համաձայն եմ:—Միայն թէ գործերը  
 Կարգին լինէին:

ՁԻՏՏԱ

Աստ, էլ ի՞նչն է  
 Քեզ շփոթում, ի՞նչն է անհանգիստ անում:

ՍԱԼԱԴԻՆ

Նոյնը, ինչ որ միշտ:—Մեր հօր մօտ էի  
 Լիբանանի վրայ: Հոգսերը սաստիկ  
 Ընկճում են նորան....

ՁԻՏՏԱ

Ո՛հ, աւանդ:

ՍԱԼԱԴԻՆ

Ոչինչ

Հընար չէ գտնում: Ամեն տեղ կարիք:  
 Այսօր այստեղ է պակաս, վաղն այնտեղ:

ՁԻՏՏԱ

Բայց ի՞նչ կարիք կայ, ի՞նչ բան է պակաս:

ՍԱԼԱԴԻՆ

Էլ ի՞նչ, թէ ոչ այն, որ արժանի է

Հազիւ մի անուան: Որ, երբ որ ունիմ,  
 Աւելորդ է թվում, իսկ երբ որ չունիմ,—  
 Այնպէս անհրաժեշտ: Ի՞նչ եղաւ Հաջին:  
 Արդեօք մարդ զընաց նորան կանչելու:—  
 Չըկայ զգուշիւ անիծած փողը:—  
 Ալ-Հաջի ինչ լաւ, որ դու գալիս ես:

### ԵՐԿՐՈՐԴ ԵՐԵԿՈՅԹ

Դ Ե Բ Վ Ի Շ, Ա Լ - Հ Ա Ֆ Ի, Ս Ա Լ Ա Դ Ի Ն, Ջ Ի Տ Տ Ա

ԱԼ-ՀԱՖԻ

Երևի փողերը եգիպտոսից  
 Արդէն եկել են: Միայն թէ շատ լինին:

ՍԱԼԱԴԻՆ

Լուր ունի՞ս:

ԱԼ-ՀԱՖԻ

Ե՞ս, ոչ: Կարծում էի, թէ  
 Փողը ստանալու համար եմ կանչուած:

ՍԱԼԱԴԻՆ

Վըճարիր հազար զինար Ձիտոսային:  
 (Մտածելով քայլում է յետ ու առաջ:)

ԱԼ-ՀԱՖԻ

Դարձեալ, վըճարիր, փոխանակ, ստացիր:  
 Ի՞նչ գեղեցիկ է. Բանի նման չէ:—  
 Ձիտոսային վճարեմ—դարձեալ Ձիտոսային:  
 Էլի տարուելէք—տարուել շախի մեջ:—  
 Ահա՛ դեռ ևս այստեղ է խաղը:

ՁԻՏՏԱ

Ուրախ ես դու, որ ես բաղդաւոր եմ:

ԱԼ-ՀԱՖԻ (խաղին նայելով.)

Ի՞նչ ուրախ:—Երբ որ,—Դուք շատ լաւ զիտէք:

ՁԻՏՏԱ (նշան տալով նորան.)

Ալ-Հաջի, Լուր:

ԱԼ-ՀԱՅԻ

(Դեռ ևս խաղին նայելով.)

Դուք ուրախացէք:

ԶԻՏՏԱ

Լռի՛ր, ԱԼ-Հաֆի:

ԱԼ-ՀԱՅԻ (Զիտաային.)

Սպիտակը ձերն է:

Դուք ասում էք շա՛խ:

ԶԻՏՏԱ

Լաւ, որ նա ոչինչ

Զըլսեց:

ԱԼ-ՀԱՅԻ

Հիմա նա պիտի խաղայ:

ԶԻՏՏԱ (նորան մօտենալով.)

Ասա մի տեսնեմ, երբ կարող եմ իմ

ֆողերը ստանալ:

ԱԼ-ՀԱՅԻ

(Աչքը խաղից չըհեռացնելով.)

Կըստանաք, ինչպէս

Միշտ էլ ստացել էք:

ԶԻՏՏԱ

Վա՛հ, ի՞նչ ես ասում.

Խելագարուել եմ:

ԱԼ-ՀԱՅԻ

Խաղը կիսատ է

Մնացել: Սալաղին, դուք դեռ չէք տարուել:

ՍԱԼԱԳԻՆ (հազիւ ականջ դնելով.)

Տարուել եմ, տարուել, վըճարիր փողը:

ԱԼ-ՀԱՅԻ

Փողը վճարիր: Բայց ձեր թագուհին...

ՍԱԼԱԳԻՆ (ինչպէս առաջ.)

Դա չունի ոչինչ նշանակութիւն.

էլ խաղի մէջ չէ:

ԶԻՏՏԱ

Ուրեմն ասա՛,

Որ ես կարող եմ փողի ետեւից

Ուղարկել:

ԱԼ-ՀԱՅԻ

Այո՛, ինչպէս որ և միշտ:—

Ասե՛ք թէ չունի թագուհին ոչինչ

Նշանակութիւն, էլի ասում եմ,

Որ դուք տարուած չէք:

ՍԱԼԱԳԻՆ

(Մօտ է գնում և խառնում է քարերը.)

Տարուած եմ, տարուած

Այդպէս եմ ուզում:

ԱԼ-ՀԱՅԻ

Թո՛ղ այդպէս լինի:—

Ինչպէս որ խաղը, այնպէս և վաստակ.

Ինչպէս որ տարած, այնպէս վըճարած:

ՍԱԼԱԳԻՆ (Զիտաային.)

Ի՞նչ է ասում, ի՞նչ:

ԶԻՏՏԱ

(Ժամանակ առ ժամանակ նշան անելով ԱԼ-Հաֆիին.)

Դու ճանաչում ես

Նորան, զիտես, որ կամակոր մարդ է.

Սիրում է սախել, որ խնդրեն իրան.

Այլ և կարծում եմ որ նախանձում է:—

ՍԱԼԱԳԻՆ

Քեզ է նախանձում, Չիտտա, իմ քրո՞ջը:—

Այո ի՞նչ եմ լուում, ԱԼ-Հաֆի, միթէ

Նախանձում ես դու:

ԱԼ ՀԱՅԻ

Շատ կարելի է:—

Երանի նորա խելքն ունենայի.

Նորա պէս ես էլ բարի լինէի:



ՋԻՏՏԱ

Բայց էլի միշտ էլ ճիշտ վճարել է:  
Այսօր էլ նոյնպէս կը վճարէ նա:  
Թող նորան: Գընա՛, Ալ-Հաֆի, գընա՛:  
Ես մարդ կուղարկեմ փողի կակից:

Ա.Լ-ՀԱՖԻ

Ո՛չ, էլ աւելի չեմ կարող թագցնել:  
Ձէ՞ որ վերջապէս պիտի իմանայ:

ՍԱԼԱԴԻՆ

Ո՞վ, ի՞նչ:

ՋԻՏՏԱ

Ալ-Հաֆի, այդ է խոստմունքդ:  
Այդպէ՞ս հաստատ ես դու քո խօսքի վրայ:

Ա.Լ-ՀԱՖԻ

Ո՞վ գիտէր, որ բանն այստեղ կը հասնի:

ՍԱԼԱԴԻՆ

Կիմանամ, թէ չէ:

ՋԻՏՏԱ

Ալ-Հաֆի, համեստ

եղեր, խնդրում եմ:

ՍԱԼԱԴԻՆ

Ձարմանալի է:

Ինչ բանի մասին խնդրում է Ձիտտան  
Այսպէս ջերմեռանդ մի օտար մարդուն,  
Այն էլ դէրվելին և ոչ եղբորը:  
Ալ-Հաֆի հիմա հրամայում եմ քեզ:—  
Շուտ խօսիր, դէրվել:

ՋԻՏՏԱ

Շատ չնչին բան է,

Սիրելի եղբայր, և արժանի չէ  
Քո ուշադրութեան: Քեզ յայտնի է, որ  
Ուրիշ անգամ էլ տարել եմ քեզ ինչ  
Ես նոյն գումարը: Բայց որովհետեւ

Առ այժմ փողը հարկաւոր չէ ինձ,  
Իսկ Հաֆին արկորում չունի շատ արծաթ,  
Այդ պատճառով ես պարտքը չեմ ստացել:  
Բայց անհոգ եղեր: Ես չեմ ընծայի  
Ոչ քեզ, եղբորս, ոչ Ալ-Հաֆիին,  
Ոչ դանձարանին:

Ա.Լ-ՀԱՖԻ

Այո՛, եթէ որ

Միայն այդ լինէր:

ՋԻՏՏԱ

Միւսնոյն բանն է:

Ահա մի քանի ամիս է միայն,  
Որ ես չեմ ստացել այն փողը, որ ինձ  
Նշանակել ես:

Ա.Լ-ՀԱՖԻ

Դեռ բոլորը չէ:

ՍԱԼԱԴԻՆ

Դեռ բոլորը չէ:— Կըխօսի՞ս, թէ չէ:

Ա.Լ-ՀԱՖԻ

Այն օրից ինչ որ մենք եղիպտոսից  
Փող ենք սպասում, նա....

ՋԻՏՏԱ (Սալադինին.)

Մի՛ լսիր նորան.

Ա.Լ-ՀԱՖԻ

Ոչ միայն ոչինչ չէ ստացել, այլ և....

ՍԱԼԱԴԻՆ

Բարեսիրտ աղջիկ:— Դեռ ևս գուցէ  
Փոխ է տուել ինձ:

Ա.Լ-ՀԱՖԻ

Այլ և պահել է

Բոլոր պալատը, բոլոր ծախսերդ  
Իրանից արել:

ՍԱԼԱԴԻՆ

Ահա իմ քոյրը:

(գրկում է նորան.)

ՁԻՏՏԱ

Ի՞նչպէս այդ անել կարող էի ես,  
եղբայր իմ, եթէ քեզնից չըլնէր  
Հարստութիւնս:

ԱԼ-ՀԱՅԻ

Բայց շուտով էլ

կաղքատացնէ նա, ինչպէս և ինքն է:

ՍԱԼԱԴԻՆ

Ո՞վ, ո՞վ է աղքատ: Այսպիսի մի քրոջ  
եղբայրը աղքատ: Երբ եմ ունեցել  
ես աւելի շատ, երբ եմ ունեցել  
Աւելի պակաս:— Մէկ հանդերձ, մէկ ձի,  
Մէկ սուր — մէկ Աստուած: Ել ուրիշ ինչ բան  
Հարկաւոր է ինձ: Եւ այդ բաները  
Ե՞րբ չեմ ունենայ: Բայց էլի, Հաջի,  
կարող էի ես բարկանալ քեզ վրայ:

ՁԻՏՏԱ

Ո՛չ, մի բարկանար, սիրելի եղբայր:  
Ոհ, երանի՛ թէ կարողանայի  
Թեթևացնել և հօրս հոգսերը:

ՍԱԼԱԴԻՆ

Յանկարծ խըլեցիր ուրախութիւնս:—  
Ես կարիք չունիմ, ոչ էլ կունենամ.  
Բայց նա, նա ունի, նորա հետ և մենք:—  
Ի՞նչ պիտի անենք:— Գուցէ դեռ ևս  
Երկար ժամանակ ոչինչ չըստանանք  
Մենք Եգիպտոսից: Ի՞նչ է պատճառը,  
Այդ Աստուած գիտէ: Չէ՞ որ դեռ ևս  
Խաղաղ է այնտեղ:— Սիրով պատրաստ եմ  
Ինձանից կտրել, ծախսը պակսեցնել,  
Փողը խընայել, եթէ միայն ես

Նեղութիւն կրեմ և ոչ ուրիշը:  
Ձի, սուր և հանդերձ պէտք է ունենամ:  
Աստուծուց էլ ոչինչ չեմ կարող ուզել:  
Առանց դորան էլ նա պահանջում է  
Ինձնից շատ քիչ բան, իմ սիրտը միայն:—  
Ես յոյս ունէի, Ալ — Հաջի, որ դու  
Մնացորդ կունենաս:

ԱԼ-ՀԱՅԻ

Մնացորդ:— Ասացէք

Չէիք նստեցնի ինձ ցցի վերայ,  
Կամ թէ խեղդել տայ, եթէ դուք ինձ մօտ  
Մնացորդ գտնէիք:— Ի՞նչ, գողանայի՞.  
Համարձակէի՞:

ՍԱԼԱԴԻՆ

Հիմա ինչ անենք:—

Ինչի ուրիշից չէիր փոխ առնում,  
Քան թէ Ձիտայից:

ՁԻՏՏԱ

Բայց միթէ նորան

Թոյլ կը տայի ես, եղբայր, որ խըլեր  
Արտօնութիւնս: Հիմա էլ նոյնը  
Պահանջում եմ ես: Ես դեռ աղքատ չեմ:

ՍԱԼԱԴԻՆ

Գուր դեռ աղքատ չես: Պակասը այդ էր:—  
Հաջի, շուտ գընա, ինչ տեղ և ինչպէս  
Ուզում ես ձարիր: Փոխ առ, խոստացիր:—  
Բայց տես, փոխ չառնես նոցանից, որոնց  
Հարստացրել եմ, որ չըկարծեն թէ  
Յետ եմ պահանջում: Գընա ամենից  
Ժըլատների մօտ, նորա փոխ կը տան  
Ինձ ուրախութեամբ: Նորա գիտեն, որ  
Փողը իմ ձեռին լաւ շահ է բերում:

ԱԼ-ՀԱՅԻ

Այդպիսիներին ես չեմ ձանաչում:

ՁԻՏՏԱ

Նոր միտս եկաւ Հաջի, լսելեմ,  
Որ բարեկամդ վերադարձել է:

Ա.Լ.-ՀԱՅԻ (զարմացած.)

Իմ բարեկամ՞ը, իմ բարեկամ՞ը:  
Այդ ո՞վ է արդեօք:

ՁԻՏՏԱ

Բո զոված հրէան:

Ա.Լ.-ՀԱՅԻ

Իմ զոված հրէան:

ՁԻՏՏԱ

Որին Տէր Աստուած—

Դեռ լաւ յիշումեմ քո ասած խօսքը—  
Որին իւր Աստուած առաւելութեամբ  
Տուել է աշխարհի բոլոր բարիքը,  
Ամենամեծն ու ամենափոքրը:

Ա.Լ.-ՀԱՅԻ

Ա՞յդպէս եմ ասել:—Արդեօք ինչ մտքով:

ՁԻՏՏԱ

Ամենափոքրը, հարստութիւնն է,  
Ամենամեծը— իմաստութիւնը:

Ա.Լ.-ՀԱՅԻ

Ի՞նչ, մի հրէայի մասին եմ ասել  
Ես ձեզ այդ բանը:

ՁԻՏՏԱ

Մի՞թէ չես ասել

Դու ինձ այդ բանը Նաթանիդ մասին:

Ա.Լ.-ՀԱՅԻ

Նաթանի մասին:— Այո՛, մոռացայ:  
Մի՞թէ ճշմարիտ վերադարձել է:  
Ուրեմն նորա բանն այնքան վատ չէ:—  
Այո՛, իրաւ է. երբեմն ամբոխը  
Իմաստուն Նաթան էր կանչում նորան,

Նոյնպէս և հարուստ:

ՁԻՏՏԱ

Այժմ առաջուանից

Հարուստ է կոչվում: Բոլոր քաղաքը  
Խօսում է նորա բերած անհամար  
Հարստութեան վրայ:

Ա.Լ.-ՀԱՅԻ

Հա՛, եթէ որ նա  
Դարձեալ հարուստ է, անկասկած էլի  
Իմաստուն է նա:

ՁԻՏՏԱ

Հա՛ջի, չե՞ս կարող

Նորա մօտ գընալ:

Ա.Լ.-ՀԱՅԻ

Նորա մօտ գընամ:—

Ինչի՞ փոխ ուզեմ:— Լաւ էք ճանաչում:—  
Նա փոխ ասո՞յ:— Նորա իմաստութիւնը  
Հէնց նորա մէջ է, որ նա ոչ ոքին  
Փող չէ փոխ տալիս:

ՁԻՏՏԱ

Հա՛ջի, զու առաջ

Նորա մասին ալ կարծիք ունէիր:

Ա.Լ.-ՀԱՅԻ

Շատ նեղ որ ընկնի, ապրանք փոխ կըտայ.  
Բայց փող, փող երբէք: Ի հարկէ քիչ կայ  
Նորա պէս հրէայ: Նա խելօք մարդ է.  
Լաւ կեանք է վարում և լաւ շախ խաղում:  
Բայց նա ոչ պակաս զանազանվում է,  
Թէ վատ և թէ լաւ կողմերով իւր միւս  
Ազգակիցներից:— Ո՛չ, նորա վերայ  
Յոյս մի ունենանք:— Իրաւ, տալիս է  
Նա աղքատներին, գուցէ տալիս է  
Սալադինի պէս, թէև այնքան չէ,

Բայց նոյնպէս սիրով և բոլորովին  
Առանց խորութեան, Հրէայ, Քրիստոնեայ  
Մուսուլման և Պարս մէկ են նրա համար

ՁԻՏՏԱ

Եւ այդպիսի մարդ....

ՍԱԼԱԳԻՆ

Ինչպէս է, որ ես  
Երբէք լսել չեմ այդ մարդու մասին....

ՁԻՏՏԱ

Մի՞թէ փոխ չի տայ նա Սալադինին,  
Այն Սալադինին, որ ոչ իւր համար  
Այլ ուրիշներին համար է ուզում:

ԱԼ-ՀԱՖԻ

Այդ բանում ահա նա մի հրէայ է,  
Հասարակ հրէայ:— Հաւատացէք ինձ:—  
Ողորմութեան մէջ նա նախանձոտ է:  
Նա ուզում է որ բոլոր աշխարհը  
Միայն նորան ասէր Աստուած վարձատր է  
Ձեր բարութիւնը: Այդ իսկ պատճառով  
Նա ոչ մի մարդու փող չէ փոխ տալիս,  
Որ կարողանայ ամեն ժամ ինքը  
Ողորմութիւն տալ: Բայց որովհետեւ  
Օրէնքը նորան պատուիրում է, որ  
Ողորմած լինի, ոչ կամակատար,  
Այդ պատճառով նա, որքան ողորմած,  
Նոյնքան անյօժար է ծառայութիւն  
Անել մի մարդուն: Թէպէտ վաղուց է,  
Որ առաջուայ պէս լաւ չեմ նորա հետ,  
Բայց չը կարծէք, թէ ես այդ պատճառով  
Անիրաւ կերպով եմ դատում նորան:  
Նա ամեն բանում բարի է, միայն  
Այդ բանումը ոչ, հաւատացէք, ոչ:  
Ես իսկոյն կերթամ, կերթամ կը ծեծիմ  
Ուրիշի դուռը.... Նոր միտս եկաւ.

Մի հարուստ և ժլատ Մալքիտանացի:—  
Կերթամ նորա մօտ:

ՁԻՏՏԱ

Սպասիր, Ալ-Հաֆի:

Ի՞նչ ես շատ շտապում:

ՍԱԼԱԳԻՆ

Ո՛չ, թո՛ղ, թո՛ղ զընայ:

### ԵՐՐՈՐԴ ԵՐԵԻՈՅԹ

ՁԻՏՏԱ, ՍԱԼԱԳԻՆ:

ՁԻՏՏԱ

Այնպէս շտապում է, կարծես ուզում է  
Փախչել ինձանից:— Այս ի՞նչպէս բան է:—  
Մի՞թէ խարուել է իրաւ նորա մէջ—  
Թէ ուզում է նա ինքը մեզ խաբել:

ՍԱԼԱԳԻՆ

Ինձ ի՞նչ ես հարցնում: Ես հազիւ գիտեմ  
Ում վրայ էք խօսում. և ձեր այդ հրէայ  
Նախանձի մասին այսօր եմ լսում  
Առաջին անգամ:

ՁԻՏՏԱ

Կարելի բան է,  
Որ այդպէս ծածուկ մընար քեզանից  
Այն մարդը, որի մասին պատմում են,  
Թէ նա գտել է գերեզմանները  
Սողոմոնի և Գաւիթ արքայի,  
Եւ իմանում է բաց անել նոցա  
Կնիքը մի հրգօր և գաղտնի խօսքով.  
Եւ թէ երբեմն նա նոցա միջից  
Հանում է անչափ հարստութիւններ,  
Որոնց չէր կարող ստանալ նա մի այլ  
Նուազ աղբիւրից:

ՍԱԼԱԴԻՆ

Թէ այդ Նաթանը

Գերեզմաններից է հանել իւր մեծ  
Հարստութիւնը, ապա նոցա մէջ  
Թաղուած են եղել, ոչ թէ Գաւթը  
եւ Սողոմոնը, այլ թէ յիմարների:

ԶԻՏՏԱ

Կամ չարագործներ: — Այլ և աղբիւրը  
Նրա հարստութեան աւելի առատ  
եւ անսպառ է, քան թէ գերեզման  
Լի մամոնայով:

ՍԱԼԱԴԻՆ

Ինչպէս լսեցի,

Վաճառական է:

ԶԻՏՏԱ

Նորա բեռնակիր

Անասունները գրնում են ամեն  
ճանապարհներով, անցնում են  
Բոլոր անապատներով. նորա նաւերը  
Մտնում են ամեն մի նաւահանգիստ.  
Եւ այս բոլորը Ալ - Հաֆին ինքն է  
Պատմել ինձ առաջ, և ոգևորուած  
Աւելացրել է, որքան ազնուութեամբ  
Եւ մեծանձնութեամբ գիտէ գործ զընել  
Իւր բարեկամը, ինչ որ նա խելքով,  
Ջանասիրութեամբ վաստակել չնչին  
Գործ չէ համարում: Պատմել է ինչպէս  
Նախապաշարուած չէ նորա հոգին.  
Սիրտը միշտ բաց է առաքինութեան,  
Ընդունակ ամեն գեղեցիկ բանին:

ՍԱԼԱԴԻՆ

Բայց հիմա այնպէս անորոշ կերպով  
Եւ սառն է խօսում Հաֆին նրա մասին:

ԶԻՏՏԱ

Սառը չէ խօսում, այլ թէ չլսի թուած:

Կարծես վախենում է գովել նորան,  
Եւ նոյն ժամանակ չէ ուզում նոյնպէս  
Ի գուր պարսաւել: — Ինչպէս: Կամ գուցէ  
Իրաւ այնպէս է, որ ամենալաւ  
Մարդն էլ կարող չէ ազատել իրան  
Իւր ժողովուրդի թիւր կարծիքներից.  
Եւ որ այդ կողմից Ալ - Հաֆին իրաւ  
Ամաչում լինի իւր բարեկամից: —  
Թող այդպէս լինի: — Թող որքան կուզէ  
Նա հրէայ լինի. մեզ բաւական է  
Որ նա հարուստ է:

ՍԱԼԱԴԻՆ

Բայց դու նորանից

Բռնի չես խըլել իւր ունեցածը:

ԶԻՏՏԱ

Բայց որն է, ասա բռնի խըլը.  
Հըրով ու սըրով: Ոչ, ոչ թոյլն դէմ  
Ինչ հարկաւոր է մի այլ զօրութիւն.  
Բաւական է և իւր թուլութիւնը: —  
Հիմա եկ գընանք իմ հարեմասնէն  
Լսել երգը իմ մի նոր սարկուհու.  
Որին ես երէկ միայն գընել եմ:  
Եւ այդ միջոցին գուցէ որոշեմ,  
Ինչպէս գործ սկսել այդ Նաթանի հետ:

ԶՈՐՐՈՐԴ ԵՐԵՒՈՅԹ

Ասքանի տակ առաջ ուր սկսվում են  
արմաւենիները:

Ր Է Խ Ա Ն Լ Ն Ա Թ Ա Ն Ը դուրս են գալիս տանից. նոցա մտնելում է

Դ Ա Յ Ա Ն:

Ր Է Խ Ա

Շատ ուշացաք, հայր: Գժուար թէ հիմա  
Պատահիք նորան:

ՆԱԹԱՆ

Եթէ ոչ այստեղ,

Անշուշտ ուրիշ տեղ:— Դու հանգիստ եղիր:—  
Տես, ահա Դայան գալիս է մեզ մօտ:

ԲԷԽԱ

Անպատճառ աչքից թողել է նորան:

ՆԱԹԱՆ

Ես այդ չեմ կարծում:

ԲԷԽԱ

Թէ չէ, աւելի

Շտապով կըգար նա:

ՆԱԹԱՆ

Դեռ մեզ չէ տեսնում:

ԲԷԽԱ

Ահա, տեսաւ մեզ:

ՆԱԹԱՆ

Ահա և շտապեց:—

Բայց դու հանգիստ կ'աց, հանգիստ կ'աց Բէխա:

ԲԷԽԱ

Միթէ ուզում էք այնպիսի աղջիկ,  
Որ հանգիստ լինի այս հանգամանքում,  
Զրգգայ, թէ ումն է պարտական կեանքը,  
Այն կեանքը, որ նա այնպէս սիրում է,  
Որովհետեւ նախ ձեր պարգևածն է:

ՆԱԹԱՆ

Ո՛չ, ես ուզում եմ, որ այնպէս լինիս,  
Այնպէս ինչպէս կաս. թէ մինչև անգամ  
Գիտենայի էլ, որ քո սրտի մէջ  
Մի բոլորովին այլ բան է շարժվում:

ԲԷԽԱ

Ի՞նչ, սիրելի հայր:

ՆԱԹԱՆ

Դու ինձ ես հարցնում,

Եւ այդպէս երկչոտ: Ինչ որ սրտիդ մէջ  
Այժմ կատարվում է, դա բընութիւն է  
Եւ անմեղութիւն: Թող դա քեզ ոչինչ  
Հողս չըպատճառէ, ինձ չէ պատճառում:  
Միայն խոստացիր, որ, երբ քո սիրտը  
Աւելի յայտնի կըսկսի խօսիլ,  
Չես ծածկի ինձնից ոչ մէկը նորա  
Ցանկութիւններից:

ԲԷԽԱ

Փածկել ձեզանից:

Ես սարսափում եմ մտածել անգամ  
Այդ բանի վերայ:

ՆԱԹԱՆ

Վերջացնենք: Այս մենք

Արդէն վճռեցինք:— Ա՛յ, Դայան:— Ասա:

ԴԱՅԱ

Նա դեռ ճեմնում է ծառերի տակը  
Եւ խիղճն ահա դուրս կըգայ նա այն  
Պատի ետեւից:— Տեսէք, գալիս է:

ԲԷԽԱ

Տեսէք, չըզիտէ, որ կողմը գընայ,  
Առաջ գնայ թէ յետ, աջ կողմը, թէ ձախ:

ԴԱՅԱ

Ո՛չ, ո՛չ, վանքի շուրջ կըպտտի նա:—  
Գրազ կըգամ, որ նա այստեղ կանցկենայ:

ԲԷԽԱ

Իրաւ այդպէս է:— Խօսեցա՞ր հետը:  
Այսօր ի՞նչպէս է:

ԴԱՅԱ

Այնպէս, ինչպէս միշտ:

ՆԱԹԱՆ

Այնպէս կանգնեցէք, որ չտեսնէ ձեզ:  
Լաւ է տուն գընաք:

ԲԷԽԱ

Միայն մէկ էլ նայիմ:—

Ա'խ, այն ցանկն ինձնից զողացաւ նորան:

ԴԱՅԱ

Գնանք, զնանք, ձեր հայրը ուղիղէ ասում:

Նա յետ կըզառնայ, և թէ տեսնէ ձեզ:

ԲԷԽԱ

Ա'խ, ա'խ, այն ցանկը:

ՆԱԹԱՆ

Եւ և թէ յանկարծ

Նորա ետեից դուրս գայ, անսպասձառ

Պիտի տեսնէ ձեզ: Ուրեմն զնացէք:

ԴԱՅԱ

Եկէք, ես զիտեմ տանը պատուհան,

Որտեղեց նոցա կըտեսնենք:

ԲԷԽԱ

Ա.յո':

(Բէխան և Դայան մտնում են տուն:)

### ՀԻՆԳԵՐՈՐԴ ԵՐԵԻՈՅԹ

ՆԱԹԱՆ, փոքրից յետոյ ՏԱՃԱՐԱԿԱՆ:

ՆԱԹԱՆ

Ես համարեա թէ վախենում եմ այս

Անսովոր մարդուց: Նա ինձ համարեա

Շփոթում է իւր խիստ առաքինութեամբ:

Այսքան էլ նեղ տեղ ձգէ մարդ մարդո՞ւն:—

Ահա՛ գալիս է:— Ինքն երիտասարդ,

Բայց տեսքով այր է: Ինչպէս սիրում եմ

Ես այդ բարեսիրտ վտահ հայեացքը,

Համարձակ զնացքը: Կեղևը դառն է,

Անշուշտ այդպէս չէ նաև միջակը:—

Արդեօք ի՞նչտեղ եմ տեսել այս դէմքը:—

Ներեցէք, աղչիւ Ֆրանկ.....

ՏԱՃԱՐԱԿԱՆ

Ի՞նչ:

ՆԱԹԱՆ

Թող տուէք:

ՏԱՃԱՐԱԿԱՆ

Բայց ի՞նչ, հրէայ ի՞նչ:

ՆԱԹԱՆ

Որ համարձակուիմ

Ձեզ հետ խօսելու:

ՏԱՃԱՐԱԿԱՆ

Ի՞նչպէս արգելեմ:

Բայց կարճ կտրեցէք:

ՆԱԹԱՆ

Ներեցէք, և մի'

Մի՛ այդպէս հպարտ և անարգանքով

Փախչէք այն մարդուց, որին յաւիտեան

Պարտաւորելէք:

ՏԱՃԱՐԱԿԱՆ

Ի՞նչպէս:— Համարեա

Գուշակում եմ ես: Դուք....

ՆԱԹԱՆ

Իմ անունը

Նախան է. ես այն աղջկայ հայրն եմ,

Որին փրկեց ձեր մեծահոգութիւնն.

Գալիս եմ....

ՏԱՃԱՐԱԿԱՆ

Թէ որ շնորհակալութիւն

Անելու համար— շատ աւելորդ է:

Արդէն անչափ շատ շնորհակալութիւն

Ղսել եմ չնչին այդ բանի համար:

Դուք ամենեւին պարտական չէք ինձ:

Ես ի՞նչ գիտէի, թէ ձեր աղջիկն էր: Գոհոր  
Տաճարականի պարսքն է օգնութիւն  
Հասնել ամենքին, որոնց տեսնում է  
Նա վտանգի մեջ: Բայց դորանից  
Սեփական կեանքս անտանելի էր  
Ինձ այն վայրկեանին: Շատ ուրախացայ,  
Որ միջոց զըտայ զոհել իմ կեանքը  
Ուրիշի կեանքը փրկելու համար—  
Թէև մի հրէայ աղջկայ կեանքը:

ՆԱԹԱՆ

Վըսեմ, շատ վըսեմ, բայց և զգուելի:—  
Ես հասկանում եմ ձեր խօսքի միտքը:  
Զգուելի դիմակ է ծածկում համեստ  
Մեծանձնութիւնը, որ զովասանից  
Փախչի:— Բայց եթէ ընդդէմ է նորան  
Այդպիսի մի զոհ, ուրիշ ի՞նչ այլ զոհ  
Ընդունելի է:— Ասպետ, դուք այստեղ  
Օտար էք, գերի, և այդ պատճառով  
Այսպէս համարձակ հարցնում եմ ես ձեզ:  
Ո՛հ, ասացէք ինձ, հրամայեցէք ինձ.  
Ինչո՞վ կարող եմ ես ձեզ ծառայել:

ՏԱՃԱՐԱԿԱՆ

Դո՛ւք, ի՞նձ: Ոչնչով:

ՆԱԹԱՆ

Ես հարուստ մարդ եմ:

ՏԱՃԱՐԱԿԱՆ

Ամենահարուստ հրէային երբէք  
Զեմ համարել ես ամենալաւը:

ՆԱԹԱՆ

Մի՞թէ կարող է դա ձեզ արգելել  
Նորա ունեցած լաւ բանով օգտուիլ,  
Օրինակ նորա հարստութեամբը:

ՏԱՃԱՐԱԿԱՆ

Լաւ, ևս այդ բանին չեմ հակառակի,

Զեմ հակառակի վերարկուիս համար:  
Երբ սա կըմաշուի և կըկտրատուի,  
Այն ժամանակը ես կըգամ ձեզ մօտ  
Եւ նորի համար փոխ կուղեմ ձեզնից  
Մահուդ կամ թէ փող:— Բայց ո՛չ, մի տխրիք,  
Գեռ մի վախենաք, դեռ ևս բանը  
Այդտեղ չէ հասել: Տեսէք դեռ ևս  
Բաւական լաւն է: Միայն այս ծայրին  
Կայ մի տգեղ բիծ, փոքր ինչ այրուած է:  
Այդ պատահեցաւ, երբ որ ձեր աղջկան  
Դուրս էի բերում ես կրակի միջեց:

ՆԱԹԱՆ

(Բռնում է վերարկուի ծայրը և զննում է:)

Զարմանալի է, որ մի այսպիսի  
Վատ և աղեղ բիծ, մի փոքր այրուած կետ,  
Եւս աւելի լաւ է վըկայում  
Մի մարդու մասին, քան թէ այն մարդու  
Սեփական լեզուն: Թոյլ տուէք ինձ այդ  
Բիծը համբուրեմ:— Ախ, ներեցէք ինձ:—  
Ակամայ արի:

ՏԱՃԱՐԱԿԱՆ

Ի՞նչ:

ՆԱԹԱՆ

Մի արատաւք

Ընկաւ նորա վրայ:

ՏԱՃԱՐԱԿԱՆ

Ոչինչ: Կաթիլներ

Շատ է տեսել սա:—

(Ինքն իրան)

Այս հրէան շուտով

Ինձ կը շփոթէ:

ՆԱԹԱՆ

Ո՛հ, թէ լինէիք

Դուք այնքան բարի, գոնէ մի բոպէ  
Ուղարկէիք այս վերակուն աղջկաս:



ՏԱՃԱՐԱԿԱՆ

ինչի:

ՆԱԹԱՆ

Որ նա էլ սխալ այս բիծը  
Իւր շրթունքներին, որովհետեւ նա  
Յոյս չունի զրկել ձեր խոյ ծնկները:

ՏԱՃԱՐԱԿԱՆ

Բայց հրէայ—Նաթան է ձեր անունը—  
Բայց Նաթան—Դուք ձեր խօսքերը շատ լաւ—  
Շատ լաւ էք դարսում—մեծ վարպետութեամբ:—  
Ես շրջափակում եմ—Այո—ես պէտք է...

ՆԱԹԱՆ

Ինչպէս ուզում էք դուք ձեզ ձեւացրէք.  
Բայց ես այդպէս էլ հասկանում եմ ձեզ:  
Դուք այնքան բարի, այնքան ազնիւ էք,  
Որ չէիք կարող լինել աւելի  
Քաղաքավարի:—Աղջկայ սիրտը  
Զգացմունքով լցուած. կին նուիրակը  
Հնազանդ աղախին, հայրը շատ հեռու—  
Դուք երկիւղ էք կրում ձեր անուան համար,  
Զէք ուզում աղջկաս փորձի ննջարկել,  
Զէք ուզում, որ դուք չըյաղթանակէք.  
Եւ դորա համար շնորհակալ եմ ես:—

ՏԱՃԱՐԱԿԱՆ

Խոստովանում եմ, որ դիտէք ինչպէս  
Պիտի մտածէ մի տաճարական:

ՆԱԹԱՆ

Տաճարականը միայն, միայն նա,  
Որովհետեւ նա պարտաւորուած է  
Կարրի օրէնքով: Գիտեմ, լաւ մարդիկ  
Ինչպէս են մտածում: Գիտեմ, լաւ մարդիկ  
Կան ամեն երկրում:

ՏԱՃԱՐԱԿԱՆ

Կարծում եմ, որ կայ

Զանազանութիւն:

ՆԱԹԱՆ

Այո, ի հարկ է  
Գոյնի, հանդերձի, կերպարանքի մէջ:  
ՏԱՃԱՐԱԿԱՆ  
Այլ և երբեմն մէկ երկրում շատ են,  
Երբեմն միւսում:

ՆԱԹԱՆ

Այդ բանում մեծ չէ

Զանազանութիւնն: Մեծ մարդուն պէտք է  
Մեծ տարածութիւն: Շատ մօտ իրարից  
Տնկած ծառերը ջարդում են միայն  
Իրար ոստերը: Բայց մեզ պէս միջակ  
Բարութեան մարդիկ շատ կան ամեն տեղ.  
Միայն չը պէտք է միմեանց պարսաւեն.  
ձիւղը պէտք է իւր կոշտերին տանէ:  
Ծառի զազալթը պէտք է չը կարծէ,  
Թէ միայն նա չէ գետնից բարձրացել:

ՏԱՃԱՐԱԿԱՆ

Շատ ճշմարիտ է:— Բայց ձեզ ծանօթ է  
Անշուշտ այն ազգը, որ առաջինը  
Սկսեց պարսաւել ուրիշ ազգերին:  
Գիտէք դուք, Նաթան, որ ժողովուրդը  
Ամենից առաջ ընտրեալ ժողովուրդ  
Անուանեց իրան: Թէև չեմ ատում  
Այդ ժողովուրդը, բայց և չեմ կարող  
Զարհամարհել իւր մեծամտութիւնն:  
Մեծամտութիւն, որ նա տուել է  
Իբր ժառանգութիւն թէ քրիստոնեային,  
Թէ մուսուլմանին, այն է թէ միայն,  
Միայն իւր Աստուածն է ճշմարիտ Աստուած:—  
Դուք զարմանում էք, որ ես քրիստոնեայ  
Եւ տաճարական այսպէս եմ խօսում:  
Ե՞րբ և կամ ինչտեղ, եթէ ոչ այստեղ  
Եւ մեր օրերում աւելի շատ է

Յայտնուել բարեպաշտ մոլեգնութիւնը  
 Իւր ամենասե կերպարանքովը,  
 Թէ մեր Աստուածն է ամենալաւը,  
 Եւ թէ մեր այդ լաւ Աստրծուն պէտք է  
 Բռնի պաշտել տալ բոլոր աշխարհին:  
 Այժմ ո՞ւմ աչքերից չէ ընկնում կապը....  
 Բայց թող կոյր լինի, որ կամենում է:—  
 Մոռացէք, ինչ որ ասացի ես ձեզ,  
 Եւ թողէք գընամ:

(Ուզում է գնալ.)

ՆԱԹԱՆ

Ո՛հ, դուք չը գիտէք,  
 Թէ ինչպէս հիմա ես աւելի պինդ  
 Պիտի կպչիմ ձեզ:— Եկէք, մենք պիտի  
 Բարեկամ լինինք:— Արհամարհեցէք  
 Իմ ժողովուրդը, որքան ուզում էք:  
 Դուք և ես, մենք չենք ընտրել մեզ համար  
 Մեր ժողովուրդը: Մի՞թէ ես և դուք  
 Մեր ժողովուրդն ենք: Ժողովուրդ, արդեօք  
 Ի՞նչ է ժողովուրդ: Ասացէք արդեօք  
 Քրիստոնեան, հրէան նախ քրիստոնեայ են  
 Հրէայ, թէ նախ մարդ: Ո՛հ, թէ ես ձեր մէջ  
 Գտած լինէի այնպիսի մէկին,  
 Որ բաւական է արդէն նորանով,  
 Որ մարդ է կոչվում:

ՏԱՃԱՐԱԿԱՆ

Վըկայ է Աստուած,  
 Որ դուք գտել էք, Նաթան, գտել էք  
 Այդպիսի մէկին:— Տուէք ձեր ձեռքը:—  
 Ես ամաչում եմ, որ և մի բոպէ  
 Ձեր մասին սրիսալ կարծիք ունեցայ:

ՆԱԹԱՆ

Այդ ինձ պարծանք է: Չէ՞ որ մարդ միայն  
 Սովորականումն է ուշ ուշ սխալվում:

ՏԱՃԱՐԱԿԱՆ

Եւ անսովորը ուշ է մոռանում:—

Այո՛, Նաթան, մենք, մենք, պէտք է իրար  
 Բարեկամ լինինք:

ՆԱԹԱՆ

Մենք բարեկամ ենք:—

Ինչ կուրախանայ Բէխաս:— Ո՛հ, և ինչ  
 Պայծառ ապագայ յանկարծ բացվում է  
 Իմ աչքի առաջ:— Միայն պէտք է նախ  
 ձանաչէք նորան:

ՏԱՃԱՐԱԿԱՆ

Սրտիս իղձն է դա:—

Այդ ո՞վ դուրս վաղեց այնտեղ ձեր տանից:  
 Դայան չէ՞:

ՆԱԹԱՆ

Այո՛: Ինչ վախեցած է  
 Գուցէ Բէխային բան է պատահել:

Վ Ե Ց Ե Ր Ր Դ Ե Ր Ե Ի Ո Յ Թ

Ա. Ռ. Ա. Ջ. Ի. Ն. Ե. Բ. Ը. և Դ. Ա. Յ. Ա., շտապով գալիս է:

ԴԱՅԱ

Նաթան, ախ, Նաթան:

ՆԱԹԱՆ

Հ'ը, ի՞նչ է, Դայա:

ԴԱՅԱ

Ինչորում եմ ներէք ինձ, ազնիւ ասպետ,  
 Որ կտրում եմ ձեր խօսակցութիւնը:

ՆԱԹԱՆ

Ի՞նչ է պատահել:

ՏԱՃԱՐԱԿԱՆ

Ի՞նչ կայ:

ԴԱՅԱ

Սուլթանը

Մարդ է ուղարկել: Պահանջում է ձեզ:  
Աստուած, սուլթանը:

ՆԱԹԱՆ

Ի՞նչ պահանջում է

Սուլթանը: Անշուշտ ուզում է տեսնել  
Թէ ինչ նոր բան եմ բերել ես հետս:  
Դայա, ասա որ դեռ չեմ բաց արել  
Բոլոր ապրանքը:

ԴԱՅԱ

Ո՛չ, ո՛չ, նա ոչինչ

Չէ ուզում տեսնել: Նա ձեզ է ուզում,  
Նա ձեզ հետ անձամբ ուզում է խօսել:  
Այլ և շուտ, որքան կարելի է շուտ:

ՆԱԹԱՆ

Կըզամ, դու գընա:

ԴԱՅԱ

Ով ազնիւ ասպետ,

Դուք չընեղանաք: Տէր Աստուած, ինչպէս  
Անհանգիստ ենք մենք: Արդեօք Սուլթանը  
Ի՞նչ է կամենում:

ՆԱԹԱՆ

Կըտեսնենք: Գընա:

ԵՕԹՆԵՐՈՐԴ ԵՐԵՒՈՅԹ

Ն Ա Ռ Ա Ն և Տ Ա Ճ Ա Ր Ա Կ Ա Ն

ՏԱՃԱՐԱԿԱՆ

Ուրեմն դուք չէք ճանաչում նորան—  
Ուզում եմ ասել— անձամբ ծանօթ չէք:

ՆԱԹԱՆ

Սալադինի հետ: Ո՛չ, դեռ ծանօթ չեմ:  
Ես ոչ փախել եմ նորանից, ոչ էլ

Երբէք աշխատել, որ ծանօթանամ:  
Ընդհանուր կարծիքը նորա մասին  
Այնքան լաւ է, որ լաւ է հաւատալ,  
Եւ ոչ թէ ստուգել: Բայց հիմա— թէեւ  
Այդպէս չըլինի, նա ձեզ խնայելով....

ՏԱՃԱՐԱԿԱՆ

Այո՛, ճշմարիտ, ճշմարիտ է այդ:  
Այո՛, իմ կեանքը նորա պարզէն է:

ՆԱԹԱՆ

Որով պարզեց նա ինձ կրկին կեանք:  
Այդ բանը մեր մէջ բոլորը փոխեց.  
Յանկարծ մի կապով կապեց իմ վիզը,  
Եւ ես յաւիտեան նորա ծառան եմ:  
Անհամբերութեամբ սպասում եմ, թէ ինչ  
Պիտի հրամայէ: Ես ամեն բանի  
Պատրաստ եմ, պատրաստ խոստովանելու,  
Որ ձեզ համար եմ ծառայում նորան:

ՏԱՃԱՐԱԿԱՆ

Դեռ ևս ինքս չը կարողացայ  
Յայտնել նորան իմ շնորհակալութիւնն,  
Թէեւ շատ անգամ պատահել եմ նրան:  
Մի բոպէական տպաւորութիւն  
Արի նորա վրայ, որ և անցկացաւ  
Մի բոպէի մէջ: Ով զիտէ արդէն  
Մոռացել է ինձ: Բայց պէտք է էլի  
Գոնէ մի անգամ կրկին յիշեցնեմ  
Նորան իմ մասին, որ բոլորովին  
Որոշէ բողբոս: Բաւական չէ, որ  
Նորա հրամանով դեռ ևս կամ ես,  
Որ նորա կամքով էլի ապրում եմ.  
Պէտք է նորանից այն էլ իմանամ,  
Թէ այսուհետեւ ում կամքով ապրեմ:

ՆԱԹԱՆ

Անպատճառ, ես էլ ահա՛ գընում եմ—

Շատ կարելի է խօսքը այնպէս դայ,  
Որ առիթ տայ մեզ խօսել ձեր մասին—  
Այժմ ներեցէք:— Ես պիտի շտապիմ—  
Ե՛րբ, ե՛րբ արդեօք ձեզ մեզ մօտ կը տեսնենք:

ՏԱՃԱՐԱԿԱՆ

Երբ որ թոյլ կը տաք:

ՆԱԹԱՆ

Երբ որ կամենաք:

ՏԱՃԱՐԱԿԱՆ

Այսօր:

ՆԱԹԱՆ

Խնդրումեմ ձեր անունն ասէք:

ՏԱՃԱՐԱԿԱՆ

Անունս էր— է կուրդ Ֆօն Շտաուֆէն— կուրդ:

ՆԱԹԱՆ

Շտաուֆէն— ֆօն Շտաուֆէն:

ՏԱՃԱՐԱԿԱՆ

Ի՞նչ էք զարմանում:

ՆԱԹԱՆ

Ֆօն Շտաուֆէն:— Անշուշտ արդէն այդ ազգից  
Շատերը....

ՏԱՃԱՐԱԿԱՆ

Այո՛ եղէլ են այստեղ:

Արդէն շատերը ընկել են այստեղ:  
Իմ հօրեղբայրը— ուզումեմ ասել  
Հայրս, — բայց ինչի՞ այդպէս սուր աչքով  
Նայում էք դո՛ք ինձ:

ՆԱԹԱՆ

Ոչինչ, ո՛հ, օչինչ:

Ի՞նչպէս կշտանամ ես ձեզ նայելուց:

ՏԱՃԱՐԱԿԱՆ

Այդ պատճառով նախ ես եմ թողնում ձեզ:  
Զննողի աչքը յաճախ գտել է

Աւելի, քան թէ ցանկացել է նա:  
Ես վախենումեմ այդ աչքից, Նաթան:  
Թող կամաց կամաց ծանօթացնէ մեզ  
Ժամանակը, ոչ հեռաբերութիւնն:

ՆԱԹԱՆ

« Զննողի աչքը յաճախ գտել է  
Աւելի, քան թէ ցանկացել է նա:—  
Կարծես հոգուս մէջ կարդաց այդ միտքը:—  
Այո՛, իրաւ է, նոյնը կարող է  
Պատահել և ինձ:— Ոչ միայն վօլֆի  
Հասակը ունի, նորա քայլուածքը,  
Այլ թէև ձայնը: Իսկ այդպէս, այդպէս  
Բարձր էր պահում վօլֆը իւր զուլսը.  
Այդպէս էր կըրում վօլֆը իւր սուրը,  
Այդպէս էր շքվում ձեռով յոնքերը,  
Որ ծածկէր նա իւր հրացայտ աչքերը:—  
Այսպէս երբեմն ննջում են մեր մէջ  
Խոր տպաւորուած պատկերներ, մինչև  
Զարթեցնէ նոցա մի բառ, մի հնչելն:—  
Ֆօն Շտաուֆէն— Այո՛:— Ֆիլինէկ և Շտաուֆէն—  
Շուտով աւելի հանդամանօրէն  
Կը տեղեկանամ: Բայց առաջ գընամ:  
Սալադինի մօտ:— Այն ով է կանգնած:  
Դայան չէ՞:— Ի՞նչ կայ: Ե՛կ ասա, Դայա:

### ՈՒԹԵՐՈՐԴ ԵՐԵՒՈՅԹ

ԴԱՅԱ, ՆԱԹԱՆ

ՆԱԹԱՆ

Հը, ի՞նչ կայ: Արդէն հեռաբերիր էի  
Իմանալ, այն չէ, թէ ինչ է ուզում  
Ինձնից սուլթանը, այլ մի ուրիշ բան:

ԴԱՅԱ

Մի՛թէ Բէխային մեղադրում էք դուք  
Այդ բանի համար: Նոր սկսել էիք

Մտերիմ կերպով խօսիլ իրար հետ,  
Որ Սալադինի հրամանը վախցրեց  
Մեզ պատուհանից:

ՆԱԹԱՆ

Ասա՛ Բէխային

Որ ամեն բոպէ սպասէ—ասպետին:

ԴԱՅԱ

ձշմարիտ: Իրա՛ւ:

ՆԱԹԱՆ

Դայա, կարող եմ

Արդեօք քեզ վերայ ես վստահ լինել:  
Զգոյշ կաց, խնդրում եմ: Դու չես ավսոսայ  
Այդ բանի համար: Բո խղճմանքն էլ  
կը հանդատանայ: Զգոյշ, որ չը քանդես  
Իմ նախագիծը: Պատմելու, կամ թէ  
Մի բան հարցնելու համեստ, զգոյշ եղի՛ր....

ԴԱՅԱ

Ինչ ասել կուզէ:— Ահա՛ զընում եմ,  
Դուք էլ զընացէք: Կարծես սուլթանից  
Նոր մարդ է գալիս, դէրվիշ Ալ-Հաֆին:  
(Դայան դուրս է գնում.)

### ԻՆՆԵՐՈՐԴ ԵՐԵՒՈՅԹ

Ն Ա Ռ Ա Ն, Ա Լ - Հ Ա Ֆ Ի

Ա Լ - Հ Ա Ֆ Ի

Ահա՛ ես էլի գալիս եմ ձեզ մօտ:

Ն Ա Ռ Ա Ն

Շատ շտապով գործ է: Ինչ է կամենում:

Ա Լ - Հ Ա Ֆ Ի

Ո՞վ:

Ն Ա Ռ Ա Ն

Սալադինը — գալիս եմ, գալիս:

Ա Լ - Հ Ա Ֆ Ի

Ո՞ր ո՞ւր ես գընում: Սալադինի մօտ:

Ն Ա Ռ Ա Ն

Մի՞թէ նա չէ քեզ ինձ մօտ ուղարկել:

Ա Լ - Հ Ա Ֆ Ի

Ի՞նչ, ո՞չ: Բաց մի՞թէ կանչել է նա քեզ:

Ն Ա Ռ Ա Ն

Այո՛, կանչել է:

Ա Լ - Հ Ա Ֆ Ի

Հիմա հասկացայ:

Ն Ա Ռ Ա Ն

Ի՞նչ, ի՞նչ հասկացար:—

Ա Լ - Հ Ա Ֆ Ի

Որ... Աստուած վըկայ,

ես մեղաւոր չեմ:— Ինչեր չասացի  
Ձեր մասին, ինչքան սուտ սուտ խօսեցայ,  
Որ այդ արդելեմ:

Ն Ա Ռ Ա Ն

Որ ի՞նչ արդելես:

Ի՞նչ ես իմացել:

Ա Լ - Հ Ա Ֆ Ի

Որ նա ձեզ հիմա

Նշանակիլ է իւր զէվթէրդարը:

Ավսոսում եմ ձեզ: Բայց այդ բանն աչքով  
Չեմ ուզում տեսնել: Ես իսկոյն կերթամ:  
Բայց թէ ո՞ւր, արդէն ասել եմ ձեզ  
Իմ ճանապարհը:— Թէ ճանապարհին  
Մի որ և իցէ յանձնարարութիւն  
Ունիք, ասացէք. ես յօժարութեամբ  
Կը ծառայեմ ձեզ: Միայն ի հարկէ  
Պէտք է չըլինի աւելի, քան թէ  
Որքան կարող է տանել մի աղքատ:  
Գնում եմ, շուտ արէք:

ՆԱԹԱՆ

Բայց դեռ մտածիր

ԱԼ-ՀԱՖԻ: Ես դեռ ոչինչ չըզխտեմ:

Ինչե՞ր ես ասում:

ԱԼ-ՀԱՖԻ

Ի հարկէ իսկոյն

Ձեզ հետ կրտանէք նաև քսակները:

ՆԱԹԱՆ

Քսակները:

ԱԼ-ՀԱՖԻ

Այո՞, փողերը, որ դուք

Պիտի սուլթանին պարտք տաք:

ՆԱԹԱՆ

Ել ոչինչ:

ԱԼ-ՀԱՖԻ

Ես պիտի տեսնեմ, ինչպէս օրէցօր  
Նա կը մերկացնէ ձեզ բոլորովին,  
Ես պիտի տեսնեմ, ինչպէս խելացի  
Ողորմածութեան ամեն ժամանակ  
Լի ամբարներից ն' այնքան փոխ կառնէ,  
Փոխ կառնէ, կառնէ, մինչև նոցա մէջ  
Մկները անգամ սոված կը սատկին:—  
Չըլինի թէ դուք կարծում էք, թէ նա,  
Ով որ կարօտ է ձեր ոսկուն անշուշտ  
Կը հետևի և ձեր խորհուրդներին:—  
Հա՛, կը հետևի նա խորհուրդներին:  
Երբ է Սալադինը խորհուրդ լսել:  
Բայց տեսէք, Նաթան, հէնց իսկոյն ահա  
Ինչ պատահեցաւ:

ՆԱԹԱՆ

Ի՞նչ:

ԱԼ-ՀԱՖԻ

Ես գընումեմ

Նորա մօտ, նոր հէնց շախ է խաղացել

Նա իւր քրոջ հետ: Ձիտտան խաղում է  
Բաւականին լաւ: Խաղը դեռ այնպէս  
Դրօած է այնտեղ, և Սալադինը  
Հաստատում է, թէ ինքը տարուել է:  
Նայում եմ, խաղը դեռ վերջացած չէ:

ՆԱԹԱՆ

Ի հարկէ այդ մի գիւտ էր քեզ համար:

ԱԼ-ՀԱՖԻ

Հարկաւոր էր միայն, որ առաջ քաշէր  
Իւր թագաւորին և մի զինուորով  
Պաշտպանէր:— Ափսո՞ս, կարողանայի  
Իսկոյն ցոյց տալ ձեզ:

ՆԱԹԱՆ

Ես հաւատում եմ:

ԱԼ-ՀԱՖԻ

Եւ աշտարակի առաջը այդպէս  
Գաշտը բացուելով... Ձիտտան կորած է:—  
Ես այդ բոլորը ուզում եմ ցոյց տալ,  
Կանչում եմ նորան—բայց ի՞նչ էք կարծում....

ՆԱԹԱՆ

Նա քո կարծիքին չէ համաձայնում:

ԱԼ-ՀԱՖԻ

Նա ամենեւին չէ լսում ինձ և  
Արհամարհանքով խառնում է խաղի  
Քարերը:

ՆԱԹԱՆ

Մի՞թէ.

ԱԼ-ՀԱՖԻ

Եւ ասում, թէ նա  
Ուզում է տարուել: Ուզում է տարուել:  
Մի՞թէ այդ խաղ է:

ՆԱԹԱՆ

Անշուշտ, ո՛չ. այլ թէ

Խաղի հետ խաղ է:

ԱԼ-ՀԱՅԻ

Փուճ ընկոյղ չարժէ:

ՆԱԹԱՆ

Դա մի մեծ բան չէ, որ նա դէս ու դէն  
Յրվում է փողը. բայց քեզ չըլտել,  
Այդ մեծակշիռ հանգամանքի մէջ  
Խօսքդ չըլտել. արծուի հայեացքդ  
Չըզնահատել, ահա այդ է, այդ,  
Որ պահանջում է վերէժխնդրութիւն:  
Այնպէս չէ:

ԱԼ-ՀԱՅԻ

է՛հ, ի՞նչ: Ես միայն ասում եմ.

Որ դուք գիտենաք, թէ ինչ գլուխ է նա:  
Մի խօսքով, ես էլ չեմ կարող տանել:  
Ահա վաղվզում եմ բոլոր կեղտոտ  
Մալքիտանացոց մօտ և հարցնում եմ,  
Թէ ո՞վ է ուզում նորան փող փոխ տալ:  
Ես, ես, որ երբէք, երբէք կեանքումս  
Ինձ համար խնդրել չեմ ողորմութիւն,  
Ես հիմա պէտք է ուրիշ համար  
Գընամ փոխ ուզեմ: Փող փոխ ուզելը  
Մուրալուց լաւ չէ, ինչպէս և շահով  
Փող տալը լաւ չէ փող դողանալուց:  
Գանգէսի ափին ինձ հարկաւոր չէ  
Ոչ մէկը անել, ոչ ևս միւսը  
Եւ այդ բաներում ծառայել իբրև  
Մի անբան գործիք: Գանգէսի վերայ  
Միայն ապրում են ճշմարիտ մարդիկ:  
Այստեղ միայն դուք արժանի էք, որ  
Նոյնպէս ապրէիք Գանգէսի վերայ:—  
Ուզում էք գընանք:— Տուէք նորան այդ  
Բոլոր հնոտիքը, որի համար նա  
Այնքան զբաղուած է: Առանց դորան էլ  
Նա կամաց կամաց բոլորը կառնէ:  
Այդպէս կազատուիք դուք չարչարանքից  
Եկէք, Նաթան, ես դէրվիշ շինեմ ձեզ:

ՆԱԹԱՆ

Ես կարծում եմ, որ այդ միշտ կարող եմք:  
Ես կրմտած եմ, Ալ-Հա՛ջի: Սպասիր...:

ԱԼ-ՀԱՅԻ

Սպասեմ, մրտած էք: Ոչ, այդ բանի մէջ  
Պէտք չէ մտածել:

ՆԱԹԱՆ

Գոնէ մինչև որ

Սուլթանի մօտից կը վերադառնամ.  
Մինչև որ հրաժեշտ....

ԱԼ-ՀԱՅԻ

Շատ մտածողը

Անշուշտ ուզում է մի պատճառ գտնել,  
Որ հրաժարուի իւր մտադրութենից:  
Ով որ կարող չէ շուտ վճռել, ապրել  
Իւր ուզածի պէս, նա միշտ ուրիշի  
Ստրուկը կըլինի:— Ձեր կամքն է:— Ինչպէս  
Ձեզ լաւ է թվում, այնպէս ապրեցէք:—  
Իմ ճանապարհը այն կողմն է տանում,  
Ձերը այս կողմն:

ՆԱԹԱՆ

Ալ-Հա՛ջի, չէ՞ որ

Դու ինքդ պէտք է ստուգես հաշիւը:

ԱԼ-ՀԱՅԻ

Է՛հ, դատարկ բան է: Չարժէ դրամարկիս  
Մնացորդը հաշուել: Եւ որ ուղիղ են  
Իմ հաշիւները— այդ կը վերկայէք  
Դուք կամ թէ Չիտտան: Հիմա մնաք բարով:  
(դուրս է գնում.)

ՆԱԹԱՆ (նորա ետեւից նայելով.)

Ե՛ս կը վերկայեմ:— Ո՞վ դու վայրենի,  
Բարի, ազնիւ մարդ:— Չըզգիտեմ, թէ ի՞նչ  
Անուն տամ նորան:— Միայն ճշմարիտ  
Աղքատն է միակ ճշմարիտ արքան:  
(Դուրս է գնում ուրիշ կողմից.)

# ԵՐՐՈՐԴԻ ԳՈՐԾՈՂՈՒԹԻՒՆ

## ԱՌԱՋԻՆ ԵՐԵՒՈՅԹ

### Նարանի տուր:

ԲԷԽԱ և ԴԱՅԱ

ԲԷԽԱ

Քեզ ի՞նչպէս ասաց, Դայա, իմ հայրը:  
Եթէ ամեն բոլոր կարողեմ ապաստել:  
Նշանակումէ, թէ շատ շուտ կը գայ—  
Այնպէս չէ, Դայա:— Բայց արդէն քանի  
բոլոր անցկացաւ: — Ի՛հ, չեմ մտածի  
Անցածների վրայ: — Լաւ է կապրեմ ես  
Ամեն մտաւոր, դալոյ բոլորում:  
Վերջապէս կը գայ անշուշտ այն բոլորն,  
Որ նրան կը բերէ:

ԴԱՅԱ

Ո՛հ, թէ սուլթանի

Մարդը չէր եկել, Նաթանն անպատճառ  
Խը հետ կը բերէր տաճառահանին:

ԲԷԽԱ

Բայց երբ վերջապէս հասնի այդ բոլորն,  
Երբ ամենաջերմ, ամենասաստիկ  
Իշն կատարուի. յետոյ— յետոյ ի՞նչ:

ԴԱՅԱ

Յետոյ ի՞նչ: Յետոյ ես էլ յոյս ունիմ,  
Որ կը կատարուի և իմ ջերմ իղձը:

ԲԷԽԱ

Յետոյ կուրծքիս մէջ ինչ կը բռնէ  
Այդ ըզի տեղը, երբ որ էլ այնտեղ  
Զի լինի բոլոր ըզերիս վերայ  
Իշնոյ այդ իղձը: — Ոչնչ: — Ո՛հ, ինչպէս  
Վախենումեմ ես....

ԴԱՅԱ

Այն ժամանակը

Իմ իղձը, իմը կատարուած ըզի  
Տեղը կը բռնէ: Իմ իղձն է տեսնել  
Քեզ Եւրոպայում քեզ արժանաւոր  
Մի մարդու ձեռին:

ԲԷԽԱ

Սխալվում ես, Դայա—

Այն, ինչ որ ծընում է քո սրտի մէջ  
Այդ իղձը, նոյնը արգելում է ինձ  
Որ իղձդ երբէք իմ իղձը դառնայ:  
Դու քո հայրենի երկիրն ես ձգտում,  
Ես իմը ի՞նչպէս կարող եմ թողնել:  
Սիրելիներդ պատկերը, որ դեռ,  
Դեռ քո սրտի մէջ մնացել է անջինջ,  
Մի՞թէ աւելի զօրեղ է, քան թէ  
Այն որ ես այստեղ տեսնում, լուծեմ  
Եւ շոշափում եմ:

ԴԱՅԱ

Ընդդիմացի դու

Որքան ուղում ես: Երկնային վճիռն  
Անդառնալի է: Ի՞նչ կասես, եթէ  
Նա, որ քեզ վրկեց, նշանակուած է  
Խը Լստոյ կողմից, որի համար նա  
Պատերազմում է, որ տեղափոխէ  
Քեզ այն աշխարհը, որ տանէ քեզ այն  
Ժողովուրդի մէջ, որնոց համար դու  
Աշխարհ ես եկել:



ԲԷԽԱ

Այդ ի՞նչ ես ասում,

Սիրելի Դայա: Ինչ զարմանալի  
 Մտքեր ես յայտնում: «Նորա՞ Աստուածք,  
 Որի համար նա պատերազմում է:»  
 Աստուած առանձին ո՞ւմն է պատկանում:  
 Այդ ի՞նչ Աստուած է, որ պատկանում է  
 Միայն մէկ մարդուն, որի համար մարդ  
 Պիտ՝ պատերազմի:— Ո՞վ զիտէ, թէ մարդ  
 Որ կտոր հողի համար է ծընել,  
 Եթէ դա այն չէ, որի վերայ նա  
 Աշխարհ է եկել:— Եթէ իմ հայրը  
 Լքսէր այդ բանը:— Ի՞նչ է արել քեզ  
 Հայրս, որ դու ինձ երջանկութիւնս  
 Նորանից հեռու ես միշտ ցոյց տալիս:  
 Ի՞նչ է արել քեզ, որ իմաստութեան  
 Սերմը, որ ցանել է նա հողուս մէջ  
 Ուզում ես խառնել քո հայրենիքի  
 Վատ խոտերի, կամ ծաղիկների հետ:—  
 Սիրելի Դայա, հայրս չէ ուզում  
 Որ քո գոյնգոյն ծաղիկներն աճին  
 Իմ հողի վերայ:— Այլ և պէտք է  
 Քեզ ասեմ, իմ Դայա, քո ծաղիկները  
 Թէև գեղեցիկ, բայց թուլացնում են  
 Ինձ ու նուազեցնում. զգում եմ, որ նոցա  
 Անուշ՝ հոտութիւնն թմրեցնում է ինձ:—  
 Քո ուղեղը այդ բանին սովոր է:  
 Դորա համար ես չեմ դատապարտում  
 Քո պինդ ջղերը: Միայն ինձ համար  
 Վնասակար է դա: Այ զորօրինակ  
 Քո այն հրեշտակը փոքր մընաց, որ  
 Յիմարացներ ինձ:— Մինչև հիմա էլ  
 Այդ յիմարութեան համար իմ հօրից  
 Ամաչում եմ ես:

ԴԱՅԱ

Ի՞նչ, յիմարութիւն:

Կարծես թէ խելքը միայն այս տանն է,  
 Յիմարութիւն է, հա՛, յիմարութիւն,  
 Ափսոս, չեմ կարող համարձակ խօսիլ:

ԲԷԽԱ

Ո՞վ է արգելում: Ե՞րբ չեմ լսել քեզ  
 Մեծ ուշադրութեամբ, երբ դու պատմել ես  
 Ինձ քո հաւատի մարտիրոսների  
 Պատմութիւնները: Ե՞րբ չեմ հիացել  
 Նոցա գործերով և չեմ արտասուել  
 Լսելով նոցա չարչարանքները:  
 Միայն ի հարկէ նոցա հաւատը  
 Չէր, որ թվում էր ինձ հերոսութիւն:  
 Սակայն ինձ համար աւելի ևս  
 Մխիթարական է այն ուսումը,  
 Թէ մեր առ Աստուած անձնուիրութիւնն  
 Երբէք կախուած չէ մեր ցնորքներից  
 Աստուծոյ մասին:— Սիրելի Դայա,  
 Հայրս շատ անգամ ասել է մեզ այս.  
 Եւ այդ բանի մէջ ինքդ շատ անգամ  
 Համաձայնել ես, Դայա, նորա հետ.  
 Ուրեմն ինչո՞ մենակ քանդում ես,  
 Ինչ որ շինել ես դու էլ նորա հետ:—  
 Սիրելի Դայա, լաւ չէ մեզ վիճել  
 Այս բանի մասին, երբ որ սպասում ենք  
 Մեր բարեկամին: Գոնէ ինձ համար:  
 Ինձ համար անչափ նշանաւոր է,  
 Թէ արդեօք նա էլ... Դայա, լսեցիր:—  
 Կարծես մարդ մտաւ: Ա՛խ, թէ նա լինէր:

ԵՐԿՐՈՐԴ ԵՐԵՒՈՅԹ

ԲԷԽԱ, ԴԱՅԱ և ՏԱՃԱՐԱԿԱՆ, որին մէկը դրսից բաց է անում  
 դուռը այս խօսքերով:

Ներս մտէք:

ԲԷԽԱ

(Յանկարծ վեր է թռչում, բայց շուտ հանդարտվում է և ուզում է ընկնել  
 տաճարականի ոտը:)

Նա է—նա:— Ո՞վ իմ ֆրկիչ:

ՏԱՃԱՐԱԿԱՆ

Այս բանից ահա փախչելու մտքով  
Այնքան ուշացայ. բայց էլի, էլի—

ԲԷԽԱ

Այս հպարտ մարդու ոտը ընկնելով,  
ես ուզում եմ միայն կրկին Աստուծուն  
Շնորհակալ լինել, ոչ թէ այս մարդուն:  
Սա չէ ընդունում շնորհակալութիւն  
ինչպէս այն դոյլը, որ այնպէս ժիր էր  
կրակը հանդիմանելիս. որ ջրով լցնում,  
Գատարկում էին, բայց նա չէր ըզգում:  
Այնպէս էլ սա է: Սա էլ պատահմամբ  
Ձգուած էր բոցը, այնտեղ պատահմամբ.  
Ընկայ ես սորա բազուկների վրայ.  
Նոյնպէս պատահմամբ մրնացի այնտեղ,  
ինչպէս վերարկուի վերայ ընկած կայծ.  
Մինչև, չըզխտեմ, թէ ինչ բան, յանկարծ  
Նորից քրկուսիս դուրս ձգեց բոցից:—  
Ի՞նչ բանի համար ուրեմն պէտք է  
Շնորհակալ լինել:— Եւրոպայի մէջ  
Գինու զօրութեամբ կատարվում են և  
Ուրիշ շատ գործեր:— Տաճարականը  
Պարտաւորուած է միշտ այդպէս վարուիլ,  
ինչպէս այն կրթուած շնորհը, որոնք  
կրակից ու ջրից հանում են մարդկանց:

ՏԱՃԱՐԱԿԱՆ

(Որ բոլոր միջոցին զարմանքով և անհանդստութեամբ նայում էր Բէխային.)

Ո՛հ, Գայա, Գայա: Գիցուք թէ ես քեզ  
Վատ հանդիպեցայ իմ դառն վշտի  
Վայրկեանների մէջ. ի՞նչ հարկաւոր էր  
Լեզուիցս թրուած ամեն յիմար խօսք  
Սորան յետ պատմել: Գայա, դա շատ խիստ  
Վրէժխնդրութիւն է: Բայց եթէ գոնեա  
Հիմայ ինձ համար բարեխօս լինիս:

ԴԱՅԱ

Ասպետ, չեմ կարծում, թէ ձեր խօսքերի  
Փոքրիկ խայթերը, որոնք խոցեցին  
Բէխայի սիրտը, ձեզ այնտեղ սաստիկ  
Վրնասած լինին:

ԲԷԽԱ

Դուք վիշտ ունե՞իք:

Եւ դուք աւելի ժրլատ վարուեցաք  
Ձեր վշտի, քան թէ ձեր կեանքի համար:

ՏԱՃԱՐԱԿԱՆ

Ո՛վ դու բարետիրտ, նազելի մանուկ:—  
Հողիս առաջդ կէսը աչք դառաւ,  
Միւս կէսը ականջ:— Ո՛չ, ոչ, այս նա չէ  
Այն աղջկը չէ, որին հաննցի  
ես կրակի միջեց:— Այն ո՞վ կըլինէր,  
ձանաչէր նորան և նոյն բոպէին  
Ձընկնէր կրակի մէջ ազատել նորան:  
Ինձ ո՞վ կըսպասէր:— Թէև երկիւղը  
Փոխում է գէմքը:—

(Լաուրիւն, որի միջոցին տաճարականը դմայլած նայում է Բէխային.)

ԲԷԽԱ

Բայց դուք իմ աչքին

Էլի նոյն մարդն էք:—

(Գարձեալ լուսթիւն, մինչև որ Բէխան շարունակում է իւր խօսքը, որ  
ընդմիջէ նորա լուս հիացումը.)

Ասացէք, ասպետ,

Ի՞նչտեղ էիք դուք այսքան ժամանակ:—  
ես մինչև անգամ կարող եմ հարցնել,  
Այժմ ի՞նչտեղ էք:

ՏԱՃԱՐԱԿԱՆ

Ինչտեղ որ գուցէ

Պէտք չէր ինձ լինել:—

ԲԷԽԱ

Բայց ի՞նչտեղ էիք:—

ինչտեղ որ գուցէ պէտք չէր ձեզ լինել :

Այդ լաւ չէ:—

ՏԱՃԱՐԱԿԱՆ

Ես—ես—զընացել էի

Ի՞նչ է արդեօք այն լերան անունը:—

Սինայ լեռը:

ԲԷԽԱ

Ի՞նչ, Սինայ լեռն էիք:—

Ի՞նչ լաւ: Վերջապէս հիմա կարող եմ

Հաստատ իմանալ, իրաւ է արդեօք....

ՏԱՃԱՐԱԿԱՆ

Ի՞նչ, ի՞նչն է իրաւ: Թէ երևում է

Արդեօք դեռ ևս այն տեղը, ինչտեղ

Մովսէս մարգարէն Աստուծոյ առաջ

Կանգնած էր, երբ որ....

ԲԷԽԱ

Ո՛չ, այդ չեմ հարցնում:

Որովհետեւ նա ինչտեղ կանգնած էր,

Աստուծոյ առաջն էր: Ես ցանկանում եմ

Միայն իմանալ, արդեօք իրաւ է,

Որ այդ լերան վրայ աւելի հեշտ է

Բարձրանալ, քան թէ նորանից իջնել:—

Որովհետեւ ինձ, երբ բարձրացել եմ

Մի լերան վերայ, դորա հակառակն

է միշտ պատահել:— Դէհ, ասպետ:— Ի՞նչ է:—

Ինչի՞ էք դարձնում դուք ձեր երեսը:

Միթէ էլ տեսնել չէք ուզում դուք ինձ:

ՏԱՃԱՐԱԿԱՆ

Ես ուզում եմ ձեր խօսքերը լսել:

ԲԷԽԱ

Որ չընկատեմ, թէ դուք ժպտում էք

Այս իմ պարզամիտ խօսքերի վերայ.

Ժպտում էք, որ ես ուրիշ աւելի

Նշանաւոր բան չիմացայ հարցնել

Այն լերան մասին, որ ամենասուրբ

Լեռն է երկրի վրայ: Այնպէս չէ՞ արդեօք:

ՏԱՃԱՐԱԿԱՆ

Ուրեմն դարձեալ պիտի նայեմ ես

Ձեր աչքերի մէջ:— Այդ ի՞նչ է, հիմայ

Գուք էլ աչքերը խոնարհեցնում էք.

Հիմա էլ դուք էք ժպտը պահում,

Երբ ես ուզում եմ ձեր պատկերի վրայ

Գտնել այն, ինչ որ լսեց ահանջս,

Ինչ որ լռութեամբ պարզ յայտնեցիք ինձ:—

Ո՛հ, Բէխա, Բէխա, ի՞նչ ձշմարիտ են

Նորա խօսքերը. «Միայն պէտք է նախ

ձանաչէք նորան»:

ԲԷԽԱ

Ո՞վ—ե ո՞ւմ մասին

Ասել է ձեզ այդ:

ՏԱՃԱՐԱԿԱՆ

«Միայն պէտք է նախ

ձանաչէք նորան.» ձեր մասին ասաց

Բէխա, ձեր հայրը:

ԴԱՅԱ

Միթէ չեմ ասել

Ես էլ ձեզ նոյնը:

ՏԱՃԱՐԱԿԱՆ

Բայց այս ո՞ւր է նա:

Ո՞ւր է ձեր հայրը: Միթէ դեռ ևս

Սուլթանի մօտ է:

ԲԷԽԱ

Անկասկած:

ՏԱՃԱՐԱԿԱՆ

Միթէ

Գեռ այնտեղ է նա:— Ի՞նչ մոռացկոտ եմ:

Ո՛չ, ո՛չ, դժուար թէ նա այնտեղ լինի:

Անշուշտ վանքի մօտ սպասում է նա ինձ:

Այնտեղ խոստացանք հանդիպիլ միմիանց:  
Թոյլ տուէք գընամ, դնամ բերեմ նորան...

ԴԱՅԱ

Ո՛չ, այդ իմ գործն է: Դուք մնացէք, ասպետ:  
Իսկոյն ես ինքս կըբերեմ նորան:

ՏԱՃԱՐԱԿԱՆ

Նա ինձ է սպասում, Դայա, ոչ թէ ձեզ:  
Բացի դորանից, շատ կարելի է...  
Ով գիտէ... Գուցէ թէ Սուլթանի մօտ...  
Դուք չէք ճանաչում Սուլթանին... Շատ հեշտ  
կարող էր շփոթուիլ:— Թոյլ տուէք գընամ  
Հաւատացէք, որ վըտանդ կայ, և թէ,  
եթէ չըզընամ:

ՐԷԽԱ

Վըտանդ, ի՞նչ վըտանդ:

ՏԱՃԱՐԱԿԱՆ

Վըտանդ ինձ համար, ձեզ ու նրա համար,  
եթէ որ իսկոյն, իսկոյն չըզընամ:  
(գնում է:)

### ԵՐՐՈՐԴ ԵՐԵՒՈՅԹ

ՐԷԽԱ և ԴԱՅԱ

ՐԷԽԱ

Այս ի՞նչ է, Դայա:— Ինչե՞ շուտ գընաց:—  
Ի՞նչ պատահեցաւ:— Ի՞նչն է այստեղից  
Հալածում նորան:

ԴԱՅԱ

Թողէք, թողէք գնայ:  
Ես կարծում եմ, որ դա վատ նշան չէ:

ՐԷԽԱ

Նշան, ի՞նչ բանի:

ԴԱՅԱ

Որ նորա ներսը

Բան է պատահում: Այնտեղ երուում է,  
Միայն չափը չանցնի: Թողէք նորան գնայ:  
Հիմա ձեր հերթն է:

ՐԷԽԱ

Ի՞նչպէս եմ հերթն է

Դու էլ նորա պէս դառնում ես հիմա  
Անհասկանալի:

ԴԱՅԱ

Հիմա կարող էք

Նորան փոխարէնը հատուցանել  
Անհանդատութեան համար, որով նա  
Չարչարում էր ձեզ: Միայն մի՛ լինիք  
Անչափ խոստափրտ, անչափ վրէժխնդիր:

ՐԷԽԱ

Ասածդ միայն դու ես հասկանում:

ԴԱՅԱ

Ուրեմն հիմա էլի հանդիստ էք:

ՐԷԽԱ

Այո՛ հանդիստ եմ, հանդիստ եմ...  
ԴԱՅԱ

Գ.ՅՆԵԱ

Խոստովանեցէք, որ դուք ուրախ էք  
Տեսնելով նորա անհանդատութիւնն,  
Եւ որ հանդիստ էք, որովհետեւ նա,  
Նա անհանդիստ է:

ՐԷԽԱ

Այդ չեմ հասկանում:

Միայն մի բան կայ, որ ես կարող եմ  
Քեզ խոստովանել.— ես զարմանում եմ  
Ինչպէս այնպիսի փոթորկից յետոյ  
Յանկարծ սրտիս մէջ խաղաղութիւն է:  
Նորա հայեացքը, նորա խօսքերը  
Նորա ընթացքն ինձ...  
ԴԱՅԱ

ԴԱՅԱ

Արդէն կշտացրին:

ԲԷԻԱ

Ո՛չ, այդ չեմ ուզում ասել — ոչ այդ չե՛

ԴԱՅԱ

Առաջին քաղցր միայն հանդարտեցրին:

ԲԷԻԱ

Այո՛, եթէ որ այդպէս ես ուզում:

ԴԱՅԱ

Չէ, այդ չեմ ուզում:

ԲԷԻԱ

Նա միշտ ինձ համար

Թանկագին կլինի. նա միշտ ինձ համար

Կեանքիցս աւելի թանկագին կը մնայ.

Թէպէտ լսելով նորա անունը

Երակս արդէն էլ չէ փոփոխվում.

Թէպէտ, երբ նորա վրայ մըտածում եմ

Սիրտս այնպէս շուտ և այնպէս սաստիկ

Ել չէ բարախում: — Ի՞նչեր եմ ասում:

Եկ, Ինչո՛ւ, զընանք պատուհանի մօտ,

Որ արմաւենիներին է նայում:

ԴԱՅԱ

Ուրեմն դեռ ևս բոլորովին

Չէ հանդարտուել ձեր առաջին քաղցր:

ԲԷԻԱ

Արմաւենիքն էլ կը տեսնեմ հիմա

Եւ ոչ թէ միայն նորան նոցա տակ:

ԴԱՅԱ

Այդ սառնութեանը պիտի հետևի

Անշուշտ մի նոր ջերմ:

ԲԷԻԱ

Ո՞ւր է սառնութիւն:

Ոչ ես սառը չեմ: Հաւատա, պակաս

Բաւականութեամբ չեմ տեսնում, ինչ որ

Այժմ անվրդով սրտով տեսնում եմ:

### ՉՈՐՐՈՐԴ ԵՐԵՒՈՅԹ

մի դահլիճ սաշադիւնի պաշարում:

ՍԱԼԱԳԻՆ և ՋԻՏՏԱ

ՍԱԼԱԳԻՆ

(Մտնելով ասում է դռան մէջ.)

Այստեղ կը բերէք հրէային, երբ գայ:

Նա շատ չէ շտապում, ինչպէս տեսնում եմ:

ՋԻՏՏԱ

Անշուշտ տանը չէր և շուտ չը գտան:

ՍԱԼԱԳԻՆ

Ի՞նչ, քոյր:

ՋԻՏՏԱ

Կարծես թէ մի ճակատամարտ

Սպասում լինի քեզ:

ՍԱԼԱԳԻՆ

Եւ պիտի կռուիմ

Այնպիսի զէնքով, որ ես գործածել

Չեմ սովորել երբէք, կեղծաւորութեամբ,

Խորամանկութեամբ, դարան գործելով

Եւ խաբէութեամբ: Ե՛րբ և կամ ի՞նչտեղ

Սովորել եմ այդ: — Եւ ինչի՞ պիտի

Անեմ այդ բանը, ինչի՞, հարցնում եմ: —

Որ փող որսամ, փող: — Որ մի հրէայից

Փող դուրս քաշեմ, փող: Մի՞թէ վերջապէս

Այն տեղն եմ հասել, որ ես այդպիսի

Չնչին հնարքներով պէտք է աշխատեմ

Ամենաչնչին բանը ձեռք բերել:

ՋԻՏՏԱ

Փոքր բաները արհամարհողը

Պատժվում է, եղբայր:

ՍԱԼԱԳԻՆ

Ափսոս, այդպէս է:

Եւ եթէ իրաւ բարի ու խելօք  
Մարդ է այդ հրէան, ինչպէս պատմել է  
Առաջ Ալ-Հաֆին:

ՁԻՏՏԱ

Այն ժամանակը

Եւ ինչ հոգս ունինք: Ժըլատ, կասկածօտ,  
Երկչոտ հրէայի համար է միայն  
Սարգած դարանը, բարի ու խելօք  
Մարդու համար չէ: Կա արդէն մերն է  
Առանց դարանի: Բացի դորանից  
Կունենաս և մի բաւականութիւն  
Լսել, թէ ինչպէս այդպիսի մարդը  
Կրպատասխանէ. արդեօք որպիսի  
Համարձակութեամբ կրկտրտէ նա  
Յանցի թելերը, և կամ զգուշութեամբ  
Կանցնի մօտովը:

ՍԱԼԱԳԻՆ

Այդ ճշմարիտ է:

Ես այդ բանին շատ ուրախ կըլինիմ:

ՁԻՏՏԱ

Ուրեմն ինչ ունիս դժուարանալու,  
Որովհետեւ, թէ շատերի նման  
Նա էլ հրէայ է, միայն հրէայ է,  
Ի հարկէ որ դու ամաչելու չես  
Երեւի նորան այնպէս, ինչպէս որ  
Նորա կարծիքով են բոլոր մարդիկ:  
Ընդհակառակը ով որ իրան լաւ  
Ցոյց կըտայ նորան, այնպիսին նորա  
Աչքին կերեւի իբրև խեղկատակ,  
Իբրև մի յիմար:

ՍԱԼԱԳԻՆ

Ուրեմն պէտք է

Ե՞ս էլ վատ վարուիմ, որ վատն իմ մասին  
Վատ չըմտածէ:

ՁԻՏՏԱ

Այո՛, ի հարկէ,

Թէ քո կարծիքով նշանակում է  
Վատ վարուիլ, կրբ որ մարդ ամեն բանից  
Իրան համեմատ օգուտ է քաղում:

ՍԱԼԱԳԻՆ

Ե՞րբ չէ իմացել կինը զարդարել  
Իւր մօքի ծնունդը:

ՁԻՏՏԱ

Չարդարե՞լ. ինչպէս:

ՍԱԼԱԳԻՆ

Ես վախենում եմ, որ այդ նուրբ բանը  
Գուցէ կտորուի իմ կոշտ ձեռի մէջ:—  
Այդ բանը պէտք է կատարուի այնպէս,  
Ինչպէս հնարուեցաւ. խորամանկութեամբ  
Եւ ճարտարութեամբ:—Բայց թող, ինչ անենք:  
Պար կըզամ, ինչպէս որ իմանում եմ.  
Եւ ի հարկէ, որ, աւելի լաւ է  
Վատ պար դամ, քան լաւ:

ՁԻՏՏԱ

Այ՛, մի՛ կասկածիր

Կու այդպէս քեզ վրայ: Ինքս քեզ համար  
Երաշխաւոր եմ: Միայն թէ կամենաս:—  
Չարմանայի է, որ քեզ պէս մարդիկ  
Աշխատում են միշտ հաւատացնել մեզ,  
Թէ միայն սըքով են նոքա այնքան  
Առաջ գընաղել: Արիւ՞ծն ի հարկէ  
Ամաչում է, կրբ նա որս է անում  
Մի աղուէսի հետ, բայց ամաչում է  
Նորանից ոչ թէ, որ նա աղուէս է,  
Այլ որ խորամանկ:—

ՍԱԼԱԳԻՆ

Ինչպէս սիրում են

Կանայք այր մարդկանց բերել իրանց հետ

Հաւաստեցնել:— Դընան:— Յոյս ունիմ,  
Որ ես իմ դասը լաւ կը կատարեմ:

ՁԻՏՏԱ

Ես զընամ:

ՍԱԼԱԴԻՆ

Այո: Մի՞թէ ուզում ես

Դու այստեղ մընալ:

ՁԻՏՏԱ

Եթէ ոչ այստեղ....

Ձեզ մօտ— գոնեա այս կից սենեակում:—

ՍԱԼԱԴԻՆ

Որ ախանջ զընես: Ո՛չ, քոյր, այնտեղ էլ

Անկարելի է. կըխանդարես ինձ:—

Դընան, շուտ զընա, ահա շարժվում է

Վարագոյրը, նա արդէն զալիս է:—

Բայց ախանջ չըզնես: Կըզամ կըտեսնեմ:

(Այն ինչ Ձիտտան զուրս է գնում մի դռնով, միստով մանում է Նաթանը,  
և Սալադինը նստում է:)

### ՀԻՆԳԵՐՈՐԴ ԵՐԵՒՈՅԹ

ՍԱԼԱԴԻՆ և ՆԱԹԱՆ

ՍԱԼԱԴԻՆ

Մօտ, մօտ եկ, հրէայ. — Բողբովին մօտ:

Առանց երկիւղի:

ՆԱԹԱՆ

Երկիւղը մընայ

Թշնամիներիդ:

ՍԱԼԱԴԻՆ

Դո՛ւ ես Նաթանը:

ՆԱԹԱՆ

Այո, ես եմ:

ՍԱԼԱԴԻՆ

Եւ իմաստուն Նաթան

ՆԱԹԱՆ

Ո՛չ:

ՍԱԼԱԴԻՆ

Գիտեմ, դու չես քեզ այդպէս կանչում

Այլ ժողովուրդը:

ՆԱԹԱՆ

Այդ կարելի է,

Որ ժողովուրդը:

ՍԱԼԱԴԻՆ

Չըկարծես, թէ ես

ժողովուրդի ձայնն արհամարհում եմ:—

Վաղուց ուզում եմ ես ծանօթանալ

Այն այր մարդու հետ, որին իմաստուն

Անուն են տուել:

ՆԱԹԱՆ

Բայց թէ դորանով

Ծաղրում են նորան. թէ ժողովուրդի

Բերնում իմաստուն նշանակում է

Միմիայն խելօք, իսկ խելօք է նա,

Ո՛վ իւր օգուտը լաւ ճանաչում է:

ՍԱԼԱԴԻՆ

Ճշմարիտ օգուտն, ուզում ես ասել:

ՆԱԹԱՆ

Այն ժամանակը ամեն շահասէր

Կըլիներ խելօք. և այն ժամանակ

Խելօք, իմաստուն նոյնը կըլինէր:

ՍԱԼԱԴԻՆ

Ահա դու ինքդ հաստատում ես այն,

Ինչ որ հերքում ես:— Դու ճանաչում ես,

Ինչ որ ճշմարիտ օգուտ է մարդուն,

Բայց ժողովուրդը այդ չէ ճանաչում:

Գոնէ ճանաչել աշխատել ես դու,

Գոնէ մրտաձել ես դորա վերայ.

Գորանով արդէն իմաստուն ես դու:

ՆԱԹԱՆ

Ամեն մարդ իրան այդպէս է կարծում:

ՍԱԼԱԳԻՆ

Դէ՛հ, հերիք է այդ համեստութիւնը:

Ինձ զգուեղի է միշտ նոյնը լսել

Երբ պահանջում եմ միմիայն զուտ, սպարդ

Բանականութիւն:

(Տեղից վեր կենալով:)

Դէ՛հ, մեր գործին զանք:

Բայց անկեղծ խօսիր, սեւ, հրէայ, անկեղծ:

ՆԱԹԱՆ

Սուլթան, պատրաստ եմ այնպէս ծառայել,

Որ և յետոյ էլ արժանի մընամ

Քո ծանօթութեան:

ՍԱԼԱԳԻՆ

Ծառայել, ի՞նչպէս:

ՆԱԹԱՆ

Ինձնից կրտսանաս ամենալաւը,

Ինչ որ ունիմ ես, և աժան գընով:

ՍԱԼԱԳԻՆ

Ի՞նչպէս, ապրանքիդ մասին է խօսքդ:

Քոյրս կըզնէ:—

(Մի կողմը:)

Թող ականջ դընէ:—

(Նախանձ:)

Վաճառականի հետ գործ չունիմ ես:

ՆԱԹԱՆ

Ապա անկասկած կամենում ես դու

Իմանալ արդեօք ինչ եմ նկատել

Իմ ճանապարհին թշնամու մասին,

Որ նորից սկսել է զլուխ բարձրացնել:—

Ուղիղը ասեմ....

ՍԱԼԱԳԻՆ

Ո՛չ, գորա համար

Չեմ դիմում ես քեզ: Այդ մասին արդէն

Գիտեմ, որքան որ հարկաւոր է ինձ—

Կարձ ասեմ:—

ՆԱԹԱՆ

Սուլթան, հրամայիր:

ՍԱԼԱԳԻՆ

եւ քեզ

Ուզում եմ հարցնել մի բոլորովին

Այլ բանի մասին:— Որովհետեւ դու

Իմաստուն մարդ ես, ասա ուրեմն

Սրբեօք ո՞ր կրօնը և ո՞ր օրէնքը—

Համարում ես դու ամենալաւը:

ՆԱԹԱՆ

Սուլթան, դու գիտես, որ ես հրէայ եմ:

ՍԱԼԱԳԻՆ

Ես էլ մուսուլման, և քրիստոնէան էլ

Մեր մէջն է կանգնած:— Անշուշտ այս երեք

Կրօններից մէկը է ճշմարտորդ:—

Քեզ նման մէկը չի մընայ այնտեղ,

Ուր պատահարար աշխարհ է եկել.

Իսկ եթէ մընայ անշուշտ կունենայ

Իւր համոզմունքը, իւր պատճառները:

Ուրեմն ասան քո համոզմունքը,

Ասան, իմանամ այն պատճառները,

Որոնց քննելու համար ժամանակ

Չեմ ունեցել ես: Թող իմանամ ես

Քո ընտրութիւնը, որ հաստատուած է

Այդ հիմքերի վրայ, որ կարողանամ

Ես էլ ընդունել:— Ի հարկէ, որ այս

Մեր մէջ կըմնայ:— Ի՞նչ ես զարմանում:

Ի՞նչ ես աչքերով այդպէս քննում ինձ:—

Գուցէ առաջին սուլթանն եմ, Նախան,



Որ մի այսպիսի հաճոյք է յայտնում.  
Յոյս ունիմ, որ այդ ինձ անվայել չէ  
Իբրև սուլթանի:— Այնպէս չէ:— Խօսիր.—  
Գուցէ մի վայրկեան ուզում ես մտածել,  
Լաւ համաձայն եմ:—

(Ինքն իրան.)

Արդեօք Ձիտտան մեզ

Ահանջ է դրնում: Գնամ հարցնեմ

Արդեօք գոհ է ինձանից:—

(Նախանիւն.)

Գէհ, շուտ մտածիր

Շատ չեմ ուշանայ, իսկոյն յետ կրգամ:

(Նա գնում է այն սենեակը, որի մէջ մտաւ Ձիտտան.)

### ՎԵՑԵՐՈՐԴ ԵՐԵՒՈՅԹ

ՆԱԹԱՆ (մէնակ.)

Հմ, հմ—այ զարմանք:— Այս ի՞նչ կողաւ ինձ:—  
Ի՞նչ է կամենում սուլթանը ինձանից:  
Ես սպասում էի, որ փող կուզէ նա,  
Իսկ նա ինձանից—ձշմարտութիւն է  
Պահանջում, այն էլ—կանխիկ և փայլուն,—  
կարծես թէ դրամ է ձշմարտութիւնը:—  
Հա, եթէ դոնէ լինէր հին դրամ,  
Որի քաջ մեզ արդէն յայտնի է:—  
Ձշմարտութիւնը անշուշտ նոր դրամ չէ,  
Որ միայն իւր դրոշմից ճանաչում ենք մենք,  
Որ մարդ կարող է իսկոյն համարել:  
Մի՞թէ դիտի մէջ այնպէս են լինում  
Ձշմարտութիւնը, ինչպէս քսակի մէջ  
Լցնում են փողը: Ուրեմն ո՞վ է  
Մեզանից հրէան, արդեօք նա, թէ ես:—  
Բայց ձշմարտութիւն է արդեօք ինձանից  
Իրաւ պահանջում:— Թէ և շատ ստոր է  
կասկածել, թէ նա ձշմարտութիւնը  
Ուզում է իբրև դարան գործ դնել:—

Շատ ստոր:— Բայց ի՞նչն է մեծի համար ստոր:—  
Անշուշտ այդպէս է. նա այնպէս յանկարծ  
Ներս ընկաւ իմ տուն: Չէ որ նախ դուռը  
Ծեծում է, ով որ մօտենում է մեզ  
Իբրև բարեկամ:— Պէտք է զգոյշ լինիմ:—  
Բայց ի՞նչպէս անեմ:— Պինդ հրէայ լինել,—  
Անկարելի է— և ամենևին  
Հրէայ չըլինել— աւելի ևս:  
Որովհետև, թէ հրէայ չըլինիմ,  
Կարող է հարցնել, ինչի՞ ուրեմն  
Մուտուման չեմ ես:— Շատ լաւ է: Այդ ինձ  
Կարող է փրկել:— Առաջնորդ  
Մանուկներին չեն միայն կերակրում:—  
Ահա՛ դպիս է: Շատ լաւ է, թող դայ:

### ԵՐԵՒՈՅԹ ԵՐԵՒՈՅԹ

ՍԱԼԱԴԻՆ և ՆԱԹԱՆ

ՍԱԼԱԴԻՆ (ինքն իրան.)

Ուրեմն այստեղ դաշտը մաքուր է:—

(Նախանիւն)

Ես կարծում եմ, որ շատ շուտ չեկայ ես.  
Եւ դու բոլորը լաւ մրտածեցիր:  
Ուրեմն խօսիր: Այստեղ մեզ ոչ ոք  
Կարող չէ լսել:

ՆԱԹԱՆ

Երանի լըսէր

Բոլոր աշխարհը:

ՍԱԼԱԴԻՆ

Այդքան վտաճ ես

Ուրեմն քեզ վրայ: Այո՛, այդ իրաւ  
Իմաստութիւն է. կրթէք չըծածկել  
Ձշմարտութիւնը, և նորա համար  
Ամեն բան զոհել. թէ կեանք, թէ ստացուածք:

ՆԱԹԱՆ

Այ՞ն, եթէ որ այդ հարկաւոր է,  
եթէ օգուտ է:

ՍԱԼԱԳԻՆ

Այսուհետեւ ես  
Անշուշտ իրաւունք կունենամ կրթել  
իմ տիտղոսներից նոյնպէս այս մէկը.  
Աշխարհ և օրէնք բարւոքող:

ՆԱԹԱՆ

Իրան,  
Գեղեցիկ տիտղոս:— Բայց, սուլթան, թոյլ տուր,  
Նախ քան կրքանամ սիրտս քո առաջ,  
Մի առակ պատմեմ:

ՍԱԼԱԳԻՆ

Շատ լաւ, ինչք՞ չէ:  
Այլև առակներ շատեմ սիրում ես,  
Երբ լաւ են պատմում:

ՆԱԹԱՆ

Երբ լաւ են պատմում:  
Ափսոս հըմուտ չեմ ես այդ բանի մէջ:

ՍԱԼԱԳԻՆ

Ի՞նչ, էլի այդպէս մեծամիտ համեստ—  
Ի՞նչ, պատմիր, պատմիր:

ՆԱԹԱՆ

Շատ տարի առաջ արեւելքումը  
Ապրում էր մի մարդ, որ մի թանկագին  
Մատանի ընծայ ստացել էր իրան  
Սիրելի անձից: Քարն էր մի օպալ,  
Որ բիւր գեղեցիկ գոյներով խաղում,  
Եւ ունէր իւր մէջ ծածուկ զօրութիւն,  
Աստծուն և մարդկանց հաճելի անել,  
Ով որ այդ յուսով կրթում էր մատին:  
Ուրեմն ի՞նչ զարմանք, որ այդ պատճառով  
Արեւելքիակ այն մարդը երբէք

Մտտից հեռացնում չէր այն մատանին,  
Եւ կարգադրութիւն արեց յաւիտեան  
Պահել իւր տան մէջ: Ահա այս կերպով  
Մատանին թողեց նա իւր ամենից  
Սիրելի որդուն և կրտակ արեց,  
Որ սա էլ նոյնպէս յանձնէ այն որդուն  
Որին աւելի սիրում կը լինի.  
Եւ միշտ ամենից սիրելի որդին,  
Առանց նայելու նորա հասակին.  
Միայն մատանու զօրութեամբ լինի  
Տան տէրն ու մեծը:— Հասկացիր, սուլթան:

ՍԱԼԱԳԻՆ

Ես հասկանում եմ: Ի՞նչ շարունակիր:

ՆԱԹԱՆ

Եւ այսպէս որդոց որդի անցնելով  
Վերջապէս հասաւ մատանին մի հօր,  
Որ ունէր երեք որդի: Երեքն էլ  
Հաւասար հնազանդ էին միշտ նորան,  
Եւ հետեւաբար ինքն էլ հաւասար  
Սիրում էր նոցա: Միայն երբեմն  
Սա, երբեմն նա, երբեմն երրորդը—  
Նայելով որն էր նոցանից լինում  
Մէնակ նորա հետ և միւս երկուսի  
Բացակայութեամբ առանձին յայտնում  
Հօրը իւր սէրը— թվում էր նորան  
Աւելի, քան թէ միւս երկու որդին  
Արժանի ստանալ այն թանկ մատանին,  
Որ և առանձին խոստանում էր նա  
Իւրաքանչիւրին: Այդ բանը այսպէս  
Շարունակուեցաւ— մինչև մեռնելու  
Ժամանակն եկաւ, և բարի հայրը  
Տարակուսեցաւ: Նա շատ ցաւում է,  
Որ պէտք է զրկէ իւր երկու որդուն,  
Որոնք իւր խոստմանը հաւատացին:—  
Ի՞նչ պէտք է անէր:— Ծածուկ կանչում է

Իւր մօտ մի վարպետ, որին յանձնում է  
 Իւր մատանու պէս երկուսը շինել,  
 Եւ պատուիրում է չըխնայել ոչինչ  
 Ծախս և աշխատանք, որ բոլորովին  
 Նման լինին իւրին: Այդ յաջողում է  
 Վարպետին: Երբ որ մատանիները  
 Բերում է հօր մօտ, ինքը հայրն անդամ  
 Չէ կարողանում որոշել, ո՞րն է  
 Իւր իսկականը: Ուրախ կանչում է  
 Իւր որդիերանցը իւրաքանչիւրին  
 Առանձին իւր մօտ, իւրաքանչիւրին  
 Առանձին տալիս իւր օրհնութիւնը  
 Եւ իւր մատանին, — ապա մեռնում է: —  
 Լսում ես, սուլթան:

ՍԱԼԱԴԻՆ

Լսում եմ, լսում: —

Շարունակիր և շուտով վերջացրու  
 Դու քո առակը:

ՆԱԹԱՆ

Արդէն վերջացրի:

Մնացածն ինքն իրան հասկանալի է: —  
 Հազիւ թէ հայրը հոգին աւանդեց,  
 Որ ամեն մէկը ահա դալիս է  
 Իւր մատանիով և ուզում է տան  
 Եշխանը լինել: — Սկսում են քննել,  
 Վիճել, զանգատել: Ի զմէր. ոչ մէկը  
 Չէ կարողանում ապացուցանել  
 Թէ իւր մատանին է իսկականը: —

(Կարճ ժամանակ լուռ է սպասելով սուլթանի պատասխանին:)

Համարեա այնպէս, ինչպէս որ և մենք  
 Հիմա չենք կարող ապացուցանել,  
 Թէ արդեօք ո՞րն է ուղիղ հաւատը:

ՍԱԼԱԴԻՆ

Ի՞նչ: Մի՞թէ, Նաթան, այդ պիտի լինի  
 Հարցիս պատասխան....

ՆԱԹԱՆ

Դորանով միայն

Ուզում եմ խնդրել ևս ներողութիւն,  
 Որ վստահանում չեմ զանագանել  
 Մատանիները, որոնց այն մտքով  
 Շինել տուեց հայրը, որ մէկը միւսից  
 Չը զանագանուի:

ՍԱԼԱԴԻՆ

Մատանիները: —

Ի՞նչ ես դու ինձ հետ բառերով խաղում: —  
 Ես կարծում եմ, որ այն կրօնները,  
 Բրոնց յիշեցի, անշուշտ իրարից  
 Չանագանվում են նոյն իսկ հանդերձով  
 Եւ կերակուրով:

ՆԱԹԱՆ

Այո՛, միայն ո՛չ

Իրանց հիմքերով: — Չէ՞ որ բոլորն էլ  
 Պատմութեան վերայ են հիմնած, որ մեզ  
 Հասել է զըրով կամ աւանդութեամբ: —  
 Չէ՞ որ պատմութեան պէտք է հաւատանք: —  
 Այնպէս չէ: — Մենք որոնց սիրոյ  
 Եւ հաւատի վրայ աւելի պահաս  
 Կասկած ենք յայանում, եթէ ոչ մերոնց,  
 Որոնց արիւնն ենք, որոնք մեր մանուկ  
 Օրերից սկսած ապացուցել են  
 Մեզ իրանց սէրը, որոնք մեզ երբէք,  
 Երբէք խաբել չեն, եթէ աւելի  
 Փրկարար չէր մեզ խաբուած լինելը: —  
 Ի՞նչպէս կարող եմ ես իմ հայրերին,  
 Պահաս հաւատալ, քան թէ որքան դու  
 Ինքդ հաւատում ես քո հայրերին:  
 Կամ թէ կարող եմ պահանջել քեզնից,  
 Որ դու սուտ հանես քո նախորդներին,  
 Որ համաձայնիս նախորդներիս հետ:  
 Քրիստոնեաների մասին էլ նոյնը

Կարող ենք ասել: Այնպէս չէ, սուլթան:—

ՍԱԼԱԴԻՆ (ինքն իրան.)

Անմահ Աստուածը վրկայ, այս մարդը  
Ուղիղ է ասում: Ես պիտի լուեմ:

ՆԱԹԱՆ

Բայց դառնանք կրկին մեր մատանու վրայ:  
Ինչպէս ասացի, որդիքն իրար վրայ  
Գանդատ յայանեցին և ամեն մէկը  
Երգմամբ հաստատում էր դատաւորին,  
Թէ անմիջապէս հօրից է ստացել  
Նա իւր մատանին— որ ճմարիտ է—  
Թէ արդէն վաղուց խօսք ունէր հօրից,  
Որ ժամանակով պիտի վայելէր  
Նա այն մատանու արտօնութիւնը:—  
Այդ էլ ուղիղ է: — Հայրը չէր կարող,  
Ամեն մէկն այսպէս հաւատացնում էր,  
Այդ խարդախութիւնն անել նորա դէմ.  
Եւ առաջ քան թէ այդպիսի կասկած  
Կրտանէ նա իւր սիրելի հօր վրայ,  
Աւելի շուտով պէտք է մեղադրէ  
Խարդախութեան մէջ իւր եղբայրներին,  
Թէև ունեցել չէ նոցա մասին  
Երբէք վատ կարծիք. և թէ անպատճառ  
Արդէն կրգանէ նա դաւաճանին  
Եւ իւր վըրէժը կառնէ նորանից:

ՍԱԼԱԴԻՆ

Բայց դատաւորը:— Ես անհամբեր եմ  
Լսել, թէ արդեօք ինչ պիտ' ասել տաս  
Դու դատաւորին: Դէ՛հ, ասա՛ տեսնեմ:

ՆԱԹԱՆ

Դատաւորն ասաց. «Թէ տեղն ու տեղը  
Չէք բերի իսկոյն ինձ մօտ ձեր հօրը,  
Ապա կարտաքսեմ ձեզ իմ ստեանից:  
Մի՛թէ կարծում էք, թէ ես նստած եմ  
Այստեղ, որ մեկնեմ ձեր առաջարկած

Հանելուկները: Կամ թէ սպասում էք  
Մինչև իսկական մատանին ինքը  
Բերանը բանայ:— Բայց կացէք: Չէ՞ որ  
Լսեցի ձեզնից, որ այն մատանին  
Ունի հրաշայի զօրութիւն իւր մէջ,  
Աստուծոյ և մարդկանց առաջ սիրելի  
Անել իւր սիրող: Այդ պէտք է վճռէ,  
Որովհետև սուս մատանիները  
Չունին իրանց մէջ այդ զօրութիւնը:—  
Դէ՛հ այժմ ասացէք, ձեզնից երկուսը  
Ո՞րին աւելի սրտով սիրում էք:—  
Դէ՛հ, ասացէք, է: Ինչն էք լուում:  
Մատանիներ ազդում են միայն  
Տէրերի՞ և ոչ ուրիշների՞ վրայ:  
Եւ ամեն մէկը ձեզանից միայն  
Ինքը իւր անձն է աւելի սիրում:—  
Ապա ուրեմն երեքդ էլ խաբուած  
Խաբեբաներ էք. եւ ձեր երեքի  
Մատանիներն էլ իսկականը չեն:  
Անշուշտ իսկական մատանին կորաւ,  
Եւ այդ կորուստը ծածկելու համար  
Նորա փոխարէն հայրը շինել տուեց  
Ուրիշ երեքը:

ՍԱԼԱԴԻՆ

Հիանալի է,

Հիանալի է:

ՆԱԹԱՆ

Ուրեմն եթէ,

Այսպէս դատաւորը շարունակեց,  
Վճռիս փոխանակ չէք ուզում լսել  
Դուք իմ խորհուրդը, գնացէք այստեղից:—  
Իսկ խորհուրդս այս է: Դուք ամեն մէկդ  
Բաւակամացէք ձեր ունեցածով  
Եթէ ձեր հօրից էք ստացել դուք ձեր  
Մատանիները, թող ամեն մէկը  
Չեզնից հաւատայ, թէ իւր մատանին

է իսկականը:—Գուցէ ուզում էր  
 Հայրն այն մատանու բռնութիւնը իւր  
 Տանից վերացնել:—Անշուշտ սիրում էր  
 Նա երեքիդ էլ հաւասար սիրով,  
 Որ չէր կամենում թող տալ, որ մէկը  
 ձնչէ երկուսին:—Ուրեմն ձեզնից  
 Թող ամեն մէկը աշխատի սիրել  
 Անկեղծ և առանց նախապաշարման  
 Մնացած երկուսին: Թող ամեն մէկը:  
 Ձեզանից ձգտի, որ իւր մատանու  
 Քարի զօրութիւնն երևան հանէ,  
 Եւ այդ զօրութեան օգնական լինի  
 Նա իւր հեղութեամբ, խաղաղ սիրութեամբ,  
 Անկեղծ, ջերմեռանդ անձնուիրութեամբ  
 Առ Աստուած: Եւ թէ ձեր թողնելի մէջ  
 Մի օր կը յայտնուի զօրութիւնը ձեր  
 Մատանիների, ասլա շատ հազար  
 Տարիներից յետ կրկին կը կանչւի  
 Ձեզ այս ատեանը, ուր այն ժամանակ  
 Այս աթոռի վրայ նստած կը լինի  
 Ինձնից աւելի իմաստուն մի մարդ  
 Եւ վրձիւ կը տայ: Հիմա զընացէք:—  
 Ահա ինչ ասաց դատաւորն համեստ:

ՍԱԼԱԴԻՆ

Աստուած իմ, Աստուած:

ՆԱԹԱՆ

Սալադին, եթէ  
 Զգում ես, որ դու ես մեզ խոստացած այն  
 Իմաստուն մարդը....

ՍԱԼԱԴԻՆ

(վազում է նորա մօտ և բռնում է նորա ձեռը, որ մինչև վերջը էլ չէ թողնում:)

Ե՞ս: Ո՛չ, ես հոգեմ,  
 Ո՛չինչ եմ, Աստուած:

ՆԱԹԱՆ

Ի՞նչ է, ի՞նչ եղաւ

Քեզ, սուլթան:

ՍԱԼԱԴԻՆ

Նախն, սիրելի՛ Նախն:—

Քո դատաւորի խոստացած հազար  
 Տարիները դեռ ես չեմ անցել:  
 Նորա աթոռը իմ աթոռը չէ:—  
 Գնա՛, Նախն, — միայն բարեկամս եղի՛ր:

ՆԱԹԱՆ

Ել ուրիշ ոչինչ չունէ՞ր ասելու  
 Ինձ Սալադինը:

ՍԱԼԱԴԻՆ

Ել ոչինչ:

ՆԱԹԱՆ

Ոչե՛նչ:

ՍԱԼԱԴԻՆ

Ոչինչ:— Բայց ի՞նչ կայ:

ՆԱԹԱՆ

Ես սպասում էի

Պատեհ զիպուածի, որ յայտնեմ, սուլթան,  
 Քեզ եմ խնդիրքը:

ՍԱԼԱԴԻՆ

Ի՞նչ զիպուած պէտք է

Խնդրելու համար:— Ասա խնդիրքդ:

ՆԱԹԱՆ

Նոր եմ յետ դառել հեռու տեղերից,  
 Ուր զնացել էի պարտքեր ժողովելու:—  
 Պատրաստի դումար շատ ունիմ ձեռիս:  
 Ժամանակն այժմ կասկածելի է,—  
 Եւ ես չըզիտեմ, ինչտեղ կարող եմ  
 Ապահով կերպով պահել իմ փողը:—

Եւ այդ պատճառով կարծում էի ես—  
Որովհետեւ մօտ է պատերազմը —  
Գուցէ հարկաւոր լինի քեզ փողս:

ՍԱԼԱԴԻՆ

(Սուր աչքով նայելով նորան.)  
Նախժան—չեմ ուզում իմանալ արդեօք  
Արդէն եկել է քեզ մօտ Ալ-Հաֆին—  
Չեմ ուզում քննել թէ ինչ առանձին  
Կասկած ստիպում է քեզ, որ այդ բանը  
Առաջարկես ինձ:

ՆԱԹԱՆ

Ի՞նչ կասկած, սուլժան:

ՍԱԼԱԴԻՆ

Ես արժանի եմ այդ բանին:—Ներքի—  
Ի՞նչ օգուտ: Պէտք է խոստովանիմ քեզ,—  
Որ միտք ունէի—

ՆԱԹԱՆ

Մի՞թէ նոյն բանը

Պահանջել ինձնից:

ՍԱԼԱԴԻՆ

Այո՛:

ՆԱԹԱՆ

Ուրեմն

Այդ մեզ երկուսիս էլ շատ յարմար է:  
Բայց որ չեմ կարող բոլոր պատրաստի  
Փողերը քեզ տալ, դորս պատճառն է  
Մի երիտասարդ տաճարական, որ  
Քեզ էլ յայտնի է: Ես պարտաւոր եմ  
Մի նշանաւոր գումար տալ նորան:

ՍԱԼԱԴԻՆ

Ի՞նչ տաճարական: Մի՞թէ ուզում ես

Քո փողով օգնել դու իմ ռիսերիմ  
Թշնամիներին:

ՆԱԹԱՆ

Իմ խօսքը միայն  
Նորա մասին է, որի կեանքը դու  
Ինքդ խնայեցիր....

ՍԱԼԱԴԻՆ

Ա՛խ, այդ ինչ ես դու  
Իմ միտք բերում:—Ես բոլորովին  
Մոռացել էի այն երիտասարդ  
Մարդուն:—Ուրեմն ճանաչում ես դու  
Նորան:—Ո՞ւր է նա:

ՆԱԹԱՆ

Մի՞թէ չըզիտես,  
Որ նորան ցոյց տուած ողորմութիւնդ  
Նորա միջոցով եկաւ և ինձ վրայ:  
Նա վտանգի մէջ ձգեց իւր հազիւ  
Խընայած կեանքը, և իմ աղջկան  
Ազատեց կրակից:

ՍԱԼԱԴԻՆ

Նա՛, նա՛ այդ արեց:—  
Կերպարանքից էլ երևում էր այդ:  
Անշուշտ եղբայրս էլ, որին նա նման է,  
Նոյն բանը կանէր:—Գեռ այստե՞ղ է նա:  
Ուրեմն ինձ մօտ բեր:—Ես այնքան շատ բան  
Պատմել եմ քրոջս իւր եղբօր մասին,  
Որ պէտք է նորան վերջապէս ցոյց տամ  
Եւ նմանատիպը:—Գընա՛ բեր նորան:—  
Եւ այսպէս ահա՛ մի բարի գործին,  
Թէ և լոկ կըքի ծընունդ լինի դա,  
Հետևում են այլ շատ բարի գործեր:  
Դէ՛հ, զնա՛ բեր նորան:

ՆԱԹԱՆ

(Թողնելով Սալադինի ձեռք.)

Իսկոյն:—Ի հարկէ

Միւս բանին նոյնպէս համաձայն ես դու:

(Դուրս է գնում:)

ՍԱԼԱԴԻՆ

Ափսոս, որ քրոջս չըթողի լսել:—

Գնամ, գնամ նորա մօտ:— Բայց ի՞նչպէս արդեօք

Պատմեմ ես նորան բոլոր լսածս:

(Դուրս է գնում ուրիշ կողմից:)

ՈՒԹԵՐՈՐԻ ԵՐԵՒՈՅԹ

արմաւենիների տակը վանքի մօտ, ուր  
տաճարականը սպասում է նաքանին:

ՏԱՃԱՐԱԿԱՆ

(Բաւական ժամանակ վրդոված ման է գալիս յետ ու առաջ, մինչև վեր-  
ջապէս կանգնում է և սկսում է խօսել:)

— Յոգնած ողջակէզն այստեղ կանգնում է:—

Շատ լաւ: Չեմ ուզում, այո՛ չեմ ուզում

Գիտենալ, ինչ է կատարվում իմ մէջ.

Ոչ էլ ուզում եմ գուշակել, թէ ինչ

Պիտի կատարուի:— Այսքան հերիք է,

Որ ի զուր փախայ, ի զուր փախայ ես:—

Բայց ի՞նչ անէի, որ չըփախէի:—

Թող ինչ ուզում է հիմա պատահի:—

Հարուածը այնքան արագ էր, որ ես

Չըկարողացայ մի կողմը քաշուիլ,

Չընայելով, որ այնքան ժամանակ

Աշխատում էի, որ ինձ չըդիպէի:—

Տեսնել այն աղջկան, որին տեսնելը

Ինձ ամենեւին չէր գրաւում առաջ.

Տեսնել և վճռել, նորան յաւիտեան

Աչքից չըթողնել: Վճռել: Վճիռը

Մտադրութիւն է, վճիռը գործ է.

Իսկ ես, ես էի կրքաւորական

Մի անձն միայն:— Նորան տեսնելը

Նորա հետ կապուած, հետը միացած

Չգտը մէկ եկաւ:— Եւ այդ զգացմունքը

Նոյնն է և այժմ:— Նորանից բաժան

Ապրելն ինձ համար անկարելի է,

Նորանից բաժան ապրելը մահ է:—

Մահ է և այնտեղ, ուր մենք կըլինինք

Մեռնելուց յետոյ:— Արդեօք այս սէր է:

Այո՛— սիրում է տաճարականը—

Քրիստոնեան սիրում է հրէայ աղջկան:—

Ի՞նչ անենք— Արդէն այս գոված երկրում

Հրաժարուել եմ ես շատ կարծիքներից,

Եւ այդ պատճառով գովում եմ և ես:—

Ի՞նչ է պահանջում ինձանից կարգը:

Տաճարականը մեռած է իմ մէջ.

Մեռաւ նոյն ժամին, երբ գերի ընկաւ.

Սալադինի մօտ: Եւ Սալադինի

Պարզեւած գլուխը չէ առաջուանը:—

Սա նոր է, ոչինչ յայտնի չէ սորան,

Որով առաջուանը լցրել էին,

Որով կաշկանդած էր առաջուանը:—

Եւ սա աւելի լաւն է նորանից,

Աւելի յարմար հայրենի երկրին:

Ես այդ ըզգում եմ: Սորանով միայն

Սկսեցի ես էլ այնպէս մտածել,

Ինչպէս միտածել է այստեղ հայրս.

Թէ արասպել չէ, ինչ որ պատմել են

Ինձ նորա մասին: Առասպել:— Սակայն

Շատ հաւանական, որ երբէք այնպէս

ձշմարտանման չէ երևել ինձ

Ինչպէս որ հիմա, երբ որ նորա պէս

Ես էլ ընկնելու վտանգի մէջ եմ:—

Նա ընկաւ: Լաւ է, որ ես էլ ընկնիմ

Իբրև չափահաս, քան կանգուն մընամ

Իբրև մի մանուկ:— Նրա օրինակն ինձ

Երաշխաւոր է, որ նա ինձ կըտայ

Իւր հաճութիւնը: Ել ո՞ւմ հաճութեան

Կարոտ եմ արդեօք:— Նախանի:— Նորա

Ոչ միայն հաճութեան, քաջալերութեան  
Հաւաստի եմ ես:— Ի՞նչ հրէայ:— Ինչպէս  
Հրէայ երևիլ աշխատում է նա:  
Ահա գալիս է, ինչպէս շտապում է,  
Եւ ի՞նչ ուրախ է: Բայց Սալադինից  
Ո՞վ է տխուր զնացել: Նաթան, է՛յ Նաթան:

### ԻՆՆԵՐՈՐԴ ԵՐԵՒՈՅԹ

ՆԱԹԱՆ և ՏԱՃԱՐԱԿԱՆ:

ՆԱԹԱՆ

Այդ դճուք էք, ասպետ:

ՏԱՃԱՐԱԿԱՆ

Ի՞նչ շատ ուշացաք

Դուք սուլթանի մօտ:

ՆԱԹԱՆ

Ոչ, այնքան շատ չէ:

Ես ճանապարհին միայն ուշացայ:—

Ա՛խ, ճշմարիտ, Կուրդ, նա արժանի է

Իւր մեծ համբաւին: Նորա համբաւը

Նորա ստուէրն է միայն:— Բայց առաջ պէտք է

Ասեմ ձեզ, որ....

ՏԱՃԱՐԱԿԱՆ

Ի՞նչ:

ՆԱԹԱՆ

Նա կառնում է

Ձեզ տեսնել, ձեզ հետ խօսիլ, և խօսոյն:

Եկէք մի բոպէ տուն մանկնք, ինչտեղ

Ես նորա համար պէտք է մի այլ բան

Պատրաստեմ, յետոյ կերթանք նորա մօտ:

ՏԱՃԱՐԱԿԱՆ

Ես էլ չեմ մտնի, Նաթան, ձեր տունը,

Մինչև....

ՆԱԹԱՆ

Ուրեմն արդէն էիք դուք:

Տեսա՞ք աղջկաս:— Խօսեցա՞ք հետը:—

Ասացէ՛ք, ի՞նչպէս հաւանեցիք նրան:

ՏԱՃԱՐԱԿԱՆ

Խօսք չըկայ: Միայն էլ այսուհետև—

Ձեմ տեսնի նորան, երբէք իմ օրում,—

Եթէ դուք խօսոյն չէք խոստանայ ինձ—

Որ ես կարող եմ միշտ տեսնել նորան,

Միշտ և ամեն ժամ:

ՆԱԹԱՆ

Ասացէ՛ք, ի՞նչպէս

Հասկանամ ես այդ:

ՏԱՃԱՐԱԿԱՆ

(Կարճ լռութիւնից յետոյ յանկարծ նորա վզին փաթաթուելով.)

Հայր:

ՆԱԹԱՆ

— Երիտասարդ:

ՏԱՃԱՐԱԿԱՆ

Ոչ որդի՞:— Նաթան, խնդրում եմ, Նաթան:

ՆԱԹԱՆ

Բարի պատանի:

ՏԱՃԱՐԱԿԱՆ

Ոչ որդի՞:— Նաթան,

Աղաչում եմ ձեզ:— Երգուեցնում եմ ձեզ

Բնութեան անդրանիկ և սուրբ կապերով—

Մի նախադասէք նոցանից յետոյ

Հնարած կապերը: Բաւականացէ՛ք,

Նաթան, որ մարդ էք:— Մի հեռացնէք ինձ

Ձեզնից:

ՆԱԹԱՆ

Սիրելի, ազնիւ բարեկամ....



ՏԱՃԱՐԱԿԱՆ

Եւ որդի՞: Ո՛չ, ո՛չ:—Եւ մինչև անգամ  
Ոչ այն ժամանակ, եթէ որ արդէն  
Ձեր աղջկայ սրտում երախտ՝ զիտու թիւնն  
Բացել է սիրոյ համար ճանապարհ:  
Ոչ այն ժամանակ, եթէ այդ երկու  
Փափուկ զգացմունքը սպասում են միայն  
Ձեր ակնարկութեան, որ միաւորուին:—  
Լռում էք, Նաթան.

ՆԱԹԱՆ

Դուք զարմացնում էք  
Ինձ, ասպետ, ձեր այդ առաջարկութեամբ:

ՏԱՃԱՐԱԿԱՆ

Ձեզ զարմացնում են, — զարմացնում, Նաթան,  
Ձեր իսկ մտքերը:—Ել չէք ճանաչում  
Դուք ձեր մտքերը, որովհետեւ իմ  
Բերանն է յայտնում:—Ձարմանում էք դուք:

ՆԱԹԱՆ

Մինչև չիմանամ, թէ ո՞ր Շատուֆէնն էր  
Ձեր հայրը:—

ՏԱՃԱՐԱԿԱՆ

Նաթան, այդ ի՞նչ էք ասում:—  
Մի՞թէ այսպիսի բոպէում միայն  
Հետաքրքրութիւն էք ըզգում ձեր մէջ:

ՆԱԹԱՆ

Որովհետեւ ես երբեմն ունէի  
Մի ծանօթ Շատուֆէն, որի անունն էր  
Կօնրադ:

ՏԱՃԱՐԱԿԱՆ

Եւ եթէ—նոյն իսկ իմ հայրը  
Այդպէս էր կոչվում:

ՆԱԹԱՆ

Ճշմարիտ:

ՏԱՃԱՐԱԿԱՆ

Այո՛,  
Ես ինքս իմ հօր անունն եմ կրում.  
Կուրդը Կօնրադ է:

ՆԱԹԱՆ

Ուրեմն իմ ծանօթ  
Կօնրադը ձեզ հայր չէր կարող լինել:  
Որովհետեւ իմ Կօնրադը ձեզ պէս  
Տաճառական էր. ամուսնացած չէր:

ՏԱՃԱՐԱԿԱՆ

Ի՞նչ անենք:

ՆԱԹԱՆ

Ի՞նչպէս:

ՏԱՃԱՐԱԿԱՆ

Մի՞թէ չէր կարող  
Նա այդ պատճառով իմ հայրը լինել:

ՆԱԹԱՆ

Կատակ էք անում:

ՏԱՃԱՐԱԿԱՆ

Իսկ դուք, իրաւ որ,  
Շատ խորն էք քննում:—Բայց ի՞նչ կասէիք  
Թէ ապօրինի դաւակ եմ զիցուք:—  
Այդ կարգի մտրդկանց չըպէտք է նոյնպէս  
Շատ արհամարհել:—Բայց թողէք հա՛նգիստ  
Իմ նախորդներին: Ես էլ ձերերին—  
Եւ այս ասելով, չըկարծէք, թէ ձեր  
Տոհմաբանութեան վրայ կասկած ունիմ:  
Աստուած ոչ անէ:—Կարող էք մինչև  
Հայր Արրահամը տանել հասցնել  
Դուք ձեր ծագումը: Նորանից առաջ  
Ես ինքս զիտեմ, ինքս կասեմ ձեզ:

ՆԱԹԱՆ

Դուք նեղանում էք:—Բայց արժանի՞ եմ

Արդեօք այդ բանին: Մի՞թէ ես արդէն  
Բացասեցի ձեզ: Ես միայն չեմ ուզում  
Ձեզ այս բոպէին խօսքի վրայ բռնել:—  
Աւելի ոչինչ:

ՏԱՃԱՐԱԿԱՆ

Աւելի ոչինչ,—

Իրաւ, էլ ոչինչ: Ո՛հ, ներեցէք ինձ....

ՆԱԹԱՆ

Հիմա եկէք գնանք:

ՏԱՃԱՐԱԿԱՆ

Ո՛ւր գրնանք, ձեր տո՞ւն:—

Ո՛չ, ո՛չ, չեմ կարող:— Այնտեղ կայրում ես:—

Ես ձեզ կըստամ այստեղ: Գընացէք:—

Թէ էլ պիտի տեսնեմ ես նորան,

Ապա բաւական կըտեսնեմ արդէն:

Եթէ ոչ, մընայ, առանց դորան էլ

Արդէն շատ տեսայ....

ՆԱԹԱՆ

Ես չեմ ուշանայ:

ՏԱՍՆԵՐՈՐԴ ԵՐԵՒՈՅԹ

Տ Ա Ճ Ա Ր Ա Կ Ա Ն, փոքրից յետոյ Դ Ա Յ Ա:

ՏԱՃԱՐԱԿԱՆ

Շատ բաւական է:— Մարդու ուղեղը,

Որ այնքան շատ բան կարող է տանել,

Ինչպէս երբեմն յանկարծ լրվում է

Մի շնչին բանով:— Ո՛չ, լաւ է, լաւ է:

Թող լեքք լինի, ինչով ուզում է:—

Բայց համբերութիւն: Հոգին կըձմէ

Ուրաճ ուղեղը, կըգտնէ մի ելք,

Եւ լոյսն ու կարգը կըվերադառնան:—

Մի՞թէ առաջին անգամն եմ սիրում:

Կամ գուցէ սէր չէր այն, ինչ որ առաջ

Սէր էի կարծում:— Մի՞թէ միայն այս է  
Սէր, ինչ որ հիմա ըզգում եմ իմ մէջ....

ԴԱՅԱ

(Կամաց մօտենում է մի կողմից:)

Ասպետ, ասպետ:

ՏԱՃԱՐԱԿԱՆ

Հը՛, ո՞վ է կանչում:—

Ա՛խ, դ՞ուք էք, Դայա:

ԴԱՅԱ

Կամաց գողնուեցայ

Ես նորա մօտից: Բայց նա մեզ էլի

Կարող է տեսնել, ինչտեղ կանգնած եմք:—

Մօտ եկէք, ահա այս ծառի ետեւ:

ՏԱՃԱՐԱԿԱՆ

Բայց ի՞նչ կայ:— Ինչի՞ այդպէս ծածկում ես:—

Դայա, ի՞նչ ունիս:

ԴԱՅԱ

Այո՛, գաղտնիք կայ,

Եւ դորա համար իսկ եկայ ձեզ մօտ.

Եւ մինչև անգամ երկու գաղտնիք կայ.

Մէկը ես գիտեմ, միւսը գիտէք դուք:

Արդեօք չէք ուզում իրար հետ փոխնիք.

Դուք ձերն ասացէք, ես իմը կասեմ:

ՏԱՃԱՐԱԿԱՆ

Մեծ ուրախութեամբ,— միայն թէ գիտենամ,

Թէ ձեր կարծիքով գաղտնիքս ինչ է:

Բայց անշուշտ ձերից իմն էլ կիմացուի:—

Ուրեմն ասացէք:

ԴԱՅԱ

Ի՛նչ լաւ էք ասում:—

Ո՛չ, պարոն ասպետ, առաջ դուք— յետոյ

Ես իմը կասեմ: Հաւաստի եղէք

Իմ գաղտնիքը ձեզ օգուտ չի բերի,

Մինչև որ առաջ ձերը չիմանամ:—

Դէհ, շուտ ասացէք. թէ չէ ինչ որ ես  
կիմանամ ձեզնից իմ հարցմունքներով,  
եւ չեմ համարի իբրև խոստովանք,  
եւ իմ գաղտնիքը կըմընայ իմ մէջ,  
Այն ինչ ձերը ինձ յայտնի կըլինի:—  
Խեղճ ասպետ:— Իրաւ, զարմանալի է,  
Որ դուք, այր մարդիկ կարծում էք իբր  
կարող էք մեզնից, կանանցից ծածկել  
Այդպիսի գաղտնիք:

ՏԱՃԱՐԱԿԱՆ

Որի մասին մենք  
Ինքներս անգամ ոչինչ չըզիտենք:

ԴԱՅԱ

Շատ կարելի է: Ուրեմն ի հարկէ  
Իբրև բարեկամ ես ինքս պէտք է  
Ծանօթացնեմ ձեզ այդ գաղտնիքի հետ:—  
Ասացէք, արդեօք ի՞նչ էր պատճառը,  
Որ այնպէս յանկարծ փախար մեզանից,  
Յանկարծ թողիք մեզ և Նաթանի հետ  
Զըվերադարձաք:— Մի՞թէ այդքան փոքր  
Տըպաւորութիւն ունեցաւ ձեզ վրայ  
Բէխան, կամ զուցէ այնքան— այնքան շատ:—  
Ասացէք տեսնեմ ցանցի մէջ ընկած  
Խեղճուկ թռչունը թռերը ինչպէս  
է փրփռեցնում:— Ինչ երկարացնեմ,  
Խոստովանեցէք ինձ խկոյն, որ դուք  
Սիրահարուած էք Բէխայի վերայ,  
Որ նորա համար խելագարուած էք.  
Եւ այն ժամանակ մի բան կասեմ ձեզ....

ՏԱՃԱՐԱԿԱՆ

Խելագարուած եմ: Խոստովանում եմ,  
Որ դուք այդ բանը լաւ էք հասկանում:

ԴԱՅԱ

Խոստովանեցէք սիրահարուիլը,

Խելագարուիլը էլ չեմ պահանջի:

ՏԱՃԱՐԱԿԱՆ

Որովհետև այդ արդէն ինքն իրան  
Հասկանալի է:— Տաճարականը  
Հրէայ աղջկան սիրում է....

ԴԱՅԱ

Այո՛,

Անմտութիւն է թվում ի հարկէ.—  
Սակայն երբեմն լինում են բաներ,  
Որոնք աւելի միտք ունին, քան թէ  
Որքան սպասում ենք. և ես կարծում եմ,  
Զըլսած բան չէ, որ մեզ փրկիչը  
Առաջնորդում է իւր մօտ այնպիսի  
Ճանապարհներով, որոնցով գընալ  
Շատ հեշտ չէ լինում և խելօք մարդուն:

ՏԱՃԱՐԱԿԱՆ

Ինչ հանդիսաւոր ձևով էք խօսում:—  
(Ինքն իրան.)

Եթէ փրկիչ տեղ նախախնամութիւն  
Ասենք, մի՞թէ սա իրաւունք չունի:—  
(Դայային.)

Դայա, ես այնպէս հետաքրքիր եմ  
Զեր խօսքերի վրայ, ինչպէս չեմ եղել  
Ոչ մի ժամանակ:

ԴԱՅԱ

Ի՞նչ էք զարմանում.

Զէ՛ որ ապրում ենք հրաշքների երկրում:

ՏԱՃԱՐԱԿԱՆ (Ինքն իրան.)

Հրաշքների երկիր:— Մի՞թէ կարող է  
Ուրիշ կերպ լինել: Բոլոր աշխարհը  
Այստեղ է խառնվում:—

(Դայային.)

Սիրելի Դայա.

Համարեցէք, որ խոստովանեցայ,

Ինչ որ դուք ինձնից պահանջում էիք,  
Որ ես սիրումեմ Բէխային, որ ես  
Չըզիտեմ ինչպէս ապրիմ առանց նրան  
Որ ես....

ԴԱՅԱ

Ճշտաբնիմ: Ուրեմն երդուեցէք,  
Ասպետ, որ նորան ձերը կըլինէք,  
Որ դուք կազատէք նորան թէ այստեղ  
Եւ թէ հանդերձեալ կեանքում յաւիտեան:

ՏԱՃԱՐԱԿԱՆ

Բայց ի՞նչպէս, Դայա, ի՞նչպէս կարողեմ:—  
Ի՞նչպէս երդուիմ այդ, երբ որ այդ բանը  
Ինձնից չէ կախուած:

ԴԱՅԱ

Ձեզնից է կախուած.  
Ես մի խօսք կասեմ, և այդ կըլինի  
Ձեր կամքից կախուած:

ՏԱՃԱՐԱԿԱՆ

Այնպէս, որ հայրը  
Ձի հակառակի՞:

ԴԱՅԱ

Հայրն ի՞նչ կարող է:  
Հայրը: Հայրն ինքը ստիպուած կըլինի:

ՏԱՃԱՐԱԿԱՆ

Ստիպուած կըլինի, Դայա:—Դեռ ևս  
Աւազակները ձեռը չէ ընկել:  
Ո՛չ, նա ստիպուած չէ:

ԴԱՅԱ

Ապա ուրեմն  
Պիտի կամենայ, սրտանց կամենայ:

ՏԱՃԱՐԱԿԱՆ

Պիտի կամենայ, և սրտանց, Դայա:  
Բայց եթէ ասեմ ձեզ, որ ես ինքս

Արդէն փորձեցի նորա մօտ մի խօսք  
Ձգել այդ մասին:

ԴԱՅԱ

Ի՞նչ. և նա մերժեց:

ՏԱՃԱՐԱԿԱՆ

Նորա պատասխանն ինձ վերաւորեց:—

ԴԱՅԱ

Այդ ի՞նչէք ասում: Մի՞թէ յայտնեցիք  
Նորան ցանկութիւն առնել Բէխային,  
Եւ նա լսելով վեր վեր չըթռաւ  
Ուրախութեանից, սառը հանդիպեց  
Եւ առաջ բերեց զժուարութիւններ:

ՏԱՃԱՐԱԿԱՆ

Համարեա այդպէս:

ԴԱՅԱ

Ուրեմն էլ շատ  
Ձեմ մըտածի ես:—

(Լռութիւն.)

ՏԱՃԱՐԱԿԱՆ

Բայց մըտածում էք:

ԴԱՅԱ

Նա բարի մարդ է:—Ես ինքս նորան  
Շատ եմ պարտական:—Բայց որ չէ լսում:—  
Աստուծոն յայտնի է, ինչպէս չեմ ուզում  
Ես նորան ստիպել:

ՏԱՃԱՐԱԿԱՆ

Ինդրումեմ, Դայա,  
Մի թողնէք ինձ այս անյայտութեան մէջ:  
Բայց եթէ դուք էլ հաստատ չըզիտէք,  
Թէ արդեօք, ինչ որ ուզում էք յայտնել,  
Բարի է, թէ չար, գովելի է. թէ  
Նախատելի է, — լաւ է լռեցէք:  
Ես կը մոռանամ, թէ գիտէք մի բան,  
Որ պիտի ծածկէք:

ԴԱՅԱ

Ընդհակառակը

Այդ ինձ աւելի ստիպում է խօսիլ:  
Ուրեմն իմացէք. Բէխան հրէայ չէ,  
Նա — քրիստոնեայ է:

ՏԱՃԱՐԱԿԱՆ (սառնութեամբ.)

Իրաւ: Ուրեմն

Ցանկանում եմ ձեզ ես յաջողութիւն:  
Թող մօր ցաւերը չը վախեցնեն ձեզ.  
Ջերմեռանդութեամբ շարունակեցէք  
Նոր բնակիչներով լցնել երկիրը,  
Եթէ այդ բանին էլ ընդունակ չէք  
Դուք երկրի վերայ:

ԴԱՅԱ

Ի՞նչ, ասպետ, մի՞թէ

Արժանի է այդ ծաղրին իմ լուրը:  
Մի՞թէ ուրախ չէք իբրև քրիստոնեայ,  
Ուրախ չէք իբրև մի տաճարական,  
Որ քրիստոնեայ է ձեր սիրած Բէխան:

ՏԱՃԱՐԱԿԱՆ

Մանաւանդ երբ որ քրիստոնեայ է նա  
Ձեր աշխատանքով:

ԴԱՅԱ

Այդպէս հասկացաք:

Թող այդպէս լինի: — Ուզում եմ տեսնել,  
Թէ ո՞վ կարող է նորան դարձ բերել:  
Երջանիկ էր նա, թէ վաղուց լինէր,  
Ինչ որ այժմ դառնալ անպիտան է նա:

ՏԱՃԱՐԱԿԱՆ

Կամ պարզ խօսեցէք, կամ թէ — հեռացէք:

ԴԱՅԱ

Քրիստոնեայ հօր մօր զաւակ է Բէխան  
Եւ մկրտուած է....

ՏԱՃԱՐԱԿԱՆ (շուտ.)

Իսկ Նաթանը

ԴԱՅԱ

Նա

Նորա հայրը չէ:

ՏԱՃԱՐԱԿԱՆ

Նորա հայրը չէ՞

Նաթանը, Դայա: — Բայց զիտէք արդեօք,  
Թէ ինչ էք ասում:

ԴԱՅԱ

Մի ճշմարտութիւն,

Որի համար շատ դառն արտասուներ  
Թափել է աչքս: Այո՛, Նաթանը  
Նորա հայրը չէ....

ՏԱՃԱՐԱԿԱՆ

Եւ մեծացրել է

Իբրև իւր դուստր: Քրիստոնեայ աղջկան  
Դաստիարակել է իբրև հրէայ:

ԴԱՅԱ

Այո՞, այդպէս է:

ՏԱՃԱՐԱԿԱՆ

Բէխան չըզիտէ,

Թէ քրիստոնեայ է: — Մի՞թէ Նաթանից  
Երբէք չէ լսել նա, որ ծնել է  
Ինքը քրիստոնեայ և ոչ թէ հրէայ:

ԴԱՅԱ

Ո՛չ:

ՏԱՃԱՐԱԿԱՆ

Բաւական չէ, որ երեսային  
Խաբել է. այժմ չափահաս աղջկան  
Եւս խաբում է:

ԴԱՅԱ

Ափսոս, այդպէս է:

ՏԱՃԱՐԱԿԱՆ

Նախնայնք—ինչպէս—միթէ իմաստուն  
 Բարի Նախնայնք թոյլէ տուել իրան  
 Այդպէս խարդախել բընութեան ձայնը:—  
 Բռնանալ սրտի զգացմունքի վերայ,  
 Որ բոլորովին այլ ընթացք կառնէր,  
 Թէ ազատ լինէր:—Դայա, իրաւ որ  
 Դուք ինձ յայտնեցիք այնպիսի մի բան,  
 Որ ունի շատ մեծ նշանակութիւն,  
 Որ և կուենայ իւր հետեանքը:—  
 Ես մոլորվում եմ — և դեռ չըզիտեմ,  
 Ինչ պէտք է անեմ:—Ինձ հարկաւոր է  
 Մըտածել:—Գնացէք: Նա էլի այստեղ  
 Պիտի անցկենայ: Գնացէք, չըտեսնէ:

ԴԱՅԱ

Ո՛հ, ես կըմեռնիմ:

ՏԱՃԱՐԱԿԱՆ

Հիմա նորա հետ  
 Չեմ կարող խօսիլ: Եթէ պատահիք  
 Նորան ասացէք, որ սուլթանի մօտ  
 Իրար կըտեսնենք:

ԴԱՅԱ

Բայց զիտէք, իրան

Ոչինչ մի ասէք:—Այդ կըլինի մեր  
 Վերջին հընարը: Բէխայի մասին  
 Միամիտ եղէք:—Բայց երբ որ նորան  
 Եւրոպա տանէք, խնդրում եմ, որ ինձ  
 Այստեղ չըթողնէք:

ՏԱՃԱՐԱԿԱՆ

Լաւ, լաւ, գընացէք:

ԶՈՐԲՈՐԴ ԳՈՐԾՈՂՈՒԹԻՒՆ

ԱՌԱՋԻՆ ԵՐԵՒՈՅԹ

Վանքի կամարակապ անցքերը

ՎԱՆԱԿԱՆ ԵՂԲԱՅԸ և փոքրից յետոյ ՏԱՃԱՐԱԿԱՆ

ՎԱՆԱԿԱՆ

Այ՛, պատրիարքն իրաւունք ունի:  
 Ի հարկէ, որ ես չեմ կարողացել  
 Միշտ յաջողութեամբ կատարել, ինչ որ  
 Նա ինձ յանձնել է:—Բայց ինչի՞ նա էլ  
 Ինձ միշտ այդպիսի բաներ է յանձնում:—  
 Ոչ, ես չեմ կարող խորամանկ լինել,  
 Համոզել, քիթս ամեն տեղ կոխել,  
 Ամեն բանի մէջ իմ մատը խառնել:—  
 Մի՞թէ դրա համար թողի աշխարհը,  
 Որ ուրիշները համար աշխարհի  
 Գործերում խառնուիմ:

ՏԱՃԱՐԱԿԱՆ

(Շտապով մօտենում է նորան:)

Ահա՛, այստեղ էք:

Իմ բարի եղբայր: Վաղուց է, ինչ որ  
Որոնում եմ ձեզ:

ՎԱՆԱԿԱՆ

Ի՞նձ, պարոն:

ՏԱՃԱՐԱԿԱՆ

Մի՞թէ

Ձեք ճանաչում ինձ:

ՎԱՆԱԿԱՆ

Ինչպէս չէ: Միայն

ես չէի կարծում, որ ձեզ կհանքիս մէջ

էի կը տեսնեմ: Յոյսս Աստուած էր:

Աստուծոն յայտնի է, որքան ծանր էր ինձ

Առաջարկութիւնն, որ ես ձեզ անել

Պարտաւոր էի: Ես գիտէի, արդեօք

Յանկանում էի, որ յօժարութեամբ

Լսէք ասածս. գիտէի, թէ որքան

Ուրախացայ ես իմ սրտի խորքում,

երբ որ դուք առանց երկար մտածելու

Խսկոյն մերժեցիք բոլորը, ինչ որ

Անվայել է մի ազնիւ ասպետին:—

Բայց էլի ահա հիմա դալիս էք.

Ուրեմն էլի ներդործեց ձեզ վրայ:

ՏԱՃԱՐԱԿԱՆ

Արդէն զիտէք դուք, ինչն եմ դալիս:

Հագիւ թէ ինքս գիտեմ այդ բանը:

ՎԱՆԱԿԱՆ

Դուք մըտածեցիք և համոզուեցաք,

Որ բոլորովն անիրաւ չէ մեր

Պատրիարք հայրը, որ պատիւ և փող

Կարող էք ստանալ նորա մտադրած

Ձեռնարկութենից. և որ թշնամին

Թշնամի է միշտ, թէև տասն անգամ

Պահապան հրեշտակ լինէր մեզ համար:

Ահա այս բանն էք մըտածել, կռել,

Եւ այժմ դալիս էք, որ առաջարկէք  
Ձեզ — Ո՛վ իմ Աստուած —

ՏԱՃԱՐԱԿԱՆ

Մի՞թարուեցէք,

Ո՛վ իմ բարեպաշտ, սիրելի եղբայր,

Այդ բանի համար չեմ եկել այստեղ,

Այդ բանի համար չեմ ուզում խօսիլ

Պատրիարքի հետ: Այդ բանի մասին

Ես դեռ չեմ փոխել իմ համոզմունքը.

Եւ ոչնչն հետ ամբողջ աշխարհում

Երբէք չեմ փոխի այն լաւ կարծիքը,

Որին մի անգամ արժանի արեց

Ինձ ձեզ պէս ազնիւ, ձեզ պէս բարեպաշտ,

Ձեզ պէս բարի մարդ: — Ես միայն եկել եմ,

Որ խորհուրդ հարցնեմ ձեր պատրիարքին

Մի բանի մասին:

ՎԱՆԱԿԱՆ

Դուք պատրիարքի՞ն,

Ձեզ պէս ասպետը — մի քահանայի՞ն:

(Երկիւղով նայում է իւր շուրջը)

ՏԱՃԱՐԱԿԱՆ

Այո՛ — բաւական քահանայական

է նոյն իսկ գործը:

ՎԱՆԱԿԱՆ

Սակայն քահանան

Երբէք ասպետից խորհուրդ չի հարցնի,

Թէպէտ և ինէր գործն ասպետական:

ՏԱՃԱՐԱԿԱՆ

Որովհետև նա իրաւունք ունի

Միշտ մեղանչելու. բայց մեզնից ոչ ոք

Շատ չի նախանձի նորան այդ բանում:—

Ի հարկէ, եթէ միայն ինձ համար

Ես աշխատեի, եթէ որ միայն

Ինքս ինձ հաշիւ տալու լինէի,

Այն ժամանակը ի՞նչ հարկաւոր էր  
 Ձեր պատրիարքը: Բայց և այնպիսի  
 կան հանգամանքներ, երբ յօժարութեամբ  
 վատ եմ վարվում ես ուրիշի կամքով,  
 Բան լաւ իմ կամքով:—Այլ և տեսնում եմ,  
 Որ կրօնը նոյնպէս կուսակցութիւն է.  
 Ես ով կարծում է թէ անկողմնապահ  
 Աչքով է նայում այդ բանի վերայ,  
 Բայց էլի, ինքն էլ չընկատելով,  
 Պաշտպանում է նա իւր կուսակցութեան  
 Իրաւունքները: Եւ որովհետեւ  
 Այդ միշտ այդպէս է, ուրեմն անշուշտ  
 Իրաւացի է:

ՎԱՆԱԿԱՆ

Այդ բանի մասին  
 Լաւ է կըլլեմ, որովհետեւ ես  
 Պարօնի միտքը լաւ հասկանում չեմ:

ՏԱՃԱՐԱԿԱՆ

Բայց էլի —

(Ինքն իրան.)

Արդեօք ի՞նչ եմ ուզում ես,  
 Վրձ'ի՞ն, թէ խորհուրդ:— Արդեօք ի՞նչ խորհուրդ  
 Պարզ, թէ գիտնական:—

(Վանականին.)

Ես շնորհակալ եմ  
 Ձեզանից, եղբայր, շնորհակալ եմ ձեր  
 Այդ մտքի համար:— Ի՞նչ հարկաւոր է  
 Ինձ պատրիարքը:— Իմ պատրիարքը  
 Դուք էք լինելու: Ես պատրիարքին  
 Ուզում եմ հարցնել իբր քրիստոնեային,  
 Ոչ քրիստոնեային իբր պատրիարքին.—  
 Ահա՛ ասեմ ձեզ . . . . .

ՎԱՆԱԿԱՆ

Ո՛չ, ո՛չ, մի՛ ասէք:

Ի՞նչ հարկաւոր է:— Սխալվում էք իմ մէջ:—

Ով շատ բան գիտէ, նա շատ հոգս ունի.  
 Իսկ ես մէկ հոգսով էի պարծենում:—  
 Ո՛հ, ի՞նչ լաւ եղաւ: Լսեցէք, տեսէք:  
 Ահա՛ իմ բաղդից ինքը գալիս է:  
 Մընացէք այստեղ. նա ձեզ նկատեց:

ԵՐԿՐՈՐԴ ԵՐԵՒՈՅԹ

ՊԱՏՐԻԱՐԹԸ գալիս է մի անցքով մի հողեր տիրոջ բոլոր փառահե-  
 ղութեամբ, ԱՌԱՋ ԻՆՆԵՐԸ:

ՏԱՃԱՐԱԿԱՆ

Լաւ է սորանից հեռանայի ես,  
 Ի՛նձ հարկաւոր չէ սորա խորհուրդը:—  
 Հաստիկ, կարմրադէմ, ուրախ հոգեւոր.  
 Ի՛նչ շքեղութիւն:

ՎԱՆԱԿԱՆ

Դուք պէտք է տեսնէք

Երբ որ գընում է նա դէպի պալատ:  
 Այժմ հիւանդի մօտից է գալիս:

ՏԱՃԱՐԱԿԱՆ

Ինչպէ՛ս չամաչի այստեղ Սալադինն:

ՊԱՏՐԻԱՐԹԸ

(Առաջ գալով նշանով կանչում է իւր մօտ վանականին.)

Այստեղ եկ:— Սա այն տաճարականն է:  
 Ի՛նչ է կամենում:

ՎԱՆԱԿԱՆ

Չը գիտեմ:

ՊԱՏՐԻԱՐԹԸ

(Մօտենում է տաճարականին, այն ինչ վանականը և հետևորդները յիտ են  
 քաշվում:)

Ասպետ,

Ես շատ ուրախ եմ, որ ձեզ տեսնում եմ:

Այո՛ դուք ըաջ էք — և երիտասարդ —



Աստուծոյ օգնութեամբ զորանից մի բան  
կարող է դառնալ :

ՏԱՃԱՐԱԿԱՆ

Գերապատիւ տէր,  
Դժուար թէ աւելի, քան թէ ինչ որ կայ.  
Գուցէ և պակաս :

ՊԱՏՐԻԱՐՔԸ

Գոնէ իմ կողմից  
Ես ցանկանում եմ, որ շատ շատ ապրի  
Ձեզ պէս բարեպաշտ և քաջ ասպետը  
Քրիստոնէութեան, Աստուծոյ գործի  
Փառքի ու պատուի և օգտի համար :  
Եւ այդ անպատճառ այդպէս կը լինի,  
Եթէ քաջասիրտ երկրասարդը  
Ծերունու հասուն խրատ ու խորհրդին  
Ուզէ հետեւիլ : — Ասացէք, ասպետ,  
Ինչով կարող եմ ես ձեզ ծառայել :

ՏԱՃԱՐԱԿԱՆ

Այն բանով, որին այժմ կարօտ եմ,  
Այն է խորհրդով :

ՊԱՏՐԻԱՐՔ

Մեծ յօժարութեամբ —  
Եթէ խորհուրդս միայն կընդունէք :

ՏԱՃԱՐԱԿԱՆ

Բայց ոչ կուրօրէն :

ՊԱՏՐԻԱՐՔ

Այդ ո՞վ է ասում : —  
Անշուշտ ամեն մարդ պէտք է զօրծ ածէ  
Աստուծուց նորան պարգևած խելքը —  
Ինչտեղ որ պէտք է : Բայց արդեօք միշտ էլ  
Պէտք է զօրծ ածել : — Ամենեւին ո՞չ :  
Ահա օրինակ, եթէ Տէր Աստուած  
Իւր հրեշտակների մէկի միջոցով —  
Այսինքն իւր սուրբ բանի ջերմեռանդ

Սպասուորների մէկի բերանով  
Արժանացնում է ցոյց տալ մի միջոց,  
Մի բողբոջին այլ եղանակով  
Աւելի ամուր կերպով հաստատել  
Քրիստոնէութեան բարորութիւնը,  
Սուրբ եկեղեցու պայծառութիւնը,  
Այն ժամանակ ո՞վ կը համարձակի  
Քննել իւր խելքով նորա հաճոյքը,  
Ով որ ստեղծել է մարդկային խելքը —  
Ով կը յանդգնի սրնոտի պատուի  
Չնչին ու մանր կանոններովը  
Ստուգել երկնային փառաւորութեան  
Յաւիտենական անսուտ օրէնքը : —  
Սակայն այդ մասին այսքան հերիք է :  
Այժմ ասացէք, ի՞նչ բանի մասին  
Ուզում էք լսել զուք մեր խորհուրդը :

ՏԱՃԱՐԱԿԱՆ

Դիցուք, սրբազան, որ մի հրեայ մարդ  
Ունի մի զաւակ — որ մի աղջիկ է —  
Որին մեծ խնամքով կրթել է ամեն  
Բարի բանի մէջ, որին սիրում է  
Նա իւր հոգու չափ, որ և աղջիկը  
Նոյնպէս սիրում է նորան հեզութեամբ .  
Եւ հիմա յանկարծ մեզանից մէկին  
Ծածուկ յայտնում են, որ այդ աղջիկը  
Հրէայի դուստրը չէ, այլ որ այն աղջկան  
Խորե երեսայ գտել է, զընել  
Կամ գողացել է — ինչպէս ուզում էք .  
Եւ այս էլ զիտեն, որ այն աղջիկը  
Քրիստոնէայ է ծնել, և մկրտուած է,  
Բայց հրէան նորան հրեայ է կրթել,  
Եւ իբրև դուստր մինչև հիմա էլ  
Հրէայ է թողնում, — Գերապատիւ Հայր,  
Ասացէք, արդեօք ի՞նչ պէտք է անել  
Այս հանգամանքում :

ՊԱՏՐԻԱՐՔ

Ես սարսափում եմ:—

Բայց պարզ խօսեցէք, արդեօք այդ դէպքը  
Իրողութիւն է, թէ ենթադրութիւն,  
Այսինքն արդեօք այդ բանը դուք էք  
Ձեզնից հընարել, թէ պատահել է  
Եւ դեռ հիմա էլ շարունակվում է:

ՏԱՃԱՐԱԿԱՆ

Ես կարծում եմ, որ այդ մի և նոյն է,  
Երբ որ ուզում եմ Ձեր Սրբազնութեան  
Կարծիքն իմանալ:

ՊԱՏՐԻԱՐՔ

Ի՞նչ, մի և նոյն է:

Ահա, տեսնում էք, պարոն, թէ ինչպէս  
Մարդու մեծամիտ խելքը սխալվում է  
Հողեր բանում:— Ո՛չ, պարոն: Եթէ  
Միայն կատակ է ձեր պատմած դէպքը,  
Ապա արժանի չէ ուշադրութեան:  
Ես ձեզ ցոյց կըտամ թատրոնի բէմը,  
Ինչտեղ այդպիսի pro et contraներ  
Մեծ յաջողութեամբ կարող են խօսուիլ:—  
Եթէ դուք ինձ հետ մի թատրոնական  
Կատակ չէք անում, եթէ այդ դէպքը  
Իրողութիւն է և պատահել է  
Գուցէ մեր թեմում, մեր այս սիրելի  
Երուսաղէմում — այն ժամանակը —

ՏԱՃԱՐԱԿԱՆ

Այն ժամանակն ի՞նչ:

ՊԱՏՐԻԱՐՔ

Իսկոյն հրէային

Տալ այն պատիժը, որով այդպիսի  
Սրբապղծութիւնն, այդպիսի յանցանք  
Պատուհասվում է պապի և կայսրի  
Օրէնքներովը:

ՏԱՃԱՐԱԿԱՆ

Այդպէս:

ՊԱՏՐԻԱՐՔ

Այո:

Ահա ինչ պատիժ նշանակուած է  
Այդ օրէնքներով. խարոյկի վերայ  
Այրել հրէային, որ քրիստոնեային  
Կրօնափոխ կանէ:

ՏԱՃԱՐԱԿԱՆ

Այդպէս:

ՊԱՏՐԻԱՐՔ

Մանաւանդ

Հրէային, որ մի քրիստոնեայ մանուկ  
Բռնի խլել է սուրբ եկեղեցուց,  
Որի հետ կապուած է մկրտութեամբ:  
Մի՞թէ բռնութիւն չէ այն բոլորը  
Ինչ որ անում են փոքր մանուկներին:—  
Բացի, ի հարկէ այն բանից, ինչ որ  
Անում է նոցա սուրբ եկեղեցին:

ՏԱՃԱՐԱԿԱՆ

Բայց եթէ պիտի կորչէր մանուկը,  
Թէ որ այն հրէան չըխցար նորան:

ՊԱՏՐԻԱՐՔ

Այդ ոչինչ, հրէան պիտի որ այրուի:—  
Աւելի լաւ էր կորչէր մանուկը  
Թշուառութեան մէջ, քան թէ այդ կերպով  
Ազատուեցաւ նա յաւիտենական  
Կորուստի համար:— Բացի դորանից  
Հրէային պէտք չէր Աստուծոյ առաջն  
Առնել ինքնակամ: Առանց նորան էլ  
Կրփրկէ Աստուած, եթէ կամենայ:

ՏԱՃԱՐԱԿԱՆ

Եւ, պէտք է կարծել, հակառակ նորան—  
Երջանիկ անել:

ՊԱՏՐԻԱՐՔ

Այդ ոչ ինչ : Հրէան

Պիտի որ այրուի:

ՏԱՃԱՐԱԿԱՆ

Ափսոս: Մանուանդ

Ինչպէս ասում են, հրէան աղջկան  
Գաստիարակել է ոչ իւր, ոչ էլ  
Մի այլ կրօնի մէջ, և Աստուծոյ մասին  
Սովորեցրել է միմիայն այնքան,  
Որքան բուսական է մարդու խելքին:

ՊԱՏՐԻԱՐՔ

Այդ ոչինչ : Հրէան պիտի որ այրուի.....  
Այդ բանի համար միայն արժանի է  
Նա երեք անգամ արդէն այրուելու:  
Ի՞նչ : Առանց կրօնի մանուկ մեծացնել.  
Եւ չըսովրեցնել նորան հաւատալ,  
Որ մարդուս համար է ամենամեծ  
Պարտաւորութիւն: Ես զարմանում եմ,  
Ասպետ, ի՞նչպէս դուք....

ՏԱՃԱՐԱԿԱՆ

Գերապատիւ տէր

Մնացածը, եթէ Աստուած կամենայ,  
Խոստովանքի մէջ....

(Ուզում է գնալ:)

ՊԱՏՐԻԱՐՔ

Ի՞նչ : Մինչև անգամ

Հաշիւ չըսալ ինձ: Ինձ այն հրէայի,  
Այն չարագործի անունը չասել:—  
Իսկոյն չըբերել նորան իմ առաջ:—  
Գիտեմ, ինչ կանեմ: Ես իսկոյն կերթամ  
Սալադինի մօտ: Նա, գաշնադրութեամբ,  
Որ հաստատել է ինքը իւր երդմամբ,  
Պարտաւորուած է միշտ պաշտպանել մեզ,  
Մեր իրաւունքը և մեր սուրբ կրօնը:

Գոհութիւն Ասածոյ, որ խսկականը  
Այժմ մեզ մօտ է. մենք ունինք նորա  
Ստորագրութիւնը և նորա կնիքը—  
Բացի դորանից ես կը հասկացնեմ  
Նորան, թէ ինչպէս վտանգաւոր է  
Տէրութեան համար անհաւատութիւնն:  
Հասարակական բոլոր կապերը  
Լուծվում են, քանդվում, երբ էլ ոչընչին  
Մարդ չէ հաւատում:— Հեռու, թող հեռու  
Կորչի այդպիսի սրբապղծութիւնն:

ՏԱՃԱՐԱԿԱՆ

Ափսոս, Սրբազան, ժամանակ չունիմ  
Աւելի երկար լսել պատուական  
Ձեր այդ քարոզը: Ես այժմ կանչուած եմ  
Սալադինի մօտ:

ՊԱՏՐԻԱՐՔ

Իրա՞ւ—Ուրեմն:

ՏԱՃԱՐԱԿԱՆ

Եթէ հաճոյ է ձեզ, հայր սրբազան,  
Կերթամ սուլթանին ես կը պատրաստեմ:

ՊԱՏՐԻԱՐՔ

Ո՛հ—գիտեմ, ասպետ, որ Սալադինը  
Ողորմած է ձեզ:— Ես ձեզ խնդրում եմ  
Իմ մասին նրա մօտ միայն բարին յիշէք:—  
Ինձ այսպէս վարուիլ թելադրում է միայն  
Ձերմեռանդութիւնը դէպի Աստուած,  
Եւ թէ անում եմ չափից դուրս մի բան,  
Նորա համար է: Ասպետ, այս բանը  
Դուք լաւ կշռեցէք: Ինչ որ փոքր առաջ  
Հրէայի մասին ասացիք, անշուշտ  
Գա մի խնդիր էր—գուցէ....

ՏԱՃԱՐԱԿԱՆ

Խնդիր էր:

(Դուրս է գնում:)

ՊԱՏՐԻԱՐՔ (ինքն իրան.)

Միայն պէտք է ես այն լաւ խորը քննեմ . . . .

Եւ այդ կը յանձնեմ էլն մեր եղբայր

ԲօնաՖրիդէսին:—

(Վանականին.)

Այստեղ եկ, որդեակ:

(Նա խօսելով դուրս է գնում վանականի հետ.)

### ԵՐՐՈՐԴ ԵՐԵՒՈՅԹ

## ռենեակ սալադիսի պաշատում:

Ստրուկները բերում են շատ քսակներ և դարձում են միմեանց մօտ յատակի վերայ:

Ս Ա Ն Ա Գ Ի Ն և փոքրից յետոյ Զ Ի Տ Տ Ա

Ս Ա Ն Ա Գ Ի Ն (ներս մտնելով.)

Իրաւ վերջ չունի:— Դեռ էլն շատ կայ:

Ս Տ Ր Ո Ւ Կ

Դեռ կէսն էլն կայ:

Ս Ա Ն Ա Գ Ի Ն

Ապա մնացածը

Տարէք Զիտտային:— Ո՛ւր է ԱԼ - Հաճին:

Գայ փողը տանի:— Կամ թէ ուղարկեմ

Բոլորը հօրս:— Այստեղ բոլորը

Ձեռիցս կերթայ:— Իրաւ վերջապէս

Մարդ կը քարանայ, և մեծ հնարք պէտք է

Այժմ ինձանից շատ բան դուրս քաշել:

Աղքատութիւնը թող իրան օգնէ,

Ինչպէս ուզում է գոնեա մինչև

էլն կուղարկին Եգիպտոսից փող:—

Եթէ որ միայն գերեզմանի մօտ

Ողորմութիւն տալը շարունակուէր,

Միայն թէ քրիստոնեայ ուխտաւորները

Զը հեռանային դատարկ ձեռներով.

Միայն թէ—

Զ Ի Տ Տ Ա

Այս ի՛նչ է: Ինչե՞ն են բերել

Փողերը ինձ մօտ:

Ս Ա Ն Ա Գ Ի Ն

Այդ փողից ստացիր,

Ինչ որ սարտ եմ քեզ. մնացածը պահիր:

Զ Ի Տ Տ Ա

Մի՛թէ Նաթանը դեռ ևս բերել չէ

Տաճարականին:

Ս Ա Ն Ա Գ Ի Ն

Նա որոնում է

Նորան ամեն տեղ:

Զ Ի Տ Տ Ա

Տես, ինչ եմ գտել

Հին զարդերիս մէջ:

(Ցոյց տալով նորան մի փոքր պատկեր.)

Ս Ա Ն Ա Գ Ի Ն

Եղբայրս— Նա՛ է—

Այ՛ո՛ այդ նա է— Նորա պատկերն է—

Ո՛վ քաջ պատանի, ափսոս, որ շատ շուտ

Կորցրի ես քեզ: Ի՛նչեք չէի անի

Քեզ հետ միասին:— Զիտտա, պատկերը

Թող ինձ մօտ մընայ: Ես այժմ յիշում եմ.

Ասադ եղբայրս տուեց այդ պատկերը

Մեր քոյր Լիլլային, որ մի առաւօտ

Չէր ուզում թողնել նորան իւր գրկից:

Այդ հեռանալը վերջինը եղաւ—

Ա՛խ ես թոյլ տուի նորան մենակ գնալ:—

Ա՛խ, Լիլլան մեռաւ վշտից և երբէք

Նա ինձ չընեց, որ ես Ասադին

Թողի մենակ գնալ:— Նա էլ յետ չեկաւ:

Զ Ի Տ Տ Ա

Խեղճ՝ եղբայր:

Ս Ա Ն Ա Գ Ի Ն

Բայց լաւ, հերիք է, Զիտտա—

Երբեքն ամենքս էլ կերթանք այստեղից:

Այլ և ո՞վ գիտէ: Միայն մահը չէ,

Որ Աստղի պէս երիտասարդին

Մոլորեցնում է իւր նպատակից:

Նա ունի ուրիշ շատ թշնամիներ,

Եւ տկարի պէս հզօրն էլ շատ անգամ

Յաղթահարվում է: — Բայց թող ինչ կուզէ

Պատահած լինի: — Ես այս պատկերը

Պէտք է ասպետի հետ համեմատեմ:

Ուզում եմ տեսնել, որքան եմ խաբուել:

ԶԻՏՏԱ

Ինքս էլ բերել եմ այդ նպատակով:

Բայց, եղբայր, տուր ինձ: Պէտք է ասեմ քեզ,

Կնոջ աչքն աւելի լաւ է նկատում

Այդպիսի բաներ:

ՍԱԼԱԳԻՆ

(Դռնապաններից մէկին որ ներս է մտնում):

Ի՞նչ, ո՞վ է եկել. —

Տաճարական: — Թող գայ:

ԶԻՏՏԱ

Չեմ ուզում

Ես ձեզ խանդարել, հետաքրքրութեամբ

Շրփոթել նորան:

(Նա նստում է մի կողմը բազմոցի վերայ և ցած է թողնում երեսի քօղը:)

ՍԱԼԱԳԻՆ

Շատ լաւ:

(Ինքն իրան:)

Բայց արդեօք

Ձայնը ի՞նչպէս է: — Աստղի ձայնը

Անշուշտ քրնած է զեռ իմ հոգու մէջ:

ՉՈՐՐՈՐԴ ԵՐԵՒՈՅԹ

ՏԱՃԱՐԱԿԱՆ և ՍԱԼԱԳԻՆ

ՏԱՃԱՐԱԿԱՆ

Սուլթան, գերիդ եմ:

ՍԱԼԱԳԻՆ

Գերին ես: Ում որ

Կեանքը շնորհեցի, մի՞թէ չեմ շնորհի

Եւ ազատութիւն:

ՏԱՃԱՐԱԿԱՆ

Ինչ որ վայելէ,

Սուլթան, քեզ անել, ինձ միայն վայելէ

Լսել և ոչ թէ նախագուշակել: —

Անչափ շնորհակալ լինել քեզանից

Իմ կեանքի համար, այդ հակառակ է

Իմ կոչմանը և բընաւորութեան.

Կեանքս այսուհետեւ քեզ է պատկանում:

ՍԱԼԱԳԻՆ

Ապրի՛ր, միայն թէ ինձ մի՛ վընասիր:

Թէեւ պատրաստ եմ թշնամիներին

Մի զոյգ այդպիսի բազուկ ընծայել,

Սակայն ծանր է ինձ նոցա այդպիսի

Մի սիրտ ընծայել: — Չեմ սխալուել քո մէջ,

Քանի երիտասարդ: Դու իմ Աստղն ես

Հոգւով և մարմնով: Ես մինչև անգամ

Կարող եմ հարցնել, արդեօք ո՞ր էիր

Այսքան ժամանակ, ո՞ր քարայրի մէջ

Քրնած մընացել: Այդ ո՞ր հրաշալի

Երկրում, ո՞ր բարի յաւերժահարսը

Այս ծաղիկն այսպէս թարմ պահպանեց:

Տես, կարող էի ես մինչև անգամ

Քո միտը ձգել, ինչ որ միասին

Մենք կատարել ենք: Ես կարող էի

Նեղանալ քեզ վրայ, որ դու մի գաղտնիք,

Որ դու մի արկած ծածկել ես ինձնից:—  
 Ես կարող էի այդ անել, եթէ  
 Չըտեսնէի ինձ քո կողքին կանգնած:—  
 Բայց էլի այս քաղցր երազների մէջ  
 Գոնեա այնքան կայ ճշմարտութիւն,  
 Որ ինձ իմ կեանքի աշնան միջոցին  
 Կրկին կըծաղկի մի Ասադ կղբայր:—  
 Բաւակա՞ն ես դու, ասպետ, այս բանով:

ՏԱՃԱՐԱԿԱՆ

Բոլորը, ինչ որ դու կամենում ես, —  
 Ինչ կուզէ լինի — իբրև ցանկութիւն  
 Արդէն առաջուց կար իմ սրտի մէջ:

ՍԱԼԱԴԻՆ

Ուրեմն իսկոյն թող փորձենք մենք այդ:—  
 Կըմնա՞ս ինձ մօտ — իբրև քրիստոնեայ,  
 Իբրև մուսուլման, այդ մի և նոյն է.  
 Սպիտակ վերարկուով, կամ մեր հանդերձով,  
 Քո այդ զլխարկով, կամ թէ չայլայով,  
 Ինչպէս ուզում ես, բոլորը մէկ է:  
 Երբէք պահանջել չեմ ես, որ բոլոր  
 Ծառերի վերայ մի կեղև աճի:

ՏԱՃԱՐԱԿԱՆ

Այն ժամանակ դու դժուար լինէիր  
 Այն, ինչ որ այժմ ես — Աստուծոյ պարտէզը  
 Մշակող մի հերոս:

ՍԱԼԱԴԻՆ

Ուրեմն եթէ

Դրանից վատ կարծիք չունիս իմ մասին,  
 Ապա իրար հետ համաձայն ենք մենք:

ՏԱՃԱՐԱԿԱՆ

Այո՛:

ՍԱԼԱԴԻՆ

(Տալով նորան իւր ձեռք.)

Հաստատ խօսք:

ՏԱՃԱՐԱԿԱՆ

(Բռնելով նորա ձեռք.)

Մի այր մարդու խօսք:—

Հեան էլ ընդունիր աւելի, քան թէ  
 Կարող էիր դու առնել ինձանից.  
 Ես բոլորովին քեզ եմ պատկանում:

ՍԱԼԱԴԻՆ

Այսօր անչափ շատ վաստակ ունեցայ:—  
 Նա հետդ չեկա՞ւ:

ՏԱՃԱՐԱԿԱՆ

Այդ ո՞վ:

ՍԱԼԱԴԻՆ

Նաթանը:

ՏԱՃԱՐԱԿԱՆ (սառնութեամբ.)

Ո՛չ: Մենակ եկայ:

ՍԱԼԱԴԻՆ

Ի՞նչ գեղեցիկ է

Քո արած գործը, և ինչ բաղդ, որ այդ  
 Նաթանի պէս մի մարդու համար էր:

ՏԱՃԱՐԱԿԱՆ

Այո՛, այդպէս է:

ՍԱԼԱԴԻՆ

Ինչի՞ այդպէս սառն:

Ո՛չ, երիտասարդ: Երբ որ Տէր Աստուած  
 Մեր ձեռով մի լաւ գործ է կատարում,  
 Պէտք չէ անտարբեր լինել այդ բանին,  
 Եւ համեստութեամբ անդամ անտարբեր  
 Պէտք չէ երևիլ:

ՏԱՃԱՐԱԿԱՆ

Իրաւ աշխարհում

Ամեն բան ունի իրարից այնպէս  
 Չանազան կողմեր, որ մեզ շատ անգամ  
 Հասկանալի չէ, թէ ինչպէս նորա

Մէկը միւսի հետ յարմարվում են:

ՍԱԼԱԴԻՆ

Միշտ լաւ կողմն եղիր և փառաւորիր  
Կու Քո Ստեղծողին, որին յայտնի է  
Նոցա իրար հետ յարմարութիւնը:—  
Բայց, երիտասարդ, եթէ դու այդպէս  
Կը դժուարանաս, այն ժամանակը  
Ինձ էլ զգուշանալ պէտք է քեզանից:  
Ափսոս, որ ես էլ ունիմ շատ կողմեր,  
Որոնք շատ անգամ կարծես իրար հետ  
Զեն համաձայնում:

ՏԱՃԱՐԱԿԱՆ

Ինձ համար ցաւ է

Լսել այդ բանը—որովհետեւ ես,  
Կասկածամիտ չեմ:—

ՍԱԼԱԴԻՆ

Ուրեմն ո՛ւմ վրայ է

Կասկածդ, ասա:—Նախանի վերայ:  
Կու կասկած ունիս Նախանի վերայ:—  
Պարզ խօսիր, տո՛ւր ինձ քո մտերմութեան  
Աւաջին փորձը:

ՏԱՃԱՐԱԿԱՆ

Ոչ, Նախանի դէմ

Ես ոչինչ չունիմ: Ես միայն ինձանից  
Անբաւական եմ:

ՍԱԼԱԴԻՆ

Ի՞նչ բանի համար:

ՏԱՃԱՐԱԿԱՆ

Որ երազեցի, իբր կարող է  
Հրէան դադարել հրէայ լինելուց,  
Որ արթուն տեսայ այդպիսի երազ:

ՍԱԼԱԴԻՆ

Պատմիր բաց աչքով տեսած երազդ:

ՏԱՃԱՐԱԿԱՆ

Սուլթան, դու գիտես, որ այդ Նախանը  
Ունի մի դուստր: Կու գիտես, թէ ինչ  
Արի նրա համար—Հպարտութիւնս  
Թոյլ չէր տալիս ինձ շնորհակալութիւն  
Ժողովել այնտեղ, ուր չէի ցանկ,  
Եւ այդ պատճառով երկար ժամանակ  
Զէի կամենում կրկին միւս անգամ  
Տեսնել աղջկան: Հայրը հեռու էր:  
Նա եկաւ, լսեց, գտաւ ինձ, արեց  
Շնորհակալութիւն: Նա ցանկանում է,  
Որ ես հաւանիմ նորա աղջկան:  
Նա ինձ տալիս է զանազան յոյսեր,  
Պայծառ տպազայ է ինձ զուշակում:—  
Ականջս կախած լսում եմ նորան,  
Գնում եմ, տեսնում եմ, իրաւ գտնում եմ  
Մի աղջեկ... Սուլթան, ես ամաչում եմ:—

ՍԱԼԱԴԻՆ

Ամաչում ես—որ մի հրէայ աղջեկ  
Տըպաւորութիւն արեց քեզ վերայ:  
Անկարելի է:

ՏԱՃԱՐԱԿԱՆ

Ես ամաչում եմ,

Որ հօր խօսքերի ազդեցութեան տակ  
Միամիտ սիրտս չընդդիմացաւ այդ  
Տըպաւորութեան:—Յիմարս կրկին  
Կրակի մէջ բնկայ:—Ուղեցի աղջկան,  
Սակայն Նախանը մերժեց խնդիրքս:

ՍԱԼԱԴԻՆ

Մերժեց խնդիրքդ:

ՏԱՃԱՐԱԿԱՆ

Իմաստուն հայրը

Թէև ի հարկէ վճռական կերպով  
Զըմերժեց, սակայն առաջ պէտք է նա  
Հարց ու փորձ անէ, պէտք է մտածէ:

Ի հարկէ, ես էլ նոյն բանը չարի՛:  
չարց ու փորձ չարի՛, չըմտած եցի՛,  
երբ որ կրակի մէջ աղաղակում էր  
Նորա աղջկը:— Աստուած վրկայ, շատ  
Գեղեցիկ բան է այդպէս իմաստուն,  
Այդպէս զգոյշ լինել:

ՍԱԼԱԳԻՆ

Ոչ, մի՛ այդպէս խիտտ  
Դատիր ծերունուն: Երկար կարող չէ  
Նա ընդդիմանալ: Մի՛թէ կարծում ես,  
Թէ կրպահանջէ քեզանից, որ նախ  
չրէայ դառնաս դու:

ՏԱՃԱՐԱԿԱՆ

Ո՞վ գիտէ:

ՍԱԼԱԳԻՆ

Ո՞վ:— Նա,

Ով որ Նաթանին լաւ է ճանաչում:

ՏԱՃԱՐԱԿԱՆ

Թերահաւատութիւնն, որի մէջ փոքրից  
Մենք մեծացել ենք, չէ կորցնում մեզ վրայ  
Իւր զօրութիւնը և այն ժամանակ,  
երբ որ մենք արդէն ճանաչում ենք այն:—  
Դեռ ևս ազատ չէ նա բոլորովին,  
Ով որ ծաղրում է իւր շղթաները:

ՍԱԼԱԳԻՆ

Շատ ճշմարիտ է: Սակայն Նաթանը....

ՏԱՃԱՐԱԿԱՆ

Ամենավառն է իմ կարծիքով այն  
Թերահաւատութիւնն, երբ մարդ կարծում է,  
Թէ միւսներից իւրն է ամենի....

ՍԱԼԱԳԻՆ

Շատ կարելի է: Միայն Նաթանը....

ՏԱՃԱՐԱԿԱՆ

Որին միմիայն պիտի հաւատայ

կոյր մարդկութիւնը, մինչև սովորի  
Նա ճշմարտութեան պայծառ օրերի  
Լոյսը տեսնելու. որին միմիայն....

ՍԱԼԱԳԻՆ

Լաւ, բայց Նաթանը:— Նաթանը չունի  
Այդ թուլութիւնը:

ՏԱՃԱՐԱԿԱՆ

Ես էլ մի և նոյն

կարծիքն ունեի.... Բայց ի՞նչ, եթէ որ  
Այդ անօրինակ մարդը այնպիսի—  
Մոլեւանդ հրէայ է, որ քրիստոնեայ  
Երկխոսներին ժողովում է և  
չրէայ մեծացնում....

ՍԱԼԱԳԻՆ

Մի՛թէ ասում են

Նաթանի մասին այդպիսի մի բան:

ՏԱՃԱՐԱԿԱՆ

Նոյն իսկ աղջկը, որով խաբելով  
Քաշեց ինձ իւր մօտ և որի մասին  
Ինձ յոյսեր տալով, կարծես յօժար էր  
Արած լաւութիւնս փոխարինել,  
Նորա գուետրը չէ—այլ մի որդեգրած  
Քրիստոնեայ մանուկ

ՍԱԼԱԳԻՆ

Եւ էլի քեզ տալ

Չէ՞ կամենում նա:

ՏԱՃԱՐԱԿԱՆ (սասկուլթեամբ.)

Կամենում է, թէ կամենում չէ նա,  
Արդէն բռնուած է: Այո՛, բռնուած է  
Այն ազատամիտ դատարկաբանը,  
Եւ ես կաշխատեմ այդ փիլիսոփայ  
Ոչխարի մորթով հրէայ գայլի վրայ  
Արձակել շներ, որոնք արդէն լաւ  
կրգըն նորոն:



ՍԱԼԱԴԻՆ

Հանդարտ, քրիստոնեայ.

ՏԱՃԱՐԱԿԱՆ

Ի՛նչպէս թէ հանդարտ:— Երբ ամեն հրէայ  
Ամեն մուսուլման իրաւունք ունի  
Իւրը պաշտպանել, միայն քրիստոնեան  
Պիտի զուրկ լինի այդ իրաւունքից:

ՍԱԼԱԴԻՆ

Հանդարտ, քրիստոնեայ:

ՏԱՃԱՐԱԿԱՆ (մեղմութեամբ.)

Այն, ես զգում եմ

Յանդիմանութեան բոլոր ծանրութիւնն,—  
Որ Սալադինը ամիսփում է այդ  
Մէկ հատ բառի մէջ:— Ա՛խ, երանի թէ  
Գիտենայի ես, ի՛նչպէս կը վարուէր  
Ասադը, եթէ իմ տեղը լինէր:

ՍԱԼԱԴԻՆ

Ոչ աւելի լաւ. անշուշտ քեզ պէս տաք:—  
Բայց ասան, արդեօք քեզ սի սովբեցրեց  
Ասադի նման այդպէս կաշառել  
Ինձ մէկ հաս խօսքով: Ի հարկէ, եթէ  
Բոլորն այնպէս է, ինչպէս պատմում ես,  
Ինքս էլ Նաթանին լաւ չեմ հասկանում:—  
Բայց առ այժմ նա իմ բարեկամն է,  
Եւ ես չեմ ուզում, իրար հետ կռուին  
Բարեկամներս: Ահա խորհուրդս.  
Չգոյշ կաց և իսկոյն մի՛ ձգիր նորան  
Քո ժողովուրդի մոլեռանդների  
Հալածանքի տակ: Չասես այն բանը,  
Որով ձեր կզերը ինձ կը բողբէ  
Նորանից իւր վրէժն առնելու համար  
Եղեր քրիստոնեայ—բայց ոչ հակառակ  
Մի մուսուլմանի, կամ մի հրէայի:

ՏԱՃԱՐԱԿԱՆ

Պոքր մընաց, որ արդէն ուշ լինէր:

Շնորհակալութիւն մեր պատրիարքի  
Արիւնածարաւ բընաւորութեան:  
Ես սարսափում եմ մի գործիք լինել  
Այն մարդու ձեռին:

ՍԱԼԱԴԻՆ

Ի՛նչ: Դու դեռ ինձ մօտ

Չեկած՝ գընացիր պատրիարքի մօտ:

ՏԱՃԱՐԱԿԱՆ

Ինձ յափշտակեց կիրքը, ինձ շփոթեց  
Տարակուսանքը:— Ներիր ինձ, սուլթան:—  
Ես վախնում եմ, որ այսուհետեւ  
Ել չեմ գտնելու իմ մէջ նմանութիւն  
Քո Ասադի հետ.

ՍԱԼԱԴԻՆ

Այդ երկիւղն մէջ

Եւս գտնում եմ: Կարծում եմ, գիտեմ  
Ի՛նչ սխալմունքներից ծրլում ծաղկում է  
Առաքինութիւնն: Այսուհետեւ էլ  
Հեռեւիր նորան և սխալմունքներդ  
Շատ չեն վընասի քեզ ինձ մօտ:— Չիմա  
Գընա՛, որոնիր Նաթանին, ինչպէս  
Մինչև հիմա նա որոնում էր քեզ.  
Եւ բեր նրան այստեղ: Պէտք է երկուսիդ  
Համաձայնեցնեմ:— Եթէ դու սրտանց  
Աշխատում ես այն աղջկայ համար,  
Հանդիստ կաց, քոնն է: Նաթանին նոյնպէս  
Մենք կը հասկացնենք, որ յանդգնել է  
Նա մի քրիստոնեայ մանուկ մեծացնել  
Առանց խոզի մսի:— Դէհ, հիմա զընա՛:

(Տաճարականը դուրս է գնում և Զիտտան թողնում է բազմոցը:)

### ՀԻՆԳԵՐՈՐԴ ԵՐԵՒՈՅԹ

ՍԱԼԱԳԻՆ Կ ԶԻՏՏԱ

ԶԻՏՏԱ

Զարմանալի է:

ՍԱԼԱԳԻՆ

Ի՞նչ կասես, Չիտա,

Միթէ գեղեցիկ երիտասարդ չէ՞ր

Ասադ եղբայրս:

ԶԻՏՏԱ

Թէ նա այդպէս էր,

Եւ այս պատկերը նորանն է ե ոչ

Տաճարականի: — Ի՞նչպէս մոռացար

Հարցնել, սվէին նորա ծնողները

ՍԱԼԱԳԻՆ

Մանաւանդ թէ ով էր նորա մայրը:

Արդեօք եղիլ է երբէք նա այստեղ: —

Այնպէս չէ՞:

ԶԻՏՏԱ

Լան ես:

ՍԱԼԱԳԻՆ

Շատ կարելի է: —

Ասադ եղբայրս շատ սիրելի էր

Բրիտանոնայ կանանց և ինքն էլ այնքան

Սիրում էր նոցա, որ մինչև անգամ

Խօսք կար երբեմն: — Սակայն հերիք է:

Ինձ անսխորժ է խօսել այդ մասին: —

Նա նորից իմն է — իմը կը լինի

Իւր սխալանքներով, իւր փափուկ րափ

Հաճոյքներովը: — Նախանը պէտք է

Աղջկան սայ նորան: Գու ի՞նչ ես կարծում:

ԶԻՏՏԱ

Տայ: Պէտք է թողնէ:

ՍԱԼԱԳԻՆ

Անպատճառ: Եթէ

Նախանը իրաւ նորա հայրը չէ,

Եւ ի՞նչ իրաւունք ունի նորա վրայ:

Ով որ պահպանեց աղջկայ կեանքը

Ունի աւելի իրաւունք նրա վրայ,

Քան թէ նա, ով որ կեանք տուեց նորան:

ԶԻՏՏԱ

Բայց ի՞նչ ես կարծում, Սալաղին, արդեօք

Լաւ չէ, որ խկոյն իւր ապօրինի

Տիրոջ ձեռիցը խըլես աղջկան

Եւ բերես այստեղ:

ՍԱԼԱԳԻՆ

Միթէ անպատճառ

Հարկաւոր է այդ:

ԶԻՏՏԱ

Առ այժմ դեռ ոչ: —

Հետաքրքրութիւնն է ինձ միայն ստիպում,

Որ տալիս եմ քեզ ես այս խորհուրդը:

Կան մարդիկ, որոնց մասին ես սաստիկ

Հետաքրքիր եմ շուտով իմանալ,

Թէ արդեօք նոքա ի՞նչպիսի աղջկեկ

Կարող են սիրել:

ՍԱԼԱԳԻՆ

Ուրեմն ուղարկիր,

Բերել տուր նորան:

ԶԻՏՏԱ

Կարո՞ղ եմ, եղբայր:

ՍԱԼԱԳԻՆ

Միայն խընայիր Նախանին, Չիտա:

Թող նա չըկարծէ, թէ մենք ուզում ենք

Աղջկան բռնի հեռացնել նրանից:

ԶԻՏՏԱ

Միամիտ եղբր:

ՍԱԼԱԴԻՆ

Ես էլ այժմ ինքս

կերթամ իմանալ, ո՞ւր է ՍԼ - Հաջին:

**ՎԵՑԵՐՈՐԴ ԵՐԵՒՈՅԹ**

Նարանի տան բակը, արմաշենիների  
կողմը, ինչպէս առաջին գործողութեան  
առաջին երեւոյթում:

Ապրանքների մի մասը հանած դարսած է այնտեղ և խօսքը նորա մասին է:

ՆԱԹԱՆ և ԴԱՅԱ

ԴԱՅԱ

Շատ գեղեցիկ է, հիանալի է,

Բոլորն էլ լաւ է:— Միայն դուք զիտէք

Այդպէս ընծայել: Այս արծաթաթիւն

կերպարը արդեօք ի՞նչտեղ են շինում:

Որքան արժէ սա:— Ա՛յ, իմ կարծիքով

Պըսակի հալաւ: Ոչ մի թագուհի

Պահանջելու չէ սորանից լաւը:

ՆԱԹԱՆ

Պըսակի հալաւ, ինչի՞ անպատճառ

Պըսակի հալաւ:

ԴԱՅԱ

Ի հարկէ որ դուք

Չէիք մըտածում այդ մասին, երբ որ

Առնում էիք այդ: Այս կտորը, Նաթան,

Իսկ և իսկ հարսի հալաւացու է:

Կարծես զիտութեամբ գործել է տուած:

Տեղը լոյս սպիտակ—պատկերացնում է

Անմեղութիւնը և նորա վերայ

Ամեն կողմ ձգուող ոսկէ շերտերը—

Հարսութիւնը: Հիանալի է,

Նաթան, մի տեսէք:

ՆԱԹԱՆ

Ինչե՞ր ես խօսում:

Ո՞վ է այդ հարսը, որի հալաւը

Այդպէս զարդարում ես խմստութեամբ

Այդ նշաններով: Մի՞թէ հարս ես դու:

ԴԱՅԱ

Ե՞ս, ես:

ՆԱԹԱՆ

Ապա ո՞վ

ԴԱՅԱ

Ե՞ս:— Տէր Աստուած, ես:

ՆԱԹԱՆ

Ապա ուրիշ ո՞վ: Ո՞ր հարմացուի

Պսակի հալաւի մասին ես խօսում:

Այս բոլորը միայն քեզ է պատկանում

Եւ ոչ ուրիշին:

ԴԱՅԱ

Ի՞նձ է պատկանում:

Բոլորը ի՞մն է: Ապա Բէխային:

ՆԱԹԱՆ

Բէխայի համար բերած բաները

Տեղաւորել եմ ուրիշ հակի մէջ:

Դէհ, Իայս, վեր առ տար քո գանձերը:

ԴԱՅԱ

Ո՞վ փորձիչ:— Ո՛չ, ո՛չ: Թէև տայիք ինձ

Բոլոր աշխարհի հարստութիւնը,

Ես ձեռք չեմ տայ, մինչև որ իսկոյն

Չերգուի էք, ինձ, Նաթան, որ օգտուելու էք

Գուք այդ զիպուածից, որի նմանը  
Ել երկրորդ անգամ չի տայ երկինքը:

ՆԱԹԱՆ

Օգտուիլ, ի՞նչ բանից: Այդ ի՞նչ զիպուած է:

ԳԱՅԱ

Ո՛հ, մի՛ անտեղեակ ձևանաք այդպէս:—  
Ի՞նչ երկարացնեմ: Տաճարականը  
Բէխային սիրում է, տուէք նորան:  
Այդպէս կը քաւէք, Նաթան, ձեր մեղքը,  
Որ էլ աւելի չեմ կարող ծածկել:  
Այդպէս աղջկան կը վերագարձնէք  
Քրիստոնեաներին, և նա կը լինի  
Ինչ որ էր և է. և այն ժամանակ  
Գուք ձեր բարութեամբ, որի համար մենք  
Պարտական ենք ձեզ, ժողովելու չէք ձեր զլելին  
Միայն վառած ածուխներ

ՆԱԹԱՆ

Ելե՛ հին երգը —

Նոր եղանակով, բայց վախենում եմ  
Ներդաշնակութիւնը չը խանդարուի:

ԳԱՅԱ

Այդ ի՞նչպէս, Նաթան:

ՆԱԹԱՆ

Ինձ շատ յարմար է

Տաճարականը, միմիայն նորան  
Ամբողջ աշխարհում յօժար էի տալ  
Ես իմ Բէխային... Միայն համբերիր:

ԳԱՅԱ

Ելե՛ համբերիր:— Ահա այդ էլ ձեր  
Մշտական երգն է:

ՆԱԹԱՆ

Միայն քանի մի օր  
Ելե՛ համբերիր... Տես, ո՞վ է գալիս:

Վանական եղբայր: Հարցրու, իմացիր,  
Ի՞նչ է ուզում նա:

ԳԱՅԱ

Ի՞նչ պիտի ուզէ:

(Գայան մօտենում է վանականին:)

ՆԱԹԱՆ

Գեռ չը խնդրած, տուր:

(Ինքն իրան.)

Ինչպէս մօտենամ

Տաճարականին, առանց ասելու  
Նորան պատճառն իմ հետաքրքրութեան:  
Բայց եթէ ասեմ և իմ կասկածը  
Անհիմն դուրս գայ, այն ժամանակը  
Ի դուր կը խառնեմ հօրն այս գործի մէջ  
(Գայային:)

Հ՞ը, ինչ է ասում:

ԳԱՅԱ

Նա ձեզ է ուզում:

ՆԱԹԱՆ

Թող ներս գայ. իսկ դու առ այժմ գընա՛:

### ԵՕԹՆԵՐՈՐԴ ԵՐԵՒՈՅԹ

ՆԱԹԱՆ և ՎԱՆԱԿԱՆ

ՆԱԹԱՆ (Ինքն իրան.)

Ի՞նչպէս ուզում եմ ես դարձեալ մընալ  
Բէխայի հայրը:— Բայց մի՛թէ էլի  
Չեմ կարող հայր մնալ, թէև չը կրեմ  
Ել այդ անունը: Բայց նա, նա էլի  
Ինձ հայր կանուանէ, երբ որ կիմանայ,  
Թէ ի՞նչպէս սրտով ուզում եմ լինել  
Ես նորա հայրը:

(Վանականին:)

Բարեպաշտ եղբայր,

Ինչո՞վ կարող եմ ես ձեզ ծառայել:

ՎԱՆԱԿԱՆ

Շատ փոքր բանով:— Անչափ ուրախ եմ  
ես, պարոն Նաթան, որ ձեզ տեսնում եմ  
Առողջ անվնաս:

ՆԱԹԱՆ

Ուրեմն, եղբայր,

ձանաչում էք ինձ:

ՎԱՆԱԿԱՆ

Ո՞վ չէ ձանաչում:

Արդէն շատերի ձեռին դրոշմել էք  
Դուք ձեր անունը: Դա արդէն վաղուց  
Ծանօթ է և ինձ:

ՆԱԹԱՆ (քսակը հանելով.)

Ուրեմն եկէք

Նորոգենք մեր հին ծանօթութիւնը:

ՎԱՆԱԿԱՆ

Շատ շնորհակալ եմ: Ոչինչ չեմ առնի:  
Ինչի՞ գողանամ աղքատներիցը:—  
Իրաւունք տուէք, որ ես զարթեցնեմ  
Ձեր յիշողութեան մէջ իմ անունը:  
Ես էլ կարող եմ պարծինալ, որ ձեր  
Ձեռին դրել եմ այնպիսի մի բան,  
Որ դուք ընդունել չարհամարհեցիք:

ՆԱԹԱՆ

Ներեցէք, եղբայր— Ես ամաչում եմ:  
Ասացէք ի՞նչ է— և եօթնապատիկ  
Առէք ինձանից տուածի փոխարէն:

ՎԱՆԱԿԱՆ

Առաջ լսեցէք, թէ ի՞նչպէս ինքս  
Այսօր յիշեցի իմ ձեզ պահ տուած  
Աւանդի մասին:

ՆԱԹԱՆ

Աւանդ, ձեզանից

Եւ ինձ պահ տուած:

ՎԱՆԱԿԱՆ

Շատ ժամանակ չէ

ձգնում էի ես կարանտանայում  
Երիբոնի մօտ: Յանկարծ աւազակ  
Արաբներն եկան, քանդեցին խուցս ու  
Աղօթարանս և ինձ իրանց հետ  
Քշեցին տարան: Բաղդաւորաբար  
Աղատուեցայ ես և եկայ այստեղ  
Պատրիարքի մօտ, որ ինդրեմ նրանից  
Ինձ մի ուրիշ տեղ, ուր կարողանամ  
Առանձնանալով ծառայել Աստծուն  
Մինչև երկաւոր կեանքիս վախճանը:

ՆԱԹԱՆ

Մի տանջէք, եղբայր: Կարծես թէ վառուած  
Ածուխների վրայ լինեմ ես կանդնած.  
Մի երկարացնէք. Աւանդը, որ դուք  
Ինձ պահ էք տուել:

ՎԱՆԱԿԱՆ

Խախտն կասեմ ձեզ:—

Պատրիարքը ինձ խոստացաւ մի խուց  
Թափոր լերան վրայ հէնց որ մէկն այնտեղ  
Դատարկ կը լինի. և առ ժամանակ  
Պահեց ինձ վանքում իբրև սպասաւոր.  
Եւ ահա այսպէս մընացի այստեղ,  
Եւ օր չի անցնի, որ հազար անգամ  
Ձրքաշէ սիրտս ինձ դէպի Թափոր:  
Պատրիարքը ինձ յանձնում է այստեղ  
Այնպիսի գործեր, որոնք ինձ համար  
Շատ զգուելի են: Ահա՛ օրինակ....

ՆԱԹԱՆ

Եղբայր, վերջացրէք, աղաչում եմ ձեզ:

ՎԱՆԱԿԱՆ

Այդ տեղ եմ գալիս:— Մէկ ով որ այսօր  
Ծածուկ հասցրել է նորա ախանջին,  
Իբր ազրում է այստեղ մի հրէայ,

Որ իւր տան մէջ մի քրիստոնեայ մանուկ  
Մեծացնում է նա իբրև իւր դուստր:

ՆԱԹԱՆ

Ի՞նչպէս:

ՎԱՆԱԿԱՆ

Լըսեցէք:— Եւ մի այդպիսի  
Սրբապղծութեան վերայ զայրացած,  
Սրբապղծութիւն, որ նա իսկական  
Մեղք է համարում Սուրբ Հոգու առաջ—  
Կա է այն մեղքը, որ մեղքերի մէջ  
Ամենամեծն է, թէև, փառք Աստուծոյ,  
Ինքներս անգամ ուղիղ չը զիտենք,  
Թէ ի՞նչ բանի մէջ է այդտեղ մեղքը—  
Հրամայեց, որ ես, ինչտեղ և լինի,  
Իսկոյն գտնեմ այն հրէայի հետքը:  
Այդտեղ զարթեցաւ յանկարծ իմ խիղճը  
Եւ ես յիշեցի, որ ինքս երբեմն  
Առիթ եմ տուել այդ աններելի  
Մեղքը գործելու:— Ասացէք, արդեօք  
Տասնևութ տարի սորանից առաջ  
Չը բերեց ձեզ մի ձիաւոր զինուոր  
Մի փոքրիկ աղջիկ քանի մի շաբաթուան.

ՆԱԹԱՆ

Բայց ի՞նչ.— Ի հարկէ— իրաւ այդպէս է:—

ՎԱՆԱԿԱՆ

Ուրեմն մի լաւ նայեցէք դուք ինձ:—  
Այդ ձիաւորը ես ինքս եմ

ՆԱԹԱՆ

Դ՞ուք էք:

ՎԱՆԱԿԱՆ

Եւ այն պարոնը, որ երեխային  
Ուղարկեց ձեզ մօտ— որքան յիշում եմ—  
Պարոն Ֆիլինէկն էր— Պարոն Վօլֆ Ֆիլինէկ:

ՆԱԹԱՆ

Այո՛, այդպէս է:

ՎԱՆԱԿԱՆ

Մայրն այդ միջոցին

Նոր էր վախճանել, և հայրը պէտք է—  
Եթէ չեմ սխալվում— շտապով գնար Գացցա,  
Ուր երեխային չէր կարող տանել,  
Եւ այդ պատճառով ձեզ մօտ ուղարկեց:  
Կարծեմ Կարանում հանդիպեցայ ձեզ:

ՆԱԹԱՆ

Այո՛, Կարանում:

ՎԱՆԱԿԱՆ

Ջարմանալի չէ,

Որ ինձ սխալեցնէ յիշողութիւնս:  
Ես քաջ պարոններ շատ եմ ունեցել,  
Բայց դորան շատ կարճ ժամանակ միայն  
Ծառայեցի ես: Շուտով նա ընկաւ  
ձակատամարտում Ասկալոնի մօտ.  
Բայց պէտք է ասել, շատ լաւ պարոն էր:

ՆԱԹԱՆ

Այո՛, շատ լաւն էր: Եւ նորան անչափ  
Շատ եմ պարտական: Եւ քանի անգամ  
Աղատել է նա ինձ սրի տակից:

ՎԱՆԱԿԱՆ

Շատ գեղեցիկ է: Ուրեմն ի հարկէ  
Աւելի սիրով կը խրնամ էիք  
Դուք նորա աղջկան:

ՆԱԹԱՆ

Ի՞նչ ասել կուզէ:

ՎԱՆԱԿԱՆ

Բայց այժմ սուր է նա: Անշուշտ մեռել չէ:—  
Ո՛չ, ո՛չ, լաւ է որ մեռած չը լինի:—

Եթէ չըզիտէ ոչ որ այդ բանը,  
Միամիտ եղէք:

ՆԱԹԱՆ

ձշմարիտ:

ՎԱՆԱԿԱՆ

Նաթան,

Հաւատացէք ինձ: Տեսէք, ես ահա  
Այսպէս եմ կարծում: Երբ մտադիր եմ  
ես մի այնպիսի բարի գործ գործել,  
Որին շատ մօտիկ սահմանակից է  
Մի սաստիկ վատը, լաւ է չեմ գործի  
Այն բարի գործը. որովհետեւ մենք  
Վատը բաւական լաւ ճանաչում ենք,  
Բայց բարին — գծուար: — Շատ բընական է,  
Որ եթէ դուք այն քրիստոնեայ աղջկան  
Պէտք է տայիք լաւ դաստիարակութիւն,  
Ապա անպատճառ պիտի կրթէիք  
Նորան իբրև ձեր հարադատ աղջկան: —  
Այո, արեւ էք դուք այդ մեծ սիրով,  
Հաւատարմութեամբ, և հիմա այսպէս  
Պիտի վարձատրուիք: Ես չեմ հասկանում:  
Ինչ ասել կուզէ, խոհեմութիւն էր  
Ձեր կողմից եթէ քրիստոնեայ աղջկան  
Իբրև քրիստոնեայ մեծացնել տայիք  
Ուրիշ ձեռով: Բայց այն ժամանակ —  
Հասկանալի է — էլ չէիք սիրի  
Դուք երեսային ձեր բարեկամի:  
Երեխաներին քնքոյշ հասակում  
Հարկաւոր է սէր, թէև վայրենի  
Գազանի մի սէր, աւելի քան թէ  
Քրիստոնէութիւն: Այդ բանի համար  
Դեռ ժամանակ կայ: Եթէ աղջկան  
Մեծացրել էք դուք ձեր աչքի տակը  
Առողջ, երկիւղած, ապա Աստուծոյ  
Աչքի առաջ նա նոյնն է, ինչ որ էք:

Եւ միթէ բոլոր քրիստոնէութիւնն  
Հրէութեան վերայ չէ հիմնած: Յաճախ  
Նեղացել եմ ես և շատ արտասուել,  
Որ մոռանում են քրիստոնեաները,  
Որ մեր Փրկիչը ինքն էլ հրէայ էր:

ՆԱԹԱՆ

Դուք, բարի եղբայր, պիտի բարեխօս  
Լինիք ինձ համար, երբ իմ դէմ կանգնին  
Այդ բանի համար ատելութիւնն ու  
Կեղծաւորութիւնն: — Այդ բանը պէտք է  
Միայն դուք իմանաք, բայց պէտք է ձեզ հետ  
Գերեզման տանիք: Դեռ ևս երբէք  
Մնապարծութենից ստիպուած պատմել չեմ  
ես այդ ուրիշին: Միայն ձեզ եմ պատմում,  
Միայն ձեր երկիւղած պարզմտութեանը,  
Որովհետեւ միայն դա կը հասկանայ,  
Թէ ինչ մեծ գործեր կարող է անել  
Մի մարդ, որ Աստուծն է ապաւինել:

ՎԱՆԱԿԱՆ

Նաթան, շարժուած էք և լաց էք լինում:

ՆԱԹԱՆ

Դուք ինձ դարանում տուիք այն երեխան.  
Բայց դուք ի հարկէ դուցէ չըզիտէք,  
Որ քանի մի օր նորանից առաջ  
Քրիստոնեաները սպանեցին Գաթում  
Բոլոր հրէաներին առանց խնայելու  
Ոչ կանանց, ոչ էլ երեխաներին:  
Անշուշտ չըզիտէք որ և իմ կինը  
Եւ ծաղկափթիթ եօթը որդիքս  
Նոցա մէջ էին. նոցա իմ եղբոր  
Տանն էի պահել, ուր և այրեցին  
Բոլորին մէկտեղ

ՎԱՆԱԿԱՆ

Ո՛վ արդար Աստուած:

ՆԱԹԱՆ

Երբ որ դուք եկաք, ամբողջ երեք օր  
 ընկած էի ես մոխրում ու փոշում  
 Աստուծոյ առաջ և լալիս էի:—  
 Ինչ, լալիս էի: Ես Աստուծոյ վերայ  
 Գանդատում էի, բարկանում էի,  
 Կատաղում էի, ինձ և աշխարհը  
 Անհիծում էի: Երգուեցի լինել  
 Անհաշտ թշնամի քրիստոնէութեան:

ՎԱՆԱԿԱՆ

Ա՛խ, հաւատում եմ:

ՆԱԹԱՆ

Բայց կամաց կամաց  
 Խեղքս զուլսս եկաւ և հեզիկ ձայնով  
 Ասաց ինձ այսպէս. «էլի կայ Աստուած,  
 Եւ այդ բոլորը նորա վճիռն էր:  
 Ապա ուրեմն եկ արա՛, ինչ որ  
 Վաղուց է արդէն որ հասկացել ես.  
 Ինչ որ աւելի դժուար չէ անել  
 Անկասկած, քան թէ խելքով ըմբռնել:  
 Վեր կաց:» — Վեր կացայ և բարձր ձայնով  
 Կանչեցի Աստուծուն. ես կամենում եմ,  
 Երբ որ քո կամքն է, որ ես կամենամ:—  
 Եւ այդ միջոցին դուք ձիւաց իջաք  
 Եւ ինձ յանձնեցիք փոքր երեսային,  
 Որ ծածկել էիք ձեր վերարկուով:  
 Թէ ինչ ասացիք ինձ այն ժամանակ,  
 Կամ ինչ ասացի ես ձեզ, միտս չէ:  
 Այսքան միայն զիտեմ, որ երեսային  
 Առայ ձեր ձեռից, տարայ իմ տունը,  
 Համբուրում էի, և ծունկ խոնարհած  
 Լալիս, հեկեկում: Աստուած իմ, Աստուած,  
 Ազաղակեցի, ահա իմ կորցրած  
 Եօթը զաւակից այս մէկին կրկին  
 Վերադարձրիր ինձ:

ՎԱՆԱԿԱՆ

Նաթան, ո՞վ Նաթան,  
 Դուք քրիստոնէայ էք:— Վըկայ է Աստուած  
 Կուք քրիստոնէայ էք, ձեզանից լաւը  
 Երբէք չէ եղել:

ՆԱԹԱՆ

Այո՛, երկուս էլ

Մենք երջանիկ ենք: Որովհետեւ այն,  
 Ինչով ձեզ համար ես քրիստոնէայ եմ,  
 Նոյնով ինձ համար դուք մի հրէայ էք:—  
 Բայց հերիք շարժենք իրար սրտերը:  
 Այժմ պէտք է գործ: Եւ թէպէտ արդէն  
 Ես եօթնապատիկ սիրով կապուած եմ  
 Այս մէկ հատ և ինձ օտար աղջկայ հետ,  
 Թէպէտ ինձ համար մահ է այն միտքը,  
 Որ ես նորա մէջ կրկին պիտ' կորցնեմ  
 Եօթը որդիքս,— բայց եթէ նորան  
 Ինձանից կրկին յետ կը պահանջէ  
 Նախախնամութիւնն — ես կը հնազանդ իմ:

ՎԱՆԱԿԱՆ

Այժմ կատարեալ քրիստոնէայ էք դուք:—  
 Իսկոյն ես ինքս ուզում էի ձեզ  
 Այդ խորհուրդը տալ բայց արդէն տուել է  
 Ձեզ այդ խորհուրդը ձեր բարի հոգին:

ՆԱԹԱՆ

Միայն ի հարկէ երբէք թող չեմ տայ,  
 Որ նորան ինձնից խլէ ով և լինի:

ՎԱՆԱԿԱՆ

Ի հարկէ որ ոչ:

ՆԱԹԱՆ

Ով որ ինձանից

Մեծ իրաւունքներ չունի նորա վրայ,  
 Գոնեա աւելի հին իրաւունքներ:—



ՎԱՆԱԿԱՆ

Այո՛, անպատճառ:

ՆԱԹԱՆ

Իրաւունք բնութեան,

Արեւակցութեան:

ՎԱՆԱԿԱՆ

Ես համաձայն եմ

Ձեր կարծիքի հետ:

ՆԱԹԱՆ

Ուրեմն շուտով

Ասացէք, եղբայր, ո՞վ է այն մարդը  
Որ նորան եղբայր է, կամ հօրեղբայր,  
կամ որ և իցէ կերպով ազգական,  
Եւ ես յետ կըտամ նորան Ռէխային,  
Որ այնպէս ստեղծուած և մեծացրած է,  
Որ կարող է զարդ լինել ամեն տան  
Եւ ամեն կրօնի:—Ես յոյս ունիմ, որ  
Ինձնից աւելի լաւ էք ճանաչում  
Դուք ձեր պարօնի ազգականներին:

ՎԱՆԱԿԱՆ

Ո՛չ, բարի Նախնան, դժուար թէ ձեզնից  
Լաւ ճանաչեմ ես:—Ինչպէս ասացի,  
Նորան կարճ միջոց ծառայեցի ես:

ՆԱԹԱՆ

Գոնէ չը գիտէք մայրն ինչ ազգից էր,  
Արդեօք Շտաուֆէն չէր:

ՎԱՆԱԿԱՆ

Շատ կարելի է:

Այո՛, կարծեմ որ:

ՆԱԹԱՆ

Կօնրադ Ֆօն Շտաուֆէն

Ձեր կոչվում արդեօք նորա եղբայրը —  
Մի տաճարական:

ՎԱՆԱԿԱՆ

Եթէ չեմ սխալվում:

Սպասեցէք, ահա՛, լաւ միտս եկաւ:  
Ես իմ հանգուցեալ պարօնից ունիմ  
Մի փոքրիկ զրբոյի, որ նորա ծոցից  
Հանեցի, երբ որ Ասկալօնի մօտ  
Թաղում էինք նրան:

ՆԱԹԱՆ

Յետոյ:

ՎԱՆԱԿԱՆ

Այդ գիրքը

Բովանդակում է իւր մէջ աղօթքներ,  
Եւ մենք ասում ենք զորան ժամագիրք:—  
Մտածեցի, որ քրիստոնեայ մարդուն  
Հարկաւոր գիրք է:—Ինձ ի հարկէ, ոչ—  
Որովհետեւ ես կարգալ չը գիտեմ:—

ՆԱԹԱՆ

Այդ ոչինչ, ոչինչ: Շարունակեցէք:

ՎԱՆԱԿԱՆ

Ահա՛ այդ գրքի սկզբի և վերջին  
Երեսները վրայ, ինչպէս ասացին,  
Պարօնս ինքը իւր ձեռով գրել է  
Թէ իւր, թէ կընոջ ազգականներին:

ՆԱԹԱՆ

Ո՛հ, ինչ ուրախ եմ: Գնացէք, շուտ բերէք  
Ինձ մօտ այն գիրքը:—Շուտ բերէք գիրքը  
Ես նորա քաջը սկի կը տամ ձեզ:  
Եւ հազար անգամ շնորհակալութիւն  
Կանեմ: Շտապեցէք:

ՎԱՆԱԿԱՆ

Մեծ ուրախութեամբ:

Բայց ո՞րտք է ասեմ, որ իմ պարօնը  
Արաբերէն է, գրել նորա մէջ:

(Դուրս է գնում:)

ՆԱԹԱՆ

Այդ մի և նոյն է, միայն թէ բերէք:  
 Աստուած իմ, եթէ էլի հնար լինէր  
 Պահել աղջկան և մի այդպիսի  
 Փեսայ գընէի ես ինձ նորանով:—  
 Դժուար:— Թող լինի, ինչ որ ուզում է  
 Բայց պատրիարքին ո՞վ է ասել այդ:  
 Այդ բանը պէտք է որ ես իմանամ:  
 Ո՞վ գիտէ, գուցէ և Դայան լինի:

ՈՒԹԵՐՈՐԴ ԵՐԵՒՈՅԹ

ԴԱՅԱ և ՆԱԹԱՆ

ԴԱՅԱ (չտապով և շփոթուած.)

Նախնի:

ՆԱԹԱՆ

Հը, ի՞նչ է:

ԴԱՅԱ

Խեղճ Բէխան, ինչպէս

Սաստիկ վախեցաւ: Մարդ է ուղարկել.....

ՆԱԹԱՆ

Ո՞վ, պատրիարքը:

ԴԱՅԱ

Սուլթանի քոյրը.....

ՆԱԹԱՆ

Ոչ պատրիարքը.....

ԴԱՅԱ

Ո՛չ, իշխանուհի

Զիտտան — լսում էք — ինքն իշխանուհին:

Մարդ է ուղարկել և կամենում է

Բէխային տանել:

ՆԱԹԱՆ

Ո՞վ է կամենում

Բէխային տանել: — Զիտտան, ասում ես —

Հա եթէ միայն նա է կանչողը,

Ոչ պատրիարքը.....

ԴԱՅԱ

Ո՞րտեղից յանկարծ

Յիշեցիք նորան:

ՆԱԹԱՆ

Ուրեմն, Դայա,

Ոչինչ չե՞ս լսել դու նորա մասին,

Կամ ինքդ ոչինչ չե՞ս ասել նորան:

ԴԱՅԱ

Ես նորան:

ՆԱԹԱՆ

Ո՞ր են եկած մարդիկը:

ԴԱՅԱ

Այնտեղ են, դուրսը:

ՆԱԹԱՆ

Զգուշութեան համար

Ես ինքս պէտք է խօսիմ նոցա հետ. —

Ով գիտէ, գուցէ և պատրիարքը

Խառն է այս բանում:

(Դուրս է գնում.)

ԴԱՅԱ

Ես վախենում եմ

Մի ուրիշ բանից: Պատրաստ եմ գրազ գալ,

Որ մոռուցմանի համար էլ վատ չէ

Այսպիսի հարուստ հրէայի միակ

Համարած դուտորը: — Տաճարականը

Մի ակնթարթում կը կորցնէ նորան:

Կը կորցնէ նորան, եթէ որ չանեմ

Ես մի երկրորդ քայլ, եթէ չը յայտնեմ

Իրան Բէխային, թէ ինքը ով է: —

Համարձակ, Դայա: Այդ բանի համար

Ես կը գործածեմ առաջին բոպէն,

Երբ ես նորա հետ մենակ կը լինիմ. —

Գուցէ հիմա իսկ, երբ հետը կերթամ:

Այսպէս մի նշան տալ ճանապարհին,

Կարծում եմ, ոչինչ վընաս չի բերի:

Ապա համարձակ: Ա՛յժմ, կամ երբէք:

(Դուրս է գնում Նախնի ետևից.)

# ՀԻՆԳԵՐՈՐԴ ԳՈՐԾՈՂՈՒԹԻՒՆ

## ԱՌԱՋԻՆ ԵՐԵՒՅԹ

աշն սենեակը Սաղադիկի պաշատում, ուր  
քերուեցան փողով պարկերը եւ դեռ դար-  
ասծ եւն աշնտեղ:

ՍԱԼԱԳԻՆ, փոքրից յետոյ ՄԱՄԵԼԻԿ ԵՆԵՐ

ՍԱԼԱԳԻՆ (ներս մտնելով.)

Ահա, դեռ ևս այստեղ է փողը  
եւ մարդ չը գիտէ, ուր է գէրվելը,  
Որ անշուշտ մի տեղ շախ է խաղում այժմ,  
եւ միտքը այնպէս տուել է խաղին,  
Որ մոռացել է անգամ իւր զուխը —  
Ի՞նչ զարմանք, որ ինձ մոռացած լինի: —  
Լաւ, կը համբերեմ. ի՞նչ ունիս, ասա:

ՄԱՄԵԼԻԿ

Ցանկալի լուր եմ բերել քեզ, սուլթան,  
եւ ուրախութիւն: Ահա անջնաս  
Հասաւ կարավանը Գահիրէից  
եւ իւր հետ բերեց հարուստ Նեղոսի  
եօթը տարեկան բոլոր հարկերը:

ՍԱԼԱԳԻՆ

Ապրիս, Իբրահիմ: Իրաւ ցանկալի  
Համբաւաբեր ես: — Վերջապէս եկաւ:  
Շատ շնորհակալ եմ. լաւ համբաւ բերիր:

ՄԱՄԵԼԻԿ

(Սպասելով, ինքն իրան.)

Յետոյ, վերջացրու:

ՍԱԼԱԳԻՆ

Եւ ի՞նչ ես սպասում:

Կարող ես գընալ:

ՄԱՄԵԼԻԿ

Եւ ուրիշ ոչինչ,

Սուլթան, ցանկալի համբաւաբերին:

ՍԱԼԱԳԻՆ

Եւ ի՞նչ:

ՄԱՄԵԼԻԿ

Ինձ պէս լաւ համբաւաբերին  
Ոչ էլ հացի փող: — Այսպէս ուրեմն  
եւ առաջինն եմ, որի վըայ ահա  
Սուլթան Սալադինը սովորում է  
Գատարկ բառերով միայն վարձատրել: —  
Այդ էլ պարծանք է — ես առաջինն եմ,  
Որի հետ այսպէս կծծի է վարվում:

ՍԱԼԱԳԻՆ

Ուրեմն ան քեզ ահա մի քրսակ:

ՄԱՄԵԼԻԿ

Ոչ, էլ չեմ ուզում, թէև բոլորը  
Ինձ ընծայէիր:

ՍԱԼԱԳԻՆ

Կամակոր — ահա,

Ե՛կ, աներկուսը: — Իրաւ, գընում է:  
Ինձնից վեհանձն է: — Անշուշտ, պէտք է որ  
Աւելի ծանր լինի նորա համար  
Չընդունել, քան թէ ինձ համար տալը: —  
Իբրահիմ: — Ինչո՞ւ յանկարծ իմ կեանքի  
վերջին օրերին ես բոլորովին  
Ուզեցի փոխուիլ: — Մի՞թէ չէ ուզում:

Սալաղինն իբրև Սալաղին մեռնիլ :—  
Ուրեմն պէտք է, որ և չէր ապրել  
իբրև Սալաղին:

ԵՐԿՐՈՐԴ ՄԱՄԵԼԻԻԿ

Սուլթան....

ՍԱԼԱԳԻՆ

Եթէ դու

Գալիս ես յայտնել.....

ԵՐԿՐՈՐԴ ՄԱՄԵԼԻԻԿ

Որ եզրպտոսից

կարաւանն արդէն հասաւ վերջապէս:

ՍԱԼԱԳԻՆ

Ես արդէն գիտեմ:

ԵՐԿՐՈՐԴ ՄԱՄԵԼԻԻԿ

Ուրեմն ուշացայ:

ՍԱԼԱԳԻՆ

Ո՛չ, չես ուշացել:—Ա՛ն քեզ ք՞ բարի  
Յանկութեան համար մէկ կամ երկու քսակ:

ԵՐԿՐՈՐԴ ՄԱՄԵԼԻԻԿ

Այդ երեք կանէ:

ՍԱԼԱԳԻՆ

Լաւ, ա՛ռ, եթէ դու

կարող ես համրել:

ԵՐԿՐՈՐԴ ՄԱՄԵԼԻԻԿ

Երբորդն էլ կը գայ—

Եթէ միայն նա գալ կարողանայ:

ՍԱԼԱԳԻՆ

Ի՞նչպէս:

ԵՐԿՐՈՐԴ ՄԱՄԵԼԻԻԿ

Նա անշուշտ վեղը կտորել է,

Որովհետև երբ հաստատ իմացանք,

Որ կարաւանը արդէն հասել է,

Իսկոյն երեքս ձիաների վրայ

Թռանք այս կողմը: Առաջինը շուտ

Վայր ընկաւ ձիուց և այդպէս ինքս

Ես առաջ անցայ և առաջ մնայի  
Մինչև քաղաքը, բայց այդտեղ արդէն  
Իբրահիմը իմ առաջը անցաւ,  
Ինձնից աւելի ծանօթ լինելով  
Քաղաքի բոլոր փողոցներն հետ:

ՍԱԼԱԳԻՆ

Բայց նա, բարեկամ, որ ձիուց ընկաւ:—  
Գնա՛, շտապիր նորան դիմաւորելու:

ԵՐԿՐՈՐԴ ՄԱՄԵԼԻԻԿ

Ահա գընումեմ:—Եւ թէ դեռ ևս  
Կենդանի է նա, այս քըսակների  
Կէսը կը ստանայ:

(Գուրս է գնում):

ՍԱԼԱԳԻՆ

Տես, թէ ինչ բարի,

Ազնիւ տղայ է:—Ապա ո՞վ ունի

Մամէիւկներիս պէս կտրիճ մարդիկ:

Միթէ իրաւունք չունի՞մ ես կարծել,

Որ իմ օրինակն է նոցա կրթել:—

Ուրեմն հեռու ինձնից այն միտքը,

Վերջին օրերում մի այլ օրինակ

Տալ նոցա:

ԵՐԿՐՈՐԴ ՄԱՄԵԼԻԻԿ

Սուլթան:

ՍԱԼԱԳԻՆ

Արդեօք նա՞ ես դու,

Որ ձիուց ընկաւ:

ԵՐԿՐՈՐԴ ՄԱՄԵԼԻԻԿ

Ո՛չ, ես գալիս եմ

Յայտնել, որ իսկոյն ձիուց իջնում է

Էմիր Մանգորը, որ կարաւանը

Առաջնորդում էր:

ՍԱԼԱԳԻՆ

Շուտ գնա և ինձ մօտ

Հրաւիրիր նորան:—Ահա՛ նա ինքը:

**ԵՐԿՐՈՐԴ ԵՐԵՒՈՅԹ**

**ԷՄԻՐ ՄԱՆՁՕՐ Կ ՍԱԼԱԴԻՆ**

**ՍԱԼԱԴԻՆ**

Բարո՛վ, իմ էմիր:— Ի՞նչ համբաւ ունիս:  
Մանզօր, շատ երկար սպասեցինք մենք քեզ:

**ՄԱՆՁՕՐ**

Այս նամակից դու կը տեղեկանաս,  
Ինչ խռովութիւններ նախ պիտի զսպէր  
Աբուլկասէմը թէքայում, մինչև  
Համարձակեցանք ճանապարհ ընկնիլ:  
Ապա շտապեցի, որքան հընար էր:

**ՍԱԼԱԴԻՆ**

Հաւատումեմ քեզ:— Սիրելի Մանզօր.  
Առ իսկոյն, իսկոյն.... Բայց միայն պէտք է  
Սիրով անես այդ.... իսկոյն առ քեզ հետ  
Պահապան մի գունդ: Դու պէտք է իսկոյն  
ձանապարհ ընկնիս և այդ փողերի  
Մեծ մասը հօրս տանես Վիբանան:

**ՄԱՆՁՕՐ**

Պատրաստ եմ սիրով և յօժարութեամբ:

**ՍԱԼԱԴԻՆ**

Բայց տես, որ գունդը փոքր չըլինի:  
Վիբանանի մօտ էլ առաջուայ պէս  
Ապահով չէ այժմ: Արդեօք լսել ես:  
Տաճարականներն էլ սկսել են  
Առաջ գալ: Զգո՛յշ կաց:— Եկ զընանք, ցոյց տուր  
Ինձ կարաւանը: Ես կամենում եմ  
Ինքս ամեն բան կարգադրել:— Յետոյ  
Այնտեղից կերթամ Ձիտտա քրոջս մօտ:

**ԵՐԿՐՈՐԴ ԵՐԵՒՈՅԹ**

**արձաւեկները Նաթանի տան առաջ:**

**ՏԱՃԱՐԱԿԱՆ**

(Մենակ ման է գալիս յետ ու առաջ:)

Ո՛չ, տուն չեմ մտնի:— Անշուշտ վերջապէս  
Ինքը դուրս կը գայ:— Նրբեմն այնպէս շուտ  
Եւ յօժարութեամբ նկատում էին  
Ինձ այստեղ:— Գուցէ բանն այնտեղ հասնի,  
Որ նա արգելէ ինձ այսպէս շուտ շուտ  
Գալ իւր տան առաջ:— Հը՛մ:— Ես չափից դուրս  
Նեղսիրտ եմ և չար:— Ինչէ՞ նորա վրայ  
Այսքան բարկացայ:— Զէ՞ որ նա ասաց,  
Որ դեռ չէ մերժում նա իմ խնդիրքը:  
Եւ Սալադինը յանձն առաւ նորան  
Համաձայնեցնել:— Ի՞նչ. մի՞թէ իրաւ  
Աւել յամառ քրիստոնեայ եմ ես,  
Քան թէ նա հրէայ:— Ո՛վ, արդեօք իրան  
Լաւ է ձանաչում: Թէ չէ ինչէ՞ ես  
Զուգեցի ներել նորա այն փոքր  
Յափշտակութիւնն, որ նա արել է  
Քրիստոնեաներից:— Ի հարկէ չէ փոքր  
Յափշտակութիւն այդ արարածը:—  
Բայց ո՛ւմ արարած:— Անշուշտ ոչ սորկի,  
Որ անտաշ քարը ձգել է կեանքի  
Դատարկ, ամայի ծովափի վերայ  
Եւ ինքը գնացել, այլ այն վարպետի,  
Որ այն դէն ձգած քարին կերպարանք  
Տուեց աստուածային:— Թող քրիստոնեայի  
Մտունը լինի Բէխան, բայց էլ նորա  
ձշմարիտ հայրը է և յաւիտեան  
Կը լինի հրէան:— Եթէ Բէխային  
Համարեմ միայն քրիստոնեայ աղջեկ

Առանց այն բոլոր բաների, ինչ որ  
 Սորա պէս հրէան կարող էր տալ նրան,  
 Սիրտ, իմ սիրտ, աստ, ի՞նչ կայ նորա մէջ,  
 Որ քեզ գրեւէր: Ոչինչ. եւ նոյն իսկ  
 նորա ժպիտը, թէև դա լինէր  
 Գեղեցիկ, քնքոյշ ցնցումն նորա  
 Մկանունքների, թէև այն, ինչ որ  
 Ժպտեցնում է նրան, լինէր անարժան  
 Այն չքնադուլթեան, որ զարդարում է  
 նորա ժպիտը. — ոչ, մինչև անգամ  
 նոյն իսկ ժպիտը չէր կարող գրաւել:  
 Ո՛չ, ևս աւելի գեղեցիկ ժպիտ  
 Շատ եմ տեսել ես ծաղրող, կատակող  
 եւ շողջորթող հեշտասէր կանանց  
 Շրթունքների վերայ: — Մի՞թէ այդ բանը  
 կախարհել է ինձ: Մի՞թէ զգացել եմ  
 երբէք ցանկութիւն յաւիտեան ապրել  
 Այդ ժպիտի պայծառ ճառագայթներում:  
 Ո՛չ, ես չեմ յիշում: Եւ հիմա ինքս  
 Անբաւական եմ այն մարդուց, որ այդ  
 Մեծ արժանիքը տուել է նորան: —  
 Բայց ի՞նչպէս, ինչե՞: — Բայց ինչ, եթէ որ  
 Իրաւ արժանի եմ ես այն ծաղրին,  
 Որով արձակեց ինձ Սալադինը:  
 Արդէն շատ վատ է, որ Սալադինը  
 Այդպիսի կարծիք ունի իմ մասին:  
 Ո՛հ, ինչպէս ստոր և արհամարհելի  
 Պիտի երևիմ ես նորա աչքին: —  
 Եւ այդ բոլորը մի աղջկայ համար: —  
 Կ՛ուրդ, Կ՛ուրդ, այդ լաւ չէ: Յետ դառիր: Գուցէ  
 Շատախօս Գայան ասաց ինձ մի բան,  
 Որ անհնար է ապացուցանել: —  
 Ահա, վերջապէս դուրս եկաւ տանից:  
 Այն ո՛վ է հետը: Ո՛ւմ հետ է խօսում:  
 Վահ, վանականն է: — Անկասկած արդէն  
 Բոլորը զիտէ, և պատրիարքին

Արդէն մատուած է: — Ո՛վ խելագարս,  
 Այս ի՞նչ արի ես: — Ո՛հ, ինչպէս այրեց  
 Այս կրքի մի հաս կայծը ուղեղս: —  
 Պէտք է շուտ վճռեմ իմ անելիքը:  
 Այստեղ մի կողմը կըսպասեմ նորան,  
 Մինչև վանականը կը հեռանայ:

### ՉՈՐՐՈՐԴ ԵՐԵՒՈՅԹ

ՆԱԹԱՆ և ՎԱՆԱԿԱՆ ԵՂԲԱՅՐ  
 ՆԱԹԱՆ (մօտենալով նորան.)  
 Ո՛վ բարի եղբայր, էլի մի անգամ  
 Յայտնում եմ ձեզ իմ շնորհակալութիւնն:  
 ՎԱՆԱԿԱՆ  
 Ես էլ նմանապէս:  
 ՆԱԹԱՆ  
 Դուք էլ նմանապէս:  
 Ի՞նչ բանի համար: Որ յամառութեամբ  
 Ստիպում էի ձեզ ընդունել, ինչ որ  
 Հարկաւոր չէ ձեզ: — Այո՛, եթէ որ  
 Համաձայնէիք. եթէ բռնութեամբ  
 Չը կամենայիք աւելի հարուստ  
 Լինել, քան թէ ես:  
 ՎԱՆԱԿԱՆ  
 Առանց դորան էլ  
 Չէ որ այն զիրքը ինձ չէ պատկանում,  
 Այլ այն աղջկան, և է իւր հօրից  
 Մընացած բոլոր ժառանգութիւնը: —  
 Բայց ոչինչ: Այժմ ձեզ պէս հայր ունի: —  
 Միայն Աստուած տայ երբէք չափսոսաք,  
 Ինչ որ արել էք դուք նորա համար:  
 ՆԱԹԱՆ  
 Ի՞նչպէս կարող եմ ափսոսալ: Երբէք:  
 Միամիտ եղէք:  
 ՎԱՆԱԿԱՆ  
 Բայց պատրիարքը,

Տաճարականը....

ՆԱԹԱՆ

Երբէք չեն կարող

Նոքա ինձ անել այնքան չարութիւն,  
որ ես ակոսում իմ արածները:—  
Ուրեմն հաստատ գիտէք, որ իմ դէմ  
Այդպէս զրգուում է պատրիարքին  
Մի տաճարական:

ՎԱՆԱԿԱՆ

Ուրիշը—դժուար:

Ինձանից առաջ հետը խօսում էր  
Մի տաճարական, և իմ լըսածը  
Համարեա այդ էր:

ՆԱԹԱՆ

Բայց այժմ այստեղ

Երուսաղէմում միմիայն մէկ հատ  
Տաճարական կայ: Դորան ես ինքս  
Դաւեմ ճանաչում. իմ բարեկամն է,  
Ազնիւ և անկեղծ մի երիտասարդ:

ՎԱՆԱԿԱՆ

Իսկ ձեր ասածն է:—Բայց ինչ որ մարդն է  
Եւ ինչ որ պիտի լինի աշխարհում,  
Այդ երկու բանը միշտ չեն յարմարվում:

ՆԱԹԱՆ

Ափսոս, այդպէս է:—Ուրեմն թող ով  
Եւ կուզէ լինի, անէ իւր ուզած  
Չարը կամ բարին. ձեր զիրքը ձեռիս,  
Եղբայր, ոչ ռքից էլ չեմ վախենում  
Եւ այն հետս առած՝ ահա ես խելոյն  
Ուղղակի զընումեմ սուլթանի մօտ:

ՎԱՆԱԿԱՆ

Աստուած տայ ձեզ բաղդ և յաջողութիւն:  
Հիմա մնաք բարով:

ՆԱԹԱՆ

Դուք մինչև անգամ

Չը տեսաք աղջկան:—Բայց շուտ շուտ եկէք,  
Եթէ միայն այսօր ոչինչ չիմանայ  
Ձեր պատրիարքը:—Բայց ի՞նչ: Այսօր իսկ  
Ասացէք նորան, եթէ ուզում էք:

ՎԱՆԱԿԱՆ

Ո՛չ, ես չեմ ասի: Մընացէք բարով:  
(Դուրս է գնում):

ՆԱԹԱՆ

Չը մոռանաք մեզ, եղբայր:—Աստուած իմ,  
Ինչե՞ք ես խելոյն չեմ կարող այստեղ  
Բաց երկնքի տակ ծնկներիս վերայ  
Ընկնել քո առաջ: Ի՞նչպէս ինքն իրան  
Ահա լուծվում է այժմ կնձիւր,  
Որ այնքան յաճախ վախեցնում էր ինձ:—  
Տէր Աստուած, ի՞նչպէս թեթեւ է սիրտս,  
Որ այսուհետև ստիպուած չեմ ոչինչ  
Ծածկել աշխարհից, որ այսուհետև  
Նոյնպէս համարձակ կարող եմ քայլել  
Ես մարդկանց առաջ, ինչպէս քո առաջ:—  
Դու միայն, ո՛վ Աստուած, երբէք չես դատում  
Քո ստեղծած մարդուն իւր գործերովը,  
Որոնք շատ հաղել նորա գործերն են:

### ՀԻՆԳԵՐՈՐԴ ԵՐԵՒՈՅԹ

ՆԱԹԱՆ և ՏԱՃԱՐԱԿԱՆ, որ մօտենում է նորան մի կողմից:

ՏԱՃԱՐԱԿԱՆ

Սպասեցէք, Նաթան, առէք ինձ ձեզ հետ:

ՆԱԹԱՆ

Ո՞վ է կանչում ինձ:—Այդ դուք էք, ասպետ:  
Ո՛ւր էիք գնացել, որ սուլթանի մօտ  
Չը տեսայ ես ձեզ:

ՏԱՃԱՐԱԿԱՆ

Գնալիս մենք իրար

Չը հանդիպեցանք: Մի ցաւիք:

ՆԱԹԱՆ

Ես ոչ,

Բայց Սալադինը:

ՏԱՃԱՐԱԿԱՆ

Դուք նորա մօտից

Նոր էիք գնացել....

ՆԱԹԱՆ

Ուրեմն տեսաք

Նորան, խօսեցաք: Շատ լաւ է:

ՏԱՃԱՐԱԿԱՆ

Բայց նա

Երկուսիս մէկտեղ ուզում է տեսնել:

ՆԱԹԱՆ

Այդ աւելի լաւ: Ուրեմն գընանք:

Առանց դորան էլ ես գընում էի

Այժմ նորա մօտ:—

ՏԱՃԱՐԱԿԱՆ

Կարող եմ հարցնել,

Նաթան, այն ո՞վ էր, որ խօսոյն ահա

Հեռացաւ ձեզնից:

ՆԱԹԱՆ

Անկասկած նորան

Չէք ճանաչում դուք:

ՏԱՃԱՐԱԿԱՆ

Արդեօք բարեփրա

վանականը չէր, որին իբր լրտես

Մառայեցնում է մեր պատրիարքը:

ՆԱԹԱՆ

Շատ կարելի է: Նա ծառայում է

Պատրիարքի մօտ:

ՏԱՃԱՐԱԿԱՆ

Վատ միտք չէ սկսել

Իւր չար գործերը նրա պէս պարզամիտ

Մի մարդու ձեռով:

ՆԱԹԱՆ

Յիմար պարզամիտ—

Բայց ոչ բարեպաշտ:

ՏԱՃԱՐԱԿԱՆ

Ոչ մի պատրիարք

Երբէք հաւատում չէ բարեպաշտին:

ՆԱԹԱՆ

Այս եղբօր համար երաշխաւոր եմ:

Ոչ մի անվայել գործում չի օգնի

Նա պատրիարքին:

ՏԱՃԱՐԱԿԱՆ

Գոնեա այդպէս

Երևում է նա:— Բայց նա ձեզ ոչինչ

Չսաց իմ մասին:

ՆԱԹԱՆ

Ձեր մասին: Ոչինչ:

Դժուար թէ զիտէ նա ձեր անունը:

ՏԱՃԱՐԱԿԱՆ

Դժուար թէ զիտէ:

ՆԱԹԱՆ

Այո՛, ի հարկէ,

Մի տաճարական ասպետի մասին

Խօսում էր ինձ հետ....

ՏԱՃԱՐԱԿԱՆ

Եւ ի՞նչ էր ասում:

ՆԱԹԱՆ

Բայց չեմ կարծում, որ ձեզ էր ակնարկում:

ՏԱՃԱՐԱԿԱՆ

Ով զիտէ, Նաթան: Ասացէք տեսնեմ:

ՆԱԹԱՆ

Իբր թէ ինձ վրայ մի տաճարական

Գանձատ է արել պատրիարքի մօտ....



ՏԱՃԱՐԱԿԱՆ

Գանգա՞տ է արեւ ձեզ վըայ:— Այդ սուտ է—  
 Լսեցէք, Նաթան:— Ես այն մարդը չեմ,  
 Որ կարողանամ արածս ուրանալ:  
 Ինչ որ արել եմ, կասեմ արել եմ:  
 Բայց երբէք բոլոր իմ արածները  
 Ես չեմ պաշտպանի իբրև բարի գործ:  
 Ինչի՞ ամաչեմ ես իմ սխալմունքից,  
 Երբ որ պատրաստ եմ սխալմունքս ուղղել:  
 Եւ ես լաւ գիտեմ, թէ ո՞ւր կարող է  
 Հասցընել մարդուն այդ ցանկութիւնը.—  
 Լսեցէք, Նաթան:— Իրաւ ես եմ այն  
 Տաճարականը, որ վանականի  
 Ասելով, մասնեց ձեզ պատրիարքին:—  
 Դուք զիտէք, ինչից վըղովեցայ ես,  
 Ինչից արիւնս եռաց իմ բոլոր  
 Երակների մէջ: Ո՞վ խելագարս—  
 Ես եկայ ձեզ մօտ, որ հոգևով մարմնով  
 Ընկնեմ ձեր զիրկը: Բայց ի՞նչպէս արդեօք  
 Ընդունեցիք ինձ.— ցուրտ— և անտարբեր.  
 Բայց լաւ էր, թէ ցուրտ, քան թէ անտարբեր:  
 Դուք ուզում էիք ազատուիլ ինձնից,  
 Անտեղի հարցեր առաջարկելով:  
 Այժմ էլ չեմ կարող յիշել այդ բանը  
 Եւ չըվըղովիլ:— Լսեցէք, Նաթան:—  
 Եւ երբ ես այդպէս վըղոված էի,  
 Յանկարծ գողի պէս մօտեցաւ Դայան  
 Եւ ուղեղիս մէջ ձգեց մի գաղտնիք,  
 Որ, իմ կարծիքով, բացատրում էր ձեր  
 Անհասկանալի վարմունքը ինձ հետ:

ՆԱԹԱՆ

Այդ ի՞նչպէս:

ՏԱՃԱՐԱԿԱՆ

Թողէք, խօսքս վերջացնեմ:—  
 Ես կարծում էի, թէ դուք չէք ուզում

կրկին յետ դարձնել մի քրիստոնեային,  
 Ինչ որ մի անգամ արդէն խլել էիք  
 Քրիստոնեաներից: Եւ այդպէս ահա  
 Վճռեցի առանց այլևայլութեան,  
 Լաւ համարեցի դանակի ծայրը  
 Ուղղել ձեր կուրծքին:

ՆԱԹԱՆ

Լաւ համարեցիք:—

Ի՞նչն է այդտեղ լաւ:

ՏԱՃԱՐԱԿԱՆ

Լսեցէք, Նաթան:—

Անշուշտ լաւ չարի: Դուք մեղաւոր չէք:  
 Այն անմիտ Դայան, ինքն էլ չը գիտէ,  
 Թէ ինչ է խօսում: Նա ձեզ ատում է—  
 Եւ այդ պատճառով ուզում է ձգել  
 Ձեզ փորձանքի մէջ:— Շատ կարելի է:—  
 Ես թեթևամիտ երիտասարդ եմ,  
 Յափշտակվում եմ ծայրահեղութեամբ.  
 Կամ շատ ջերմեռանդ եմ, կամ անտարբեր:  
 Ի հարկէ այդ էլ կարող է լինել:  
 Ներկեցէք, Նաթան:

ՆԱԹԱՆ

Ի՞հարկէ, երբ որ

Այդպէս էք խօսում....

ՏԱՃԱՐԱԿԱՆ

Կարձ ասեմ, գնացի

Պատրիարքի մօտ, —բայց ձեր անունը  
 Չասացի նորան: Ինչպէս ասացի,  
 Սուտ են ասել ձեզ: Ես միայն պատմեցի  
 Նորան զիպուածը, ինչ է իմանամ  
 Նորա կարծիքը:— Ի հարկէ այդ էլ  
 Շատ աւելորդ էր, որովհետև ես  
 Արդէն գիտէի, որ պատրիարքը  
 Անպիտան մարդ է: Մի՞թէ չէի կարող  
 Ուղղակի ձեզ հետ խօսել այդ մասին:

Ի՞նչ հարկաւոր էր ենթարկել աղջկան  
 Ձեզ պէս մի հօրից զըկուելու վտանգին:—  
 Բայց այստեղ ի՞նչ կայ: Մեր պատրիարքի  
 Անպիտանութիւնն, որ միշտ մընում է  
 Անփոփոխ, կրկին ուշքի բերեց ինձ:—  
 Լսեցէք, Նաթան, ասեմ բողոքը:—  
 Դիցուք, թէ զիտէ նա ձեր անունը.  
 Աւելի էլ ի՞նչ, էլ ի՞նչ աւելի —  
 Նա կարող է խլել աղջկան ձեզանից  
 Եթէ նա ձերն է, ոչ ուրիշինը:  
 Կարող է միայն հանել ձեր տանից  
 Եւ վանքը տանել:—Ուրեմն սուէք  
 Նորան ինձ, սուէք, ապա թող դայ նա:  
 Տեսնենք, թէ ի՞նչպէս կը համարձակի  
 Խըլել կրնո՞ջա:—Տուէք ինձ նորան,  
 Տուէք ինձ, Նաթան:—Թող նա ձեր գուստը  
 Լինի, չը լինի, թող հրէայ լինի,  
 Կամ թէ քրիստոնեայ և կամ ոչ մէկը,  
 Այդ բողոքովին նոյն է ինձ համար:  
 Ես ձեզ այդ մասին չեմ հարցնի ոչ այժմ,  
 Ոչ ուրիշ անգամ երբէք իմ կեանքում:  
 Թող լինի, ինչպէս որ լինելու է:

ՆԱԹԱՆ

Գուցէ կարծում էք, թէ հարկաւոր է  
 Ինձ համար ծածկել ճշմարտութիւնը:

ՏԱՃԱՐԱԿԱՆ

Թող լինի, ինչպէս որ լինելու է:

ՆԱԹԱՆ

Ես ոչ ձեր, ոչ էլ ուրիշի առաջ —  
 Որին այդ բանը պէտք է զիտենալ —  
 Երբէք չեմ ժխտել, թէ քրիստոնեայ է  
 Բէխան, և թէ նա իմ որդեգիրն է  
 Եւ ոչ թէ գուստը:—Բայց որ չեմ յայտնում  
 Նորան այդ բանը, այդ մասին պէտք է  
 Ինձ արդարացնեմ միայն նորա առաջ:

ՏԱՃԱՐԱԿԱՆ

Ո՛չ, հարկաւոր չէ ձեզ արդարանալ  
 Եւ նորա առաջ: Թողէք, որ նա ձեզ  
 Երբէք չընայէ ուրիշ աչքերով:  
 Ոչինչ մի յայտնէք:—Այլ և դեռ ևս  
 Գուք էք նրա տէրը: Տուէք ինձ նորան.  
 Նաթան, խնդրում եմ, սուէք ինձ: Միայն ես  
 Եւ երկրորդ անգամ կարող եմ փրկել  
 Նորան ձեզ համար:

ՆԱԹԱՆ

Գուք կարող էիք:—

Բայց այժմ էլ ոչ: Այժմ արդէն ուշ է:

ՏԱՃԱՐԱԿԱՆ

Ի՞նչպէս թէ ուշ է:

ՆԱԹԱՆ

Շատ շնորհակալ եմ

Ես պատրիարքից:

ՏԱՃԱՐԱԿԱՆ

Գուք շնորհակալ էք

Նորանից: Արդեօք ի՞նչ բանի համար:

ՆԱԹԱՆ

Որ այժմ զիտենք ո՞վ են Բէխայի  
 Ազգականները, որ այժմ զիտենք,  
 Թէ ո՞ւմ կարող ենք ապահով կերպով  
 Յանձնել մենք նորան:

ՏԱՃԱՐԱԿԱՆ

Թող դորա համար

Շնորհակալ լինի նորանից, ով որ  
 Այլ բանի համար պարտական է նրան:

ՆԱԹԱՆ

Եւ դուք Բէխային պիտի նոցանից  
 Ստանաք, ոչ ինձնից:

ՏԱՃԱՐԱԿԱՆ

Խեղճ Բէխա — Ինչե՞ր

Չըփորձեցիր դու:—Այն, ինչ որ ուրիշ  
Որբերի համար բաղդաւորութիւն  
Պիտի համարուի, քեզ համար միայն  
Անբաղտութիւն է:—Նախնիս—ասացէք,  
Ո՞ր են ի էխայի ազգականները

ՆԱԹԱՆ

Ո՞ր են:

ՏԱՃԱՐԱԿԱՆ

Եւ ո՞վ են:

ՆԱԹԱՆ

Առ այժմ միայն

Եղբայրն է յայտնի: Նորանից պիտի  
Խնդրէք ի էխային:

ՏԱՃԱՐԱԿԱՆ

Եղբայր: Ո՞վ է նա,

Չինուոր է նա, թէ հոգևորական:—

Ի՞նչ յոյս կարող եմ ունենալ նրանից:

ՆԱԹԱՆ

Ես կարծում եմ, որ նա ոչ մէկն էլ չէ

Կամ քերական էլ է: Դեռ ևս նորան

Լաւ չեմ ճանաչում:

ՏԱՃԱՐԱԿԱՆ

Բայց ընդհանրապէս:

ՆԱԹԱՆ

Նա ազնիւ մարդ է: Ի էխային նրա մօտ

Վատ չէ լինելու:

ՏԱՃԱՐԱԿԱՆ

Բայց քրիստոնեայ է:—

Նախնիս, երբեմն չեմ հասկանում ձեզ—

Խնդրում եմ ինձ վրայ չընեղանաք դուք—

Միթէ չե՞ ստիպուի ինքն էլ քրիստոնեայ

Ձեանալ ի էխան, երբ որ քրիստոնեայ

Ազգականների հետ կեանք կը վարէ:

Միթէ վերջապէս չի դառնայ նա այն,  
Ինչ որ ձեանում էր երկար միջոց  
Միթէ վերջապէս անպիտան խտրը  
Չի խեղդի ցորենը, որ ցանեւ էք:—  
Եւ դորա մասին այնքան անհոգս էք,  
Որ ինձ ասում էք, թէ վատ չի ապրի  
Ի էխան եղբօր հետ:

ՆԱԹԱՆ

Այդպէս եմ կարծում,

Այդպէս յոյս ունիմ:—Եթէ նորա մօտ

Նա մի բանի մէջ կարիք կունենայ,

Չէ որ ձեզ և ինձ էլի ունի նա:

ՏԱՃԱՐԱԿԱՆ

Ի՞նչ կարիք պիտի զգայ նա նորա մօտ

Միթէ չի հոգայ իւր քրոջ համար

Եղբայրը առատ կերակուր, հանդերձ,

Միրգ և զարդարանք: Քրոջը էլ ուրիշ

Ի՞նչ է հարկաւոր:—Իրաւ է, նորան

Էլի հարկաւոր է մի ամուսին—

Եղբայրը այդ էլ արդէն կը ճարէ

Իւր ժամանակին—մի լաւ քրիստոնեայ:—

Ո՞վ նախնիս, ինչպէս գեղեցիկ է ձեր

Ստեղծած հրեշտակը և ինչպէս այժմ

Պիտ' ապականեն նրան ուրիշները:

ՆԱԹԱՆ

Վնաս չունի: Նա միշտ էլի մեր սիրոյ

Արժանի կլինի:

ՏԱՃԱՐԱԿԱՆ

Իմ սիրոյ մասին

Մի ասէք այդպէս: Որովհետեւ նա

Թոյլ չի տայ խրլել իրանից ոչինչ,

Թէև դա լինէր շատ չնչին մի բան,

Թէև դա լինէր միայն լոկ անուշը:—

Սպասեցէք.—Արդեօք կասկած չէ տանում

Ի էխան, թէ ի՞նչ է պատահում իրան:

ՆԱԹԱՆ

Շատ կարելի է թէև չը գիտեմ  
Արդեօք ի՞նչ տեղեց:

ՏԱՃԱՐԱԿԱՆ

Ես էլ չը գիտեմ:—

Բայց ինչև իցէ պէտք է անպատճառ  
Իմանայ Ռէխան, թէ ինչ է սպառնում  
Նորան իւր բաղդը, և այդ նախ ինձնից  
Պիտի իմանայ: Ես միտք ունէի  
Չըտեսնել նորան, հետը չը խօսել  
Մինչև ես նորան իմը անուանել  
Չը կարողանամ: Այժմ այդ միտքը  
Թողի: Շտապում եմ:

ՆԱԹԱՆ

Կացէք, ո՞ր էք գնում:

ՏԱՃԱՐԱԿԱՆ

Նորա մօտ: Տեսնեմ արդեօք այդ աղջկայ  
Հոգին բաւական քաջութիւն ունի՞,  
Որ անէ միակ վճռական քայլը,  
Իրան արժանի:

ՆԱԹԱՆ

Այդ ո՞րն է:

ՏԱՃԱՐԱԿԱՆ

Այն է,  
Ել այսուհետև ոչ ձեզ և ոչ էլ  
Եղբօրը հարցնել—

ՆԱԹԱՆ

Ե՞լ:

ՏԱՃԱՐԱԿԱՆ

Հետևիլ ինձ.  
Թէև այդպիսով ստիպուէր նա դառնալ  
Մուսուլմանի կին:

ՆԱԹԱՆ

Կացէք: Դուք նորան

Տանը չէք գտնի: Նա սուլթանի քոյր  
Զիտտայի մօտ է:

ՏԱՃԱՐԱԿԱՆ

Շատ ժամանակ է:

Եւ ինչի՞ համար:

ՆԱԹԱՆ

Եւ թէ ուզում էք

Նորա եղբօրն էլ այնտեղ հանդիպել,  
Գընանք միասին:

ՏԱՃԱՐԱԿԱՆ

Եղբօրը, ո՞րի:

Զիտտայի՞ արդեօք, թէ Ռէխայինը:

ՆԱԹԱՆ

Շատ կարելի է և երկուսինը:

Եկէք գնանք, գընանք, խնդրում եմ ես ձեզ:  
(Նա դուրս է տանում նորան):

ՎԵՑԵՐՈՐԴ ԵՐԵՒՈՅԹ

Զիտտայի հարամխանէն:

ԶԻՏՏԱ և ՐԷԽԱ, խօսում են միմեանց հետ:

ԶԻՏՏԱ

Ի՞նչպէս ուրախ եմ, ո՞վ քաղցր աղջիկ,  
Որ քեզ տեսնում եմ: Միայն թէ մի՛ լինիր  
Տխուր և երկչոտ:— Ուրախ կաց, խօսիր  
Բաց ինձ քո սիրտը:

ՐԷԽԱ

Ո՞վ իշխանուհի:

ԶԻՏՏԱ

Րէխա, մի կանչիր ինձ իշխանուհի,  
Ոչ, Զիտտա կանչիր— բարեկամ և քոյր:—  
Մայր կանչիր:— Անշուշտ ես կարող էի  
Քո մայրը լինել:— Դու այդպէս մատաղ,

Խելօք և պարկեշտ: Ի՞նչ, չը գիտես զու  
Ի՞նչ չես կարդացել:

ՐԷԽԱ

Ինչ չեմ կարդացել:—  
Զիտտա, ծաղրումես փոքր և յիմար  
Քրոջը: Ես հազիւ կարող եմ կարդալ:

ԶԻՏՏԱ

Հազիւ կարող ես, ո՞վ զու սըտախօս:

ՐԷԽԱ

Փոքր ինչ կարդում եմ հօրս գրածը.  
Ես կարծում էի գրքերի մասին  
Է խօսքդ, Զիտտա:

ԶԻՏՏԱ

Այո՛, իմ խօսքն է  
Գրքերի մասին:

ՐԷԽԱ

Գրքեր կարդալը

Շատ զժուար է ինձ:

ԶԻՏՏԱ

Ճշմարիտ:

ՐԷԽԱ

Այո՛:

Հայրս այնքան շատ չէ սիրում սառը  
Գրագիտութիւնը, որ իւր անկենդան  
Նշաններովը ճնշում է միայն  
Մարդու ուղեղը:

ԶԻՏՏԱ

Այդ ի՞նչ ես ասում:—

Բայց և մի կողմից իրաւունք ունի:—  
Իսկ ինչ որ գիտես....

ՐԷԽԱ

Նորա բերանից

Միայն լսել եմ: Շատ բանի մասին

կարող եմ ասել, թէ ի՞նչպէս, ի՞նչտեղ  
Եւ ինչն համար ինձ սովորեցրել է:

ԶԻՏՏԱ

Այդպէս ի հարկէ մարդ սովորածը  
Լաւ է ըմբռնում: Այդպէս սովորում է  
Մարդ բոլոր հոգևով և միանգամայն:

ՐԷԽԱ

Անշուշտ և Զիտտան շատ չէ կարդացել,  
Կամ զուցէ ոչինչ էլ չէ կարդացել:

ԶԻՏՏԱ

Բայց ինչն այդպէս:— Ես չեմ պարծենում  
Գիտնականութեամբ:— Միայն ինչն այդպէս,  
Աստ՛ պատճառը, աստ՛ համարձակ:

ՐԷԽԱ

Նա այնպէս պարզ է և արդարամիտ  
Այնպէս անկեղծ է, այնպէս բընական.

ԶԻՏՏԱ

Յետո՞յ, վերջացրո՞ւ:

ՐԷԽԱ

Հայրս ասում է,

Որ միշտ այդպէս չէ շատ կարդացողը:

ԶԻՏՏԱ

Ո՛հ, ի՞նչ պատուական մարդ է քո հայրը:

ՐԷԽԱ

Այնպէս չէ՞ միթէ:

ԶԻՏՏԱ

Ի՞նչպէս զիտէ նա  
Ուղղակի հասնել իւր նպատակին:

ՐԷԽԱ

Շատ ճշմարիտ է:— Եւ ես այդ հօրը—

ԶԻՏՏԱ

Բայց ի՞նչ եղաւ քեզ, սիրելի Րէխա:

ՐԷԽԱ

Եւ ես այդ հօրը—

ԶԻՏՏԱ

Ինչի՞ ես լալիս:

ԲԷԽԱ

Եւ ես այդ հօրը — ո՛հ, պէտք է ասեմ —  
Օղ, օղ է ուզում իմ սիրտը...  
(Արտասուալից աչքերով ընկնում է նորա առաջ:)

ԶԻՏՏԱ

Սիրելի՛ քոյր իմ, ի՞նչ պատահեցաւ:  
ԲԷԽԱ

Եւ ես այդ հօրը պիտի կորցնեմ:

ԶԻՏՏԱ

Պիտի կորցնե՞ս: Ի՞նչպէս: — Հանգիստ կաց: —  
Ոչ երբէք: — Վեր կաց:

ԲԷԽԱ

Ի դուր չասացիր,  
Որ դու իմ քոյրն ես, իմ բարեկամն ես:

ԶԻՏՏԱ

Այո՛, քո քոյրն եմ, քո բարեկամն եմ: —  
Բայց միայն վեր կաց, թէ չէ ստիպուած եմ  
Օգնութիւն կանչել:

ԲԷԽԱ

(Սիրտ առնելով վեր է կենում):  
Ա՛խ, ներքի, ներքի —

Ցաւից մոռացայ քո ուլ լինելը:  
Զիտտայի առաջ չը պէտք է ողբալ  
Եւ յուսահատուիլ: Զիտտայի վերայ  
կարող է ազդել միայն սառն, անվզողով  
Բանականութիւնն: Եւ ում գործը որ  
Սա է պաշտպանում Զիտտայի առաջ  
Նա պիտի յաղթէ:

ԶԻՏՏԱ

Ասա՛, ի՞նչ բան է:  
ԲԷԽԱ

Ո՛վ իմ բարեկամ, իմ քոյր, մի՛ թոյլ տայ,

Սրբէք մի՛ թոյլ տայ, որ մի ուրիշ հայր  
փաթաթեն վզիս:

ԶԻՏՏԱ

Ուրիշ հայր, Բէխա,  
փաթաթեն վզի՞դ: Այդ ո՛վ կարող է,  
Ո՛վ է այդ ուզում:

ԲԷԽԱ

Իմ բարի և չար  
Դայան է ուզում: — Դու չես ճանաչում,  
Զիտտա՛, այդ բարի և չար Դայային:

Թող Աստուած ներէ նորան, թող Աստուած  
Վարձատրէ նորան. նա ինձ արել է  
Շատ լաւութիւն և շատ էլ վատութիւն:

ԶԻՏՏԱ

Վատութիւն, և քեզ — ուրեմն դժուար  
Բարի լինի նա:

ԲԷԽԱ

Ո՛չ, շատ բարի է:  
ԶԻՏՏԱ

Ո՛վ է այդ Դայան:  
ԲԷԽԱ

Քրիստոնեայ կին է,  
Որ մանկութենից մեծացրել է ինձ,  
Ա՛յնպէս մեծացրել: — Դու չես հաւատում: —

Նա միշտ ինձ համար եղել է իբրև  
Հարազատ մի մայր: — Աստուած, թող Աստուած  
Վարձատրէ նորան — Բայց նա ինձ նոյնպէս  
Շատ է վախեցրել, շատ է չարչարել:

ԶԻՏՏԱ

Ինչո՞վ և ինչի՞:  
ԲԷԽԱ

Ա՛խ այդ խեղճ կինը —  
Ինչպէս ասացի — մի քրիստոնեայ է —  
Նա ինձ սիրելով ստիպուած է տանջել: —  
Նա այն ցնորասէր կանանցից միին է,

Որոնք կարծում են, թէ զիտեն ուղիղ  
Միակ, ընդհանուր այն ճանապարհը,  
Որ մարդուն տանում է Աստուծոյ մօտ:

ՁԻՏՏԱ

Հիմա հատկացայ:

ՐԷԽԱ

Նորա ըզգում են

կարեորութիւն, որ ամեն մէկին,  
Ով որ չէ գրնում այդ ճանապարհով,  
Տանել նորա վրայ: — Ա. յի և չեն կարող  
Ուրիշ կերպ վարուիլ: Թէ ճշմարիտ է,  
Որ միակ ուղիղ ճանապարհն է այդ,  
Ի՛նչպէս կարող են անտարբեր մընալ  
Նօքա, երբ իրանց բարեկամներին  
Տեսնում են ուրիշ ճանապարհի վրայ —  
Որ նոցա դէպի յաւիտենական  
Կորուստն է տանում: Անկարելի է  
Մի և նոյն մարդուն ատել և սիրել: —  
Բայց այդ չէ, որ ինձ այժմ ստիպում է  
Բարձրաձայն զանգատ յայտնել նորա վրայ:  
Ես ուրախութեամբ այսուհետեւ էլ  
Կը համբերէի նորա խրատներին,  
Հառաչանքներին, սպառնալիքներին  
Եւ աղօթքներին. այդ բանը ինձ միշտ  
Աւիթ էր տալիս բարի, օգտակար  
Խորհրդածութեան: Իսկապէս ասել,  
Ո՛ւմ ցանկալի չէ զգալ իրան այնքան  
Թանգ և սիրելի ուրիշ համար,  
Որ մինչև անգամ անտանելի է  
Նորան մըտածել, որ նա յաւիտեան  
Պիտի կորցնէ մեզ:

ՁԻՏՏԱ

Շատ ճշմարիտ է:

ՐԷԽԱ

Բայց չափը անցաւ. և դորան դէմ զնել  
Չեմ կարող ես ոչ խորհրդածութիւն,

Ոչ համբերութիւն, ոչինչ:

ՁԻՏՏԱ

Ի՛նչ բանին:

ՐԷԽԱ

Ինչ որ նա խիոյն յայտնեց իբր գաղտնիք:

ՁԻՏՏԱ

Յայտնեց և խիոյն

ՐԷԽԱ

Ա. յո՛, հէնց հիմա:

Մենք այստեղ գալիս ճանապարհի վրայ  
Պատահեցանք մի քրիստոնէական  
Քանդուած տաճարին: Յանկարծ կանգնեց նա.  
Կարծես ինքն իւր հետ պատերազմում էր.  
Եւ թաց աչքերով նայում էր մէկ ինձ,  
Մէկ դէպի երկինք: «Յ՛կ», «ասաց նա ինձ»,  
«Յ՛կ այս տաճարի միջով անց կենանք:»  
Նա մտաւ, նորան հետեւում եմ ես,  
Եւ սարսափելով նայում եմ իմ շուրջ  
Աւերակներին: Նորից կանգնեց նա,  
Եւ ես տեսնում եմ ինձ մի կիսաւեր  
Սեղանի առաջ: Երեւկայիբ  
Իմ գրբութիւնը, երբ որ նա յանկարծ  
Ձեռները կցած և արտասուելով  
Ընկաւ իմ առաջ:

ՁԻՏՏԱ

Բարեսիրտ մանուկ:

ՐԷԽԱ

Եւ աստուածութեան անուամբ, որ այնտեղ  
Անշուշտ լսել է շատ ջերմ աղօթքներ,  
Անշուշտ գործել է պէտպէս հըրաշքներ,  
Նրդուեցնում է ինձ — ջերմ կարեկցութեամբ  
Նրդուեցնում է ինձ, խղձալ իմ անձը.  
Գոնեա ներել, որ պէտք է յայտնէ,  
Թէ ինչ իրաւունք ունի ինձ վերայ

Խոր եկեղեցին:

ՁԻՏՏԱ (ինքն իրան.)

Խեղճ աղջիկ: — Լսա այդ

Գուշակում էի:

ԲԷԽԱ

Նա սասաց, որ ես

Քրիստոնեայ եմ ծնել և մկրտուած եմ,  
Որ ես Նաթանի դուստրը չեմ, որ նա,  
Նա իմ հայրը չէ: — Աստուած իմ, Աստուած,  
Նա իմ հայրը չէ: — Ձիտտա, ո՞վ Ձիտտա,  
Ահա ես կրկին քո ոտն եմ ընկնում....

ՁԻՏՏԱ

Բէխա, մի՛ այգուկես, վեր կաց, շուտ վեր կաց: —  
Ահա եղբայրս քուլես է, — վեր կաց:

### ԵՅԹՆԵՐՈՐԴ ԵՐԵՒՈՅԹ

ՍԱԼԱԳԻՆ 4 ԱՌԱՋԻՆ ՆԵՐՔ

ՍԱԼԱԳԻՆ

Ի՞նչ է պատահե՛լ, Ձիտտա:

ՁԻՏՏԱ

Աստուած իմ:

Ուշքը վերան չէ:

ՍԱԼԱԳԻՆ

Ո՞վ է:

ՁԻՏՏԱ

Գու գիտես....

ՍԱԼԱԳԻՆ

Նաթանի դուստրը: Ի՞նչ է պատահել:

ՁԻՏՏԱ

Ուշքի եկ, որդեակ, — Ահա սուլթանը....

ԲԷԽԱ

(Ծնկների վերայ սողալով և կորագլուխ մտնելով է Սալադինին.)

Ես չեմ վեր կենայ — ես չեմ նայիլու

Սուլթանի դէմքին — ես չեմ գնայիլու

Նորա աչքերի, նորա ձախտի

Թէ բարութեան և թէ արդարութեան

Արտափայլութեամբ....

ՍԱԼԱԳԻՆ

Վեր կաց....

ԲԷԽԱ

Մինչև նոր:

Չը խոստանայ ինձ:

ՍԱԼԱԳԻՆ

Լա՛, է՛, լա՛, վեր կաց....

Ինչ կուզէ լինի խոստանում եմ քեզ:

ԲԷԽԱ

Խնդիրքս այս է, որ չը բաժանեն

Հօրս ինձանից և ինձ իմ հօրից: —

Ես դեռ չը գիտեմ, ո՞վ է այն մարդը,

Որ կամենում է իմ հայրը լինել —

Ոչ էլ ուզում եմ ես այդ գիտենալ:

Միթէ արի՛ւնը, միայն արի՛ւնն է

Մարդուն հայր շինում:

ՍԱԼԱԳԻՆ (բարձրացնում է նորառն.)

Ես հասկանում եմ —

Բայց ո՞վ էր արդեօք այնքան խոստաիրտ,

Որ և քո զխում ձգեց այդ միտքը: —

Միթէ այդ արդէն Թպացուցուած է:

ԲԷԽԱ

Երեւի: Դայան ասաց ինձ, որ նա

Այդ բանը լսել է իմ ծծմօրից:

ՍԱԼԱԳԻՆ

Ծծմօրից:

ԲԷԽԱ

Ա՛յո: Նա հոգին տալիս



Պարտք է համարել յայտնել նորան այդ:

ՍԱԼԱԴԻՆ

Ի՞նչ, հոգին տալն և ոչ ցնորուելն: —  
Կիցուք ուղեղ է: Ի հարկէ միայն  
Արիւնը դեռ ևս տալիս չէ մարդուն  
Հօր իրաւունքը, հազիւ երբեմն  
Միայն անասունին: Շատ, շատ, արիւնը  
Տալիս է միայն իրաւունք ստանալ  
Մեզ այդ անունը: — Գու՛մի՛ վախնար: —  
Գիտնա ինչ կանես, երբ որ երկու հայր  
Սկսեն իրար հետ քեզ համար կռուել —  
Երկուսին էլ թող, երրորդին հայր ա՛ —  
Ինձ, ինձ ա՛ն քեզ հայր:

ՋԻՏՏԱ

Ո՛հ, այդպէս արա՛:

ՍԱԼԱԴԻՆ

Ես շատ բարի հայր կը լինիմ քեզ համար: —  
Բայց կանց, աւելի լաւ բան միտս եկաւ: —  
Ինչ հարկաւոր են, ասա, քեզ հայրեր.  
Բայց եթէ մեռնին: Լաւ է վաղօրոք  
Որոնես մէկին, որ պիտի ապրի  
Քեզ հետ մինչև վերջ: Չունի՞ս այդպիսին....

ՋԻՏՏԱ

Մի կարմրեցնի:

ՍԱԼԱԴԻՆ

Ընդհակառակը

Ուզում եմ կարմրի: Կարմրիլը տգեղեն  
Գեղեցկացեում է, որքան աւելի  
Կը գեղեցկացնէ մի սիրուն աղջկան: —  
Մարդ եմ ուղարկել, որ կանչեն ինձ մտա  
Քո հայր Նաթանին և մի ուրիշին:  
Գուշակում չե՞ս դու, ո՞վ է ուրիշը =

Իրաւունք կը տա՞ն ինձ, Չիտաա:

ՋԻՏՏԱ

Եղբայր:

ՍԱԼԱԴԻՆ

Ահա, սիրելի, նորա առաջը  
Պիտի շատ կարմրիս:

ԲԵԽԱ

Ո՛ւ՛մ առաջ կարմրիմ....

ՍԱԼԱԴԻՆ

Խորամանկ աղջիկ: Ուրեմն դեղնիր,  
Եթէ ուզում ես. —  
(Մտնում է մի ստրկուհի և խօսում է Չիտաայի հետ.)

Արդէն եկել են:

ՋԻՏՏԱ

Լաւ: Ասա, թող գան: — Նորա են, եղբայր:

ՎԵՐՋԻՆ ԵՐԵԻՈՅԹ

ՆԱԹԱՆ, ՏԱՃԱՐԱԿԱՆ և ԱՌԱՋԻՆՆԵՐԸ

ՍԱԼԱԴԻՆ

Բարով էք եկել, իմ բարեկամներ: —  
Քեզ, Նաթան, պէտք է ամենից առաջ  
Յայտնեմ, որ հիմա, երբ որ կամենաս,  
Կարող ես փողոյ յետ ստանալ:

ՆԱԹԱՆ

Սուլթան:

ՍԱԼԱԴԻՆ

Հիմա ինքս քեզ կարող եմ փոխ տալ:

ՆԱԹԱՆ

Սուլթան:

ՍԱԼԱԴԻՆ

Իարաւանն արդէն եկել է:

Հիմա ես նորից այնպէս հարուստ եմ,  
ինչպէս վաղուց է, որ էլ չեմ եղել:—  
Ասա ինձ, որքան հարկաւոր է քեզ,  
որ մեծ գործ սկսես: Ես պիտեմ, որ և  
վաճառականը միշտ պատրաստ չունի  
Ձեռին մեծ գումար:

ՆԱԹԱՆ

Ի՞նչ հարկաւոր է

Առաջ այդ չնչին բանի վրայ խօսիլ:—  
Այստեղ տեսնում եմ արտասուող մի աչք,  
որ ցամաքեցնել այժմ ամեն բանից  
Աւելի ևս հարկաւոր է ինձ:

(Նա մտնում է Բէխային)

Դու լաց ետ եղել: Ի՞նչ է պատահել:—

Չէ՞ որ դեռ ևս դու իմ դուստրն ես:

ԲԵՒԱ

Հայր իմ:

ՆԱԹԱՆ

Ի՞նչք իրար լաւ ենք հասկանում:

Հերիք է, որդեակ, ուրախ, հանգիստ կաց:

Եթէ որ սիրտդ դեռ ևս քոյն է

Եթէ չէ սպառնում նորան այլ կորուստ—

Հօրդ չես կորցնի:

ԲԵՒԱ

Ո՛չ, ամենևին: Ես չեմ

ՏԱՃԱՐԱԿԱՆ

Ամենևին ո՞չ:— Ապա սխալուած եմ:

Ինչ բան որ կորցնել մնարի՞ չէ վախենում,

Երբէք չէ կարծել, թէ ունեցել է,

Ոչ էլ ցանկացել է այն ունենալ:—

Շատ լաւ:— Այժմ, նախան, բանը փոխուեցաւ:—

Սալադին, մենք քո հրամանով եկանք:

Բայց ես քեզ ի գուր խառնեցի զործում,

Ել մի՛ աշխատիր:

ՍԱԼԱԴԻՆ

Ելի՞ շտապեցար

Ո՛վ երիտասարդ:— Մի՞թէ ամեն բան զո՞ւր  
Պէտք է անպատճառ քո կամքով լինի,  
Յանկութիւնդ միշտ նախագրու շահուի:

ՏԱՃԱՐԱԿԱՆ

Ահա լսում ես, տեսնում ես, սուլթան: Ես

ՍԱԼԱԴԻՆ

Ի հարկէ— վատ է, որ դու աւելի  
Հաւաստի չէիր քո գործի մասին:

ՏԱՃԱՐԱԿԱՆ

Այժմ հաւաստի եմ:

ՍԱԼԱԴԻՆ

Ո՛վ որ այդպէս շատ

Պնդում է արած լաւութեան վերայ,

Նա այն լաւութիւնը յետ է առնում:

Քէ այդպէս լինէր ամեն աւազակ,

Որ կրակն է ընկնում ագահութենից,

Քեզ պէս հերոս է:

(Մտնում է Բէխային, որ ամեն նորան տաճարականի մօտ)

Ե՛կ, իմ սիրելի,

Ե՛կ, մի՛ այդպէս խիստ լինիր նորա հետ:

Եթէ նա այդպէս չը լինէր, այդպէս

Ձերմարին, հրպարտ, նա քեզ չէր փրկի:

Մէկը միւսի տեղ պիտի ընդունես:—

Ե՛կ, ամաչեցրո՞ւ նորան, արա այն,

Ինչ որ նա ինքը պէտք է արել էր

Ե՛կ, խոստովանիր նորան քո սերը

Եւ առաջարկիր քո սիրտն ու ձեռք:

Եւ եթէ նա քեզ վրա մերժէ, եթէ

Կր մոռանայ նա, ինչպէս այդ քայլով

Դու անհամեմատ շատ բան ես անում

Նորա համար, քան թէ նա քեզ համար...

Բայց ինչ է արել քեզ համար: Փոքր ինչ  
Ծուխ է կուլ տուել, մե՞ծ բան է արել  
Այն ժամանակը ոչինչ նմանութիւն

Զը կայ նորա և իմ Ասադի մէջ:  
Նա նորա դիմանին է միայն կըրում,  
Ոչ նորա սիրար: Ե՛կ, իմ սիրելի....

ՉԻՏՏԱ

Գնա՛, գնա՛, սիրելի: Աւելի մեծ է  
երախտիքը քան շնորհակալութիւնդ:

ՆԱԹԱՆ

Ո՛չ: Կաց, Սալադին, կաց, Գիտտա:

ՍԱԼԱԴԻՆ

Դու է՛լ:

ՆԱԹԱՆ

Այստեղ և մէկը նոյնպէս ձայն ունի:

ՍԱԼԱԴԻՆ

Ո՞վ է ուրանում: — Խօսք չըկայ, Նաթան,

Որ բարերարը այստեղ ձայն ունի,

Եւ թէ ուզում ես — առաջին ձայնը:

Տեսնում ես, Նաթան, բոլորը գիտեմ:

ՆԱԹԱՆ

Ո՛չ, դեռ չը գիտես: Խօսքս իմ մասին չէր:

Կայ մի ուրիշը, որին պէտք է նախ

Լսես, Սալադին:

ՍԱԼԱԴԻՆ

Ո՞վ է:

ՆԱԹԱՆ

Բէխայի

Եղբայրը:

ՍԱԼԱԴԻՆ

Նորա եղբայրը:

ՆԱԹԱՆ

Այո՛:

Բէխ

Եղբայրս: Ուրիշն ես եղբայր ունիմ:

ՏԱՃԱՐԱԿԱՆ

(Յանկարծ տաքանալով սթափում է իւր անուշադրութիւնից:)

Ո՞ր է, ո՞ր է նա: Կեռ ես այստեղ չէ՞:

Զէ՞ որ նա այստեղ պիտի հանդիպէր:

ՆԱԹԱՆ

Համբերութիւն:

ՏԱՃԱՐԱԿԱՆ (սաստիկ դառնութեամբ.)

Նա Բէխայի համար

Հայր գտաւ. — ինչի՞ եղբայր չի գտնի:

ՍԱԼԱԴԻՆ

Պակասը լրացաւ: Քրիստոնեայ, երբէք

Ասադ եղբորս բերնից չէր դուրս գայ

Այդ ստոր կասկածը: — Լա՛ւ, շարունակիր:

ՆԱԹԱՆ

Ներիր — իմ կողմից ներում եմ նորան:

Ո՞վ գիտէ, թէ ինչ կը մտածէինք,

Եթէ լինէինք մենք նորա տեղը,

Նորա հասակում:

(Բարեկամաբար մօտենում է տաճարականին:)

Ի հարկէ, ասպետ —

Կասկածն է ծնունդ անխտտ հուրեան

Եթէ դուք խելոյն ինձ ձեր խիական

Անունն ասէիք....

ՏԱՃԱՐԱԿԱՆ

Ի՞նչ:

ՆԱԹԱՆ

Դուք Շտաուֆէն չէք:

ՏԱՃԱՐԱԿԱՆ

Ապա ո՞վ եմ ես:

ՆԱԹԱՆ

Կուրդ Ֆօն Շտաուֆէն չէ

Ձեր անունն.

ՏԱՃԱՐԱԿԱՆ

Ապա ի՞նչ է անունս:

ՆԱԹԱՆ

Լէօ Ֆօն Ֆիլնէկ:

ՏԱՃԱՐԱԿԱՆ

Ի՞նչ:

ՆԱԹԱՆ

Չարմանում էք:

ՏԱՃԱՐԱԿԱՆ

Իրաւունք ունիմ: Այլ ո՞վ է ասում:

ՆԱԹԱՆ

Ես, որ կարող եմ աւելի ևս  
Շատ բան ասել ձեզ, թէև չեմ ասում,  
Թէ սուտ էք խօսում:

ՏԱՃԱՐԱԿԱՆ

Չէք ասում:

ՆԱԹԱՆ

Գուցէ

Եւ այդ անունը պատկանում է ձեզ:

ՏԱՃԱՐԱԿԱՆ

Ես այդ կարծում եմ:—

(Ինքն իրան.)

Աստուած է սորան

Այսպէս խօսեցնում:

ՆԱԹԱՆ

Ձեր մայրը ինքը

Ազգով Շտաուֆէն էր: Իսկ ձեզ մեծացրեց  
Նորա եղբայրը, այն է ձեր քեռին,  
Որին յանձնեցին ձեզ ձեր ծնողները,  
Երբ կոշտ կլիմայի պատճառով իրանք  
Թողին Գերմանիան և եկան այստեղ:—  
Կուրդ Ֆօն Շտաուֆէն էր նորա անունը:  
Շատ կարելի է, որ հոգեորդի  
Ընդունեց նա ձեզ:—Վաղուց է, ինչ որ  
Եկաք նորա հետ դուք այս կողմերը

ՏԱՃԱՐԱԿԱՆ

Ի՞նչ ասեմ, Նաթան:—Բոլորն ուղիղ է,  
Նա մեռաւ: Ինքս նոր հասայ այստեղ  
Մեր ասպետներին օգնութիւն եկած  
Վերջին զնդի հետ:—Բայց, բայց, ասացէք  
Արդեօք Բէխայի եղբայրը ի՞նչ դործ  
Ունի սորա հետ:

ՆԱԹԱՆ

Ասպետ, ձեր հայրը....

ՏԱՃԱՐԱԿԱՆ

Ի՞նչ, դուք նորան էլ ճանաչում էիք:

ՆԱԹԱՆ

Իմ բարեկամն էր:

ՏԱՃԱՐԱԿԱՆ

Ձեր բարեկամն էր:

Մի՞թէ....

ՆԱԹԱՆ

Կոչվում էր վոլֆ Ֆրինէկ. բայց նա  
Գերմանացի չէր:

ՏԱՃԱՐԱԿԱՆ

Այդ էլ զիտէք դուք:

ՆԱԹԱՆ

Նորա կինը միայն գերմանացի էր:

Նա Գերմանիա ուղևորուել էր

Ձեր մօր հետ միայն կարճ ժամանակով:

ՏԱՃԱՐԱԿԱՆ

Եւ ոչինչ, Նաթան, խնդրում եմ ես ձեզ:—  
Ո՞վ է Բէխայի եղբայրը:

ՆԱԹԱՆ

Դուք:

ՏԱՃԱՐԱԿԱՆ

Ե՛ս:

ԲԷԽԱ

Սա իմ եղբայրը:

ՋԻՏՏԱ

Քոյր ու եղբայր են:

ՍԱԼԱԻԻՆ

Քոյր ու եղբայր են:

ԲԷԽԱ

(Ուզում է վազել առհարականի մօտ.)

Միրելի եղբայր:

ՏԱՃԱՐԱԿԱՆ (յեսա քաշուկով.)

Ե՛ս սորա եղբայր:

ԲԷԽԱ

(Կանգնում է և դառնում է Նաթանին.)

Անկարելի է.

Նա այդ չէ ըզգում:—Աստուած իմ, Աստուած

Մենք խաբերայ ենք:

ՍԱԼԱԳԻՆ (տաճարականին.)

Խաբերայ: Այդպէս

Մտածում ես դու: Ինքդ ես խաբերայ:  
Գո մէջ ամեն բան կեղծ է. պատկերդ,  
Ձայնդ, շարժուածքդ— բոլորը կեղծ է:  
Այսպիսի քրքոջն ուրանալ: Գրնա:

ՏԱՃԱՐԱԿԱՆ

(Սոսնար: ութեամբ մօտենում է նորան.)

Սոսնար, մի՛ այդպէս վատ մեկնիր և դու  
իմ ավշութիւնը: Մի վայրկեանի մէջ  
Մի ուրանար դու ինձ ու Աստուծին,  
Որին դժուար թէ երբէք տեսել ես  
իմ դրբութեան մէջ:

(Մօտենալով Նաթանին.)

Դուք ինձ տալիս էք,

Նաթան, շատ բան և շատ էլ առնում էք:

Ո՛չ, դուք աւելի շատ էք տալիս ինձ,

Գան թէ առնում էք: Անչափ աւելի:—

(Գրկելով Ռէխային.)

Իմ սիրելի քոյր:

ՆԱԹԱՆ

Բլանդա ֆօն Ֆիլնէկ:

ՏԱՃԱՐԱԿԱՆ

Բլանդա:— Ոչ Ռէխա: Տէր Աստուած, մի՛թէ

էլ ձեր Ռէխան չէ:— Մերժում էք նորան.

Քրիստոնէական անունը տալով,

Դուք իմ պատճառով մերժում էք նորան.

Նաթան, Նաթան, ի՞նչ մեղաւոր է նա

ՆԱԹԱՆ

Այժմ երկուսդ էլ իմ գաւազներն էք.

Մի՛թէ իմ աղջկայ եղբայրը նոյնպէս

Որդիս չէ— երբ որ ինքը կամենայ:

(Այն ինչ նա գրկախառնում է Ռէխային և տաճարականին, Սալադինը անհանգիստ և զարմացած մօտենում է իւր քրոջը.)

ՍԱԼԱԳԻՆ

Քոյր, ի՞նչ ես ասում:

ՋԻՏՏԱ

Սիրտս յուզուած է:

ՍԱԼԱԳԻՆ

Իսկ ես զոգում եմ մի աւելի մեծ

Յուզմունքի առաջ: Լա. պատրաստ եղի՛ր

Այդ բանին, Ձիտտա, որքան կարող ես:

ՋԻՏՏԱ

Ի՞նչպէս:

ՍԱԼԱԳԻՆ

Այստեղ եկ, Նաթան, խօսք ունիմ:

(Նաթանը մօտենում է նորան, իսկ Ձիտտան քրոջը և եղբորը, որ յայտնէ նոցա իւր համակրութիւնը: Սալադինը և Նաթանը կամաց խօսում են.)

Նաթան, նոր խնայն չասացի՛ր դու....

ՆԱԹԱՆ

Ի՞նչ:

ՍԱԼԱԳԻՆ

Որ դերմանացի չէր սոցա հայրը:

Ապա ո՞վ էր նա:

ՆԱԹԱՆ

Նա ինձ այդ մասին

Ոչինչ չէ ասել:

ՍԱԼԱԳԻՆ

Բայց ընդհանրապէս

Արեւմուտցի չէր, Փրանկ չէր:

ՆԱԹԱՆ

Որ Փրանկ չէր

Նա այդ չէր ծածկում:— Նորա ամենից

Սիրելի լիզուն էր պարսկերէնը:

ՍԱԼԱԳԻՆ

Ի՞նչ, պարսկերէնը. — էլ ի՞նչ եմ ուզում:—

Այդ նա է, նա է...

ՆԱԹԱՆ

Ո՞վ:

ՍԱԼԱԳԻՆ

Իմ եղբայրը.

Ասայ եղբայրս:

ՆԱԹԱՆ

Երբ որ այդ բանը

Ինքդ իմացար, ահա՛ ապացոյցն

Այս գրքի մէջ է:

(Տալիս է նորան ժամագիրքը.)

ՍԱԼԱԳԻՆ (շուտ բաց է անուով գիրքը.)

ՎճՏ, նորա ձեռքը...

ՆԱԹԱՆ

Նորա դեռ ևս ոչինչ չը գիտեն  
Քեզնից կիմանան որքան որ պէտք է

ՍԱԼԱԳԻՆ (գիրքը թերթելուց յետոյ):

Ի՞նչ, չը ճանաչեմ ես իմ հարազատ  
եղբոր որդկերանց. ապա քեզ թողնեմ:

(բարձր ձայնով.)

Նորան, նորա, Ձիտտա, նորան,  
Բո և իմ եղբոր որդիքն են սորա:

(Շտապում է գրկել նոցա.)

ՁԻՏՏԱ (հեռուով է նորան.)

Ա՛հ, ինչեմ լսում:— Մի՞թէ ուրիշ կերպ  
կարող էր լինել:

ՍԱԼԱԳԻՆ (տաճարականին.)

Հիմա, կամակոր,

Հիմա ահամայ պիտի ինձ սիրես:

(Բէխային.)

Ուզում ես, թէ չէ, հիմա քո հայրն եմ:

ՁԻՏՏԱ

Ես էլ քո մայրն եմ:

ՍԱԼԱԳԻՆ (դարձեալ տաճարականին.)

Որդի, իմ Ա՛սադ, Ասադիս որդի:

ՏԱՃԱՐԱԿԱՆ

Ես քո արիւնն իմ:— Այսպէս ուրեմն

Երեխայութեան իմ երազները

Բալորովին էլ երազներ չէին:

(Ընկնում է նորա առաջ.)

ՍԱԼԱԳԻՆ

Տես չարագործին: Սա արդէն գիտէր

Այս մասին մի բան, և էլի ինձ իւր

Սպանողն էր շինում: Սպասիր, սպասիր դու:

(Այս ինչ նորա կրկին ընկնում են իբար գերկե, վարագոյրը իջնում է.)

ԳԵՈՐԳ ԲԱՐՍՈՒԴԱՐԵԱՆՑ



15r.

Ungtun Gtmtk Gulmays. Kutsche

1380

2013

